



















Library 64022  
82



BUREAU OF  
AMERICAN ETHNOLOGY.  
1905  
LIBRARY.

# PAVOSTO

12677

zeoxchešenitótahañez Luke na John.







BS  
345  
C53M54  
1902  
50A

With Compliments of  
R. Petter

Bible, N.T. Luke, Cheyenne. 1902

# PAVOSTO

zeoxchešenitótahaōez Luke na John  
niš hevovistomosseon Jesus Christ.

12677

---

The Gospels of Luke and John  
translated in the Cheyenne language  
and printed for the interest of the  
Mennonite Mission among the  
Cheyenne Indians.



WITNESS PRINT, Berne, Indiana.



# PAVOSTO

Zeoxchešenitótahaōez Luke na John.

## INTRODUCTION.

“Behold I bring you good tidings of great joy, which shall be to all the people.” To the intent that these good tidings also reach the ears and the hearts of our Indians, were these two Gospels—Luke and John—written and printed in the Cheyenne language. May this translation of God’s Word prove an appropriate *lightbearer*, a *channel* and a *vessel* to convey into the hearts and minds of our Cheyenne the light, the life and the love, which Christ brought to this world of darkness, death and hatred.

R. PETTER, Mennonite Mission.

August 1902. Cantonment, Okla.

## NISTAMĒSTOMEVASISTOZ.

Ezetxeo maheonemxistoneheva: otā niñséhó-tahaovazenov pavostō zevešhesseohapavetanox-tov. Hen pavostō etahān zeoxcetooveamem-xeoe heto maheonzistxistoneheva.— Nohasse nivaetto zeoxcetataenom na zeoxceōstom heto maheonezistxiston momoxetoovetanom zeheše-maheonatame, zehešemomātavatame na zeoxce-toovatto maheonomotom. Ooxce-ōstomosz momoxeamevešhesseamhātto ametānene máp zeñxhesto-amessevo Maheono, Jesus Christ hevetovā. Zessenszé

Meanešie, Zémamovo 1902.

John zeoxchešótahaōez

Pavhoštō.

### CHAP. I.

1 Zémone-asshestano ehessóneō homotom, na hen homotom évesse-vhōnō Maheon, na hen homotom énēhovho Maheo.

2 Na hen vezen zistosse-moneasshestano évessevhōnō Maheo.

3 Nitao howáez emanszenhōnoz, na hovae zsaa-manszēs, éssaamanehane-henéo zemana.

4 Na vostanehevestoz nitooxz énēhovho, na hen vostanehevestoz énēhoveneō hevohoksena-nistovevo hestaneo.

5 Na hen zevohokass evohóyottā zeáenonet-tō, na zeáenonettō éssaanótovaztō.

6 Nasz hetano énmeanohōnō Maheo, John zexeše-veheziss.

7 Nhé exhoeótahaneho, eñxeóstano hen zevohoksez, nonoxpā nitao hestaneo zhesseonis-syomáta hevetov.

8 Éssaanēhové hatō zevohokass, énmeatovho zeñxe-ósesto hen zevohoksez.

9 E'nmeha-ñšena-hoénetto hestanov nhe zeo-



nissyome-vohokass zetoë-vohóyoēs nistoxs voston.

10 E'veaz, zexhestanovez, na hestanov éme-ha-vešemanáotōě, na hestanov essaananōeho.

11 Exhōhottō tāma hevostanemo, na tāma hevostanemo éssaamasseztōheo.

12 Na zehestoe-masseztōs émetonoho nexō-vhastoz zeñxhenissonet's Maheon, nah zetoeo-nissyomátoziss hevéhestoz:

13 Zsaavešhestaozehet's máe, na matoheva hetšetanoxzevã mat-hoevokxz, na matōheva hetšetanoxzevã hetanó, óha Maheon.

14 Na hen homotom exevxotaeneō na nivhestanovema-enóneo (na nivōxtomovonon hevohóyo-evatamāestoz, tass hevohóyo-evatamāestoz zénokāsz maheo) eohotomoen oheevaztastovã na hetomstovã.

15 John exhossemohōno nã émaxehaeho, es-zeho: zeahāne nah zistotoxemō, nah zenstoshestoxe-hōhoenitōsz návovoahetova zeheše-nistavovoahetōsz.

16 Na heohotomōenátovã nistxuiz nihesseamãmã mehosshotoastoz na mato mehōsshotoastōz.

17 Moše émeaã hóemanistoz; otã oheevatamāestoz na onissyometomestoz ehóeozesz Jesus Christ.

18 Hovane voston éssazeše-vōmōheo Mahe-

onō tónexovevã; óha zenokoenoxzetto Zehē-  
hyahetovsz zenoóettoesz Ehano: niahāné zehe-  
še-meemoss.

19 Na etahāne zehetostōonans John, hane  
Jews zistāšene-enánóvoss maheonhetaneo na  
Levites, Jexušalemo zehestaziss, zistānoztōs,  
ninēeváeve?

20 Na émes'tano, na es'saaéztôno; eszheše-  
mestano, nassaanēhové Christ.

21 Na énoztovovhōnō, nivae nah? Ninēhové  
Elias? Na eszeho, nassaanēhové. Ninehové  
nah ovhanhe? Na énostaho hovahan.

22 Néš eszetovhōnō, ninēevaevê? nonoxpa  
natanešeméstomevoneo zenszheše - nenāhe-zēê.  
Nioxettaz nitooxz tāma?

23 Eszeho, nanēhov henistōhestoz nasz ze-  
maxehāsz tóhovê, xanove-manstovã hemeo Ze-  
nithāsz, zettohēs ovhanhe Isaiah.

24 Na zémehaešene-enáhess exhestaehōnō  
Phariseehetaneo.

25 Na eszheše-nōztōnō, na eszettaehōnō, he-  
nae nah zehesse-eōstāováttō zsaanēhovetto  
Christ na Elias, na mato heva nah ovhanhe?

26 John zénostovoss eszeho, navešeēōstāova  
máp: nisxsenaōevo nasz nhé zsaahene-énovo-  
hess,

27 Niahāne zehestoxhoeōsz, vátometto ze-  
nistavovoahetōsz, hemocanoz zevesetōet's zsa-



ahoxtamestomôvo zemeheše-oneanomovo.

28 Heto hovae émâhozessoneô Bethabara nhasto Jordaneohe, nhâno John zēōstāōvâss.

29. — Zexhosse-esêvez John évômôhônô Jesuseva én'noxzôttæhō, nâ eszeho, Vehōma heg'sāessonam Maheo, zeoxce-hassetano zex-hatavsevoetastov hestanov.

30 Zeto niahâne nah zenhetto, nanstos-hes-toxhōhoénetowa hetan zevovoahetōsz, zeheše-nistavovoahetōsz.

31 Na nas'saa-hene-enovohe; ôha zistosse-naxhene-enōesz Israeleva nañxhesshō - vešēō-stāovâ máp.

32 Na John ênitôtahaneho, eszeho, návōmo mátassooma, eñxhessē-anhōoxz heamâ, tass he-men, na etax'hóetō.

33 Nâ nas'saahenē-enovohe: hotaz' nah zen'-nešenēnahēs zénvešē-ōstāovavo máp nâzetta, nohasse nivasz zévômōz zeanhôtaxeōšetōsz nâ zetoomostōsz, nhē niahâne zevešēōstāovaz Maheonemátassoomâ.

34 Na naeševōxta, na nanešemestano hostō, zeto niahane zehēhyaetōēzišs Maheon.

35 Na tahossešēvâ John exhosseneho na niš hevovistomosseon évessehoemaehônô;

36 Na zévōmoss Jesuseva zeaménet's eszeho, vehōma heg'sāessonam Maheo!

37 Na ninišet's hevovistomosseon ênistovae-



hōnō zehēs na exhoeovohōnō Jesuseva.

38. Neš Jesus exhooto-ohō na évōmohōnō zexhóeōs, nā eszettohōnō, hena zenoxzeomass? Na eszettovohōnō Rabbi (zeszenov mozenovan Zenithatto) t'sa niēvae?

39. Eszettaevohōnō, nínās na nszevehōxta-now. Exhoénehōnō na évōxtomovo-novo ze-ēvaet's; na eñševēsthōmovhōno hen ešēvā; hea zématótnxeo móešhōstane.

40. Nasz nhe níniševoss zénistovoss Johneva zeēsés na zémehahóeovoss, mónséhané Andrew Simon Peter hevis'son.

41. Estavóemeo-vohōnō tāma hevis'son Simoneva, na eszettohōnō, naešemeovon Mešiax (mozenovan zénenov Christ.)

42. Na exhoeozohōnō Jesuseva hevez. Na Jesuseva zévehomaes eszettaehōnō, nitónēhové Simon hēhya Jona: Kevas nszeoxcettan (mozenovane zénenov ohona)

43. — Na hosse ešēva Jesus exhassetano-ho Galileeno, na zémeovoss Philipeva eszettohōnō, hóeovsz.

44. Mo Philip exhestahe Bethsaida, mâveho-eno zexhestavoss Andrev na Peter.

45. Philip estameovohōnō Nathaneleva, na eszettohōnō, naešemeovon nah Moše hesthomanistov na ovhanheo zexhossemovoss, Jesus zehestász Nazareth, hehyaō Joseph.

46 Na Nathanaelewa eszettaehōnō, tah hova'e zepeva zeñshe'sthōénetto Nazareth? Philipeva eszettaehōnō, nínasz na heveoxtoz.

47 Jesus zévōmoss Nathanaelewa zén'nhaoxzevās, eszettohōnō, vehōma nasz Israelite zeonissyomsaa-nohāesz hōcéhěstoz.

48 Nathanael eszettohōnō, t'sa nihessheneenové? Jesuseva zénostōs, eszettaehōno, zsa-aešeonōmaheta Philip, hane zexhóetto átonoẽ voxkōhemenoeva, nívōmaz.

49 Nathanael énostovohōno na eszettohōno, Zenithátto, nionissyomnēhov Hēhyao Maheo: nionissyomnēhov Zemaxevehonevsz heszhestano Israel.

50 Jesus énostaho na eszettohōnō, zistahōmaxenettaz, nívōmaz átono voxkōhemenoeva, mó nihesse-onissyomáta? nstavōxtanoz zehépemomahāōsz hováeo,z, heto zeoxexova.

51 Na eszettohōnō, onissyometto, onissyometto, nitanettazeme, neš zetā nstavōxtanov heamā zeōnstaoz na hesthozeon Maheo zeéameoxzeo na zeanhōoxzeo hevetová Zehēhyaetōsz hetano.

## CHAP. 2.

1 Na zenaanonetto ěš ěvěstōmazenoveneō zémhaostov Cana Galileeheno: na hesc Jesus nhane éveshōeho:



2 Na nínissovaevoss Jesus exhesseonōmeho na hevovistomosseon zevistōmazenovez.

3 Na neš zexhóavöss ópaehememenáp, Jesus hesc eszettaehōnō, essaahestópaehemene-mápē-maheo.

4 Jesus eszettohōnō, Hé' nissaatoñšetovaze? naešeamē essaaešhoénettan.

5 Hesc eszettozenōhōnō hozeon, nohasse maóxettāss neševehen!

6 Na nâ exhoehōnō nasóte kassohe-hévetō máp zeoxcevehottō zeohonacevess, tass zeoxcevešhoxeanazevoss Jews, matóto-hótniva maa-taēvetōnehevā zeohotomoen, eoxcenitota-oena-hōn nasz nhe kassohe

7 Jesus eszettohōnō, máp ohotomoenoz kassohe evetōneheva. Na eohotomoenatovhōnō nxsetto heszeneva.

8 Na eszettohōnō, nōhomeneš na tátomeva zevehonevsz zémessestovez, na estâtanovo.

9 Na zenithāsz messestov zehešehoneátō máp zehópāehemene-mápemhánez, na es'saahe-ne-enōhenō zexhessoz (óha hozeon zenohóss máp, exheneenanovo,) na zevehonevsz zémessestovez eonōmōhōnō zeheszeémeziss,

10 Na eszettohōnō, nistoxs hetan ómoneasse-messenovézēs eoxcēnanā zepevaez hópaehe-menemáp; na neš hetaneo oxta-ešepeva-seševosz, neš eoxcēnanā zehavsevaez; na zeheše-noce-



ñšhozetto zepeva hópāehemenemáp taě hezezea.

11 Heto éveše-mone-asse-ovavoētaho Jesus nhéno zémhaostovez Cana Galileehéno, na é-me-enanho hevohóyoevatamāestoz; na hevovistomosseon eonissyomatōehōnō.

12 Na neš hóom estanhô-hassho Capernaum, nitooxz, na hesc, na hevišson, na hevovistomosseon: na exhóehōnō es'saahāsto-enōehōnō.

13 Na Jews heomnestovevo exhahanettozenéo, na Jesus estaeyha-hōxzeho Jexusalem.

14 Na émeovohōnō maheonemhayon, nah zehótovazess hotóa, g'san na hémemo, na zeoxce-metoenozess makátansz exhoehōnō.

15 Na néš zeešemanisz ohamevōx, exhesse-toanenhōnō tōseonō, exhōaovohōnō nistxuit's maheonemhayon, na g'san, na hotoa. Na exhōeahátovonhōnoz hemakátaemevoz zeoxceme-to-enenezess, na exhótāhátovonhōnoz zeniveox-tatozeēs.

16 Na eszettohōnō zehótovazess hemeno, hestanom heto hováeoz hōeozesz; niohe hemhayo nivehótovamhayo-nanenov.

17 Hevovistomosseon émeetanotozeno zeheše-netxéoz, ševetanótoz zeveše-ševetanomotaom nimhayo, tass namhāetā.

18 Neš énostovaehōnō Jews na eszettaehōnō, henova óvavoētastoz emevōešemenotto heto zeēv-hesszešievetto hovaeoz?

19 Jesus énostovohōnō na eszettohōnō, vonenoxz heto maheonemhayo na nāā ešēvā nā-taevhatomótanō.

20 Neš eszehōnō Jews nivóeyā-hótnasóte-yā heto maheonemhayo ene-ešemane na mó nsze-vhaexan nāā ěš?

21 Heva mó zestotoxesto maheonemhayo ěnhestanō hevōxz.

22 Neš hane zeevha-ohās zēnas hevovistomosseon ěmeetanotozeno heto zeešeš-zetótahā-ōvoss, na eonissyomátanov maheonemxuistō na heēszestoz Jesus zeešēs.

23 Na neš mozeešhoēns Jexusalem hoomnestovā hen ešēvā zēñšenamaxemessetov, hāesto eonissyomátotozeno hevehestoz, zévōxtomovovoss heovavoētastotoz zeneševešz.

24 Na ax Jesus eōcevatamohōnō, zeheše-he-neénovoss nistxevoss.

25 Éssaa-vovoxbon-óstomo-enhōnō vostano hetano; et'sē-taom-hene-enovo zeheštahaz hetano.

### CHAP. 3.

1 Nasz.hetan zehestāsz Pharisees, Nicodemus zeheševēs, zevessenithās, zexhestanovovoss Jews.

2 Nhé exhóeotthōnō Jesuseva tāevā, na eszettohōno, Zenithátto, nahene-enanon zeheševo-



vis-tomosse-nehevetto zeñxeoxzetto Maheo he-  
vez: otā hovanē emessaaése-neševe heto ovavo-  
ētastotoz zeñheše-vettossoz, óha tóeveoxzemász  
Maheon.

3 Jesus énostovohōnō na eszettohōnō, onis-  
syó, onissyó, nitanettaz, óha voston emeevhâs-  
hestaoz, emessaatoñše-vōxtô hevehonstanov Ma-  
heon.

4 Nicodemus eszettohōnō, tah emetoñše-ev-  
hâshestaoz voston zeeše-enáss? Eme-evhâes-  
zéné zenixaonettoz hesc hetonex, na emeevhâs-  
hestá!

5 Jesus énostaho, onissyó, onissyó, nitanet-  
taz, óha voston emeevhaveš-hoss-hestaoz máp  
na mátassooma, emessaatoñšeszéné hevehons-  
tanov Maheo.

6 Hato zevešhestatto mavxózeva evxozeve,  
na hato zevešhestatto mátassoomaeva emátas-  
soomaeve.

7 Nivetazetan : nszet'sē-evhâshestaoz zex-  
hettaz.

8 Eñxhesta t'sa zénešetanoss ahāvhan, na  
ninistomov zénistonevāoss, na nissaahene-eno  
t'sa eñxéoxzesz, na t'sa etaoxzesz : na enahāne  
vezen nistoxs zevešhestaz mátassoomâ.

9 Nicodemus énostaho na eszettohōnō, tah  
heto hováeoz emetoñše-zhessonsz?

10 Jesus énostovohōnō na eszettohōnō, mǎ-



seonithatto hestanov Iŝxael, na mohonohene-enom heto hovaeoz.

11 Onissyō, onissyō, nitanettaz, natotoxstanon zehene-enomaz, na navōstanon zehešeōxtomaz; na nissaamasseztōnovo natōtahanestoann.

12 Zeheše-ótahaovazess zethōevă hovaeoz, na nissaaonissyomhâtânov, nimenoze-toñše-onissyomhâtanov ôtahâovaz héamă hovaeoz.

13. Na hovane voston essaaēše-éoxze heamă, óha nah zeñšhesse-anhōénsz heamă, óha tóēnhe zehēhyaetōsz hetano heamă zeēvāsz.

14 Na tass Moses zehešsehóenöss šišinovot-tohove hapo vezen zet'sē-enešsehóen Zehēhyaetōsz hetano;

15 Na nohasse nivāsz zeonissyomhátovot's, zsaa-assetoē-hessesto, zhoxtaměstanoss aenevostanehevestoz.

16 Maheo zeheš-sóss-mehoxto hestanov exhessemeanottō henoxkoenoxzetto, nonoxpa zehetaeonissyomhátōet's emessaa-assetoē-hessesto, éosse zeáenanovoss áenevostanehevestoz.

17 Maheo énsaa-hesse-meahenotto Hēhya hestanov zistosse-hōxtoz hestanov; onitáz hevetov emehessevostanevet's hestanov.

18 Nah zeonissyomhátōes essaaehōmehe; nah zsaaonissyomhátōhessō ēšea'áze-ehōmĕ, zehešsaave-onissyomhátomovōhess hevehestoz ze-

nokoenoxtoziss Maheono.

19 Na hetahāne zezehēše-hōsanistovā, zevonetto éšehoēnettō hestanōv, na hestaneo enanōssemehoxtanov zeāenonettōz zehexovaztomevoss zevonettoz: hetšezistovevoz zexhomaxhavsevaet's.

20 Nistoxs zehēšenevstovs havs ehesse-nse zesta zevonettoz, na matheva essaa-hesse-zeoxzé zevonettoz, zeoxhavsevo - emāehanehettoz hetšezistotoz.

21 Na nah zeneševsz zetomeštoz ehoeoxta zevonettoz, nonoxpa hetšezistotoz zhēne-enoettoz, eneše-zistovettoz hevetovā Maheo.

22 —Na heto hovaéoz zeeševezess enxhoēneho Jesus na hevovistomosseon hoeva Judaea; na nhano en'nithoeho na zeyessevoss na éēōstāovaho.

23 Na John hapo eēōstāovaho Aenon háhetto Salim, estaoētamé-mápevezenéo nhāno: na exhóēnehōnō na eēōstāehōnō.

24 John eššaa-ēstāhamēheho aenonemhayon.

25 Neš eohaettoneo nōztastoz sitōv hosz John hevovistomosseon na Jews zehēšhoxeana-zistovez.

26 Na eñxhoeottovhōnō Johnēva na eszettovhōnō, Zenithatto, nah zévessevata nhasto Jordaneohe, nah zehótahanevomotâz, otā nhé



vezen eēōstāova na nītao vōstano enhaoxzevāẽ.

27. John énostaho na eszeho, vōstan emessaa-amhá hovāe, óha hessemezz heamã.

28. Ninēhovhemẽ tãma nihosstomotxemẽ zehešenetto, nassaanēhové Christ, óha nānv-hane-amenēnahe hevetová.

29. Nah zeaenoz zetosehameziss niahāne zetossevistōmōz; na hevešsen zetosse-vistōmoz nhe zenhēsz na zenistoyoz, emaxhesse-vōešetano zēnanehátovoss zistosse-vistōmeziss: heto na-voešetanótoz etaeše-vāxsenhess.

30. Zetat'sē-assemaneoxyz na nat'sēemasse-oxz.

31. —Nah zeñšeanhôēnsz heamã emha-hépahẽ; nah zehestasz hoeva ehóezesta, na etotoxesta hóe zehessoz; nah zeñxeoxz heamã nitao emha-hépahẽ.

32. Na hovae zeheševōxtō na zenistomonetto, hen ehosesta: na hovaneo vōstano essaamasse-ztōhet's hestótaheo.

33. Na zeeše-amházz hestótahanēstoz eešepâana hepâaneo Maheo eonissyomáhẽ.

34. Nah zēnmeass Maheo eēszenoz heēszestotoz Maheonõ; essaametahenotto Maheonmátassooma tãhoeoneva.

35. Zehehestovsz emehotō Hēhya, na ešemeto nitao hovāe hevetov.

36. Nah zeonissyomhátovot's Zehēhyahe-



toveziss eáena aenevostanehevestoz, na nah  
zsaaonisyomhátovosz Zehēhyahestoveziss zsaa-  
vōxtō vostanehevestoz, óha hestāstahátoz Mahe-  
on ethōeo.

## CHAPTER 4.

1. Neš otā Zenithāsz zexhene-éno Pharisees  
zešešenistomonet's Jesuseva zeheše-manot's  
na zehešeēōstāot's hēpesto vovistomosseon  
Johneva zeoxistoemanot's.

2. (Nitooxz Jesus es'saaēōstāovaheho, óha  
hevovistomosseon).

3. Enxhesse-hasseho Judaea, na estaēvha-  
ešehasseoxzeho Galilee.

4. Na est'sē-tossōp'neho šamaxon.

5. Neš eñxhoéneho nokov zémhâstovez šama-  
xon heno, Sossax zeheševe-ettoz, hahetto zehāx-  
ceómaoez han Yakov zémetoss hēhya Yosēve-  
va.

6. Na Yakov hevotaen nhāno exhottazeneo.  
Jesus nhâ zistakaneoz hea moxovistavatov, est-  
axhamstoeho votāen, na hea vezen ešsitovhōs-  
naho.

7. Nhāno eñxhoeoxzeho hée šamaxon zehes-  
tāsz, zén'nótō máp: Jesus eszettohōnō, nínhō-  
omevoz.

8. Hevovistomoneon estāeš-zeše-hasseoehōnō  
zémâstovez, zistāótovat's menestoz.

9. Neš eszettaehōnō hēo šamaxon zehestaeziss, etonhessō tah zehešhestatto Yodiheno, zehešēvēstomevettō nōmevazivtoz, zehešheevetto zexhestatto šamaxon? (Yodio moxhonoxcēvtoñše-vesshovož šamaxoneo?)

10. Jesus ēnostaho na eszettohōnō, mxhene-enomononhao hemeátoz Maheo, na nivāsz zezetata, nínhōomevsz, nímstavēstomevo, na nímstameta ametanenemáp.

11. Na hēo eszettaehōnō, hē-he hōvāe nissaa-vešnōhane, na votāen etaohāeotō: tah t'sa nihe-hestan hen ametanenemáp?

12. Mo nihépahehē zehexōvaes Zehehez Yakov, zemetaez votāen, na nitooxz zémans' na hēhyao, na hesthotoamo?.

13. Jesus ēnostovohōnō na eszettohōnō, nohasse nah zemansz heto máp, zeevha-hāōn:

14. Eósse nohasse nah zemansz máp zetametō zsaaevha-zešhāōne; hene máp zetametō tasszhoetōē ohamē zeaenessevo nxsettō aenevos-tanehevstovå.

15. Nhé hēo eszettaehōnō, hē-hé nímezz heto máp, nonoxpa nazaaevha-hāōné, na mato naze-neoxksaaevha-zethoemano.

16. Jesus eszettohōnō, taheonōmehå nhēhyam na níszeoxzéo heno.

17. Nhe héē ēnostaho na eszettohōnō, nas-saahehyam. Jesus eszettohōnō, nipavenheve,



nassaahēhyam zexhetto:

18. Niešēš-nohónhēhyam, na dhe hezézea zevistōmōz nissaahēhyamehenoz: hen nihesshetomenhevê.

19. Dhe héo eszettaehōnō, hoxtā, natahene-ena niovhanhevemó.

20. Zehehezēē eoxchaōna hezeto ohonāeva, na nioxcenhemē tāto Yexušalemo enahāné nhénō histaneo emēoxceš-haōnavoss.

21. Jesus eszettohōnō; héē, onissyomhátovsz, ēš eneaménetto nhāno neš nszeoxksaa-nox chaōnatovôvo Ehan zeto ohonā na matoheva oxsēcetto Yexušalemo.

22. Nissaahene-enôvôvo zehaōnatovoss; nahene-enovon zehaōnatovóz; vostanevházestoz et'sē-heszhovenov Yodieo.

23. Na ēš eneaménetto, hēhé ešhoénetto neš zeonissyomhaōnaeonevess zhaōnatovov Ehāno mātassoomaēva na etomstová: tass enoxzeovō nhestáevō Ehan zeme-haōnatōs.

24. Maheo emātassoomaēve; na nah zehaōnatōs zet'sēhaōnatōē mātassoomaevā na hetomstová.

25. Dhe héo eszettaehōnō, nahene-éno, Meš-iax enstoshoénēsz (Christ zeoxcettōsz); mánstonešhoēnsz, nazótahaoenonsestoz nitao hováeo.

26. Jesus eszettohōno, nanēhov dhe zeēs'tovaz.



27. — Na heto zéñšenazēs éne-evhahoéne-hōnō hevovistomosseon; na exatoñše-tanōzehōnō zeheše-ēsztovoss héo; henāet's zehoaztomevoss, hovane es'saaheheho na matoheva henā zehesse-ēs'ztovoss?

28. Nhe hé ešhassetanoózeno heszhemanohevetoxk, na est'sē-ehasseho zemâstovez, na estazettohōnō hetano.

29. Niszeoxz, hévehoma hetan, zénettasz nitao hovāe zeoxcēvetaoētatto: taxa emessaanēhové zeto Christ?

30. Neš estasshōeasshōnō zemâstovez, na exhoeottovhōnō.

31. Na zeheše-amexovat's hevovistomosseon, Zenithatto ševemessēs exettoenatoehōnō.

32. Hotaz eszettōhōnō, nahemessestov zeoxcemesetto, hen zsaahene-enomahess.

33. Exhessezettazehōnō hevovistomosseon nonameto, hāmā vostano nasz ehoeoztomō hovāe zemestovez?

34 Jesus ēszettohōnō, nātam enahāné zeneševevo hetšetanótoz zénmeatōsz, na zeševâxtanonomov hesthozeoéstoz.

35 Nivenhemē, óha nive ešéheo eheeozeó, na neš zehoénetto óenóestoz? otā nitanettazemē henéhanom niexaevoz na vehōxtom hóeonevoz, eota-ešaáze-vokomonsz zeoxceše-oenoestov.

36 Na nah zeóenosz eamhāna oninxomeva-

zistoz, na tass eoxboananoz hemenamož tātto  
vostanehevestovā aenetto; na nínisshovavoss  
nah zeēnanósz na nah zeóenosz nonoxpa zení-  
ševōešetanō.

37 Na etahān hen eēszestoz zexhetometto,  
nasz eēnāno na mato nasz éóeno.

38 Nitaneše-nēnāhēžém zexeóenóess t'sa  
zsaaneše-nanomahess hozeoestoz: zenitass heta-  
neo exhozeoeo na nihoeoxtomovonov hestho-  
zeoéstovevo.

39 — Na hāsto šamaxoneno zehestaezēss  
hane māstov exhesseonissyomhātōehōnō, zehe-  
tótahanet's héo, zeszethossemās; nānettā nitao  
zeoxcēvetaoetaevo.

40 Na neš šamaxoneo zeñxhōhottās évonhos-  
semaehōnō zeonōmaēs zistosse-nethoevoss he-  
venovevo: na nhāno exhoeho niš eš.

41 Na hāstō exhesshosse-onissyomhātōehōnō  
tāma heēsztoz;

42 Na ēszetovhōnō héo, neš naonissyomhāt  
zexhomaxe-nitótahaovemenottō hovahan; na-  
ešetaomenistovon nitoōxz, na nahene-énovon  
zeto onissyom enséhō Christ vostanevstoman  
hestanov.

43 Na neš zeheše-niše-enóet's esthasse-assehō  
nheno, na esthassho Galilee.

44 Jesus nitoōxz eszeho, ovhanhē essaaonoa-  
tamāhe tāma hēsthóeva.



45 Neš nhāno zeřxhēns Galilee, Galilee ze-  
hestaezess émasseztōehōnō zeš-heše-vōxtome-  
vosz nitao hovaeoz zeneše-vesz Yexušalemo zē-  
maxemessetovez; hapo estavesshooxzehōnō  
zēmaxemessetovez.

46 Exnēvhaashoēneho mato Canaevéno,  
nasz zēmāstov Galilee, nhāno máp zexhópāehe-  
menemápemanševaēno. Na nâ nasz onōhetan  
hēhya exhaāmoxtaēhōnō nhéno Kapexnahom.

47 Neš zénistomons' Jesuseva zeñxhesshoé  
net's Yodaeno nhéno Galilee, eštanhaoxzevhō-  
nō, na évonhossemohōnō emetašhooxzet's he-  
venoz, na zemeheše-vōstanevot's hēhya: estosse-  
assenāēhōnō.

48 Neš Jesus eszettohōnō, óha vōxtomass  
ovavoētastotoz na zeohāosz; nimesaaronissyom-  
hátahemě.

49 Na onohetano eszettaehōnō, hoxta, nisá-  
hász nanišs zehešenāes.

60 Jesus eszettohōnō, tanhaevhahooxzz:  
nhēhya evostanevé. Na nhe hetan eonissyom-  
hátomovhōnō heēszestoz. Jesuseva zeēs' tōsz,  
na estaevháhooxzeho.

51 Na zistañšena-ameoxz, hesthozeon esthoe-  
hoehōnō, na eszettaēhōnō, nhēhya evostaneve  
exettaēhōnō.

52 Na énoztovohōnō zehēšohōstaz neš ze-  
evha-asspeveoxz. Na eszettaehōnō, han hasto



ešēvā zènokxeoz (zexhomōsenaz) ñšhoestovā enootaě.

53 Na exhéne-enano zehehéstovsz vezen neš exhōstazeneo Jesuseva zexešezettās, nhēhya evostaneve; na nitoōxz eonissyomhátaho na ñšemāto hevenov.

54 Etahānē otā zenixaonetto ovavoētastoz Jesus zexhosseneševs zeñxhesthōéns Yodaeno zéneeszéns Galilee.

## CHAPTER 5.

1 Heto neš hoómāhevetto émaxemessestove-néo Yodio zexhestanovevoss; na Jesus esta-hoxzeho Yexušalemo.

2 Na nā áe Yexušalemo zesg'sāhestaeta ea-kōmoehane, zeoxcezistomevoss Ivxeo Bēt-xastā, nohona esxsepaponō-ēstaneō.

3. Na zeto eoxce-maxhetanevonehōnō zet-onōešetoss zenonhoatāmháss, zeóóenness, zeóni-kass, zenanhess zēstosse-momóxtō-meozet's máp.

4 Zeheszemēnsz hoze estaoxce-anhōneho to-netoexoveva heno zeakōmoheāz na eoxce-mo-moxtōmanano máp: nohasse nivāsz zeešene-mo-moxtōmanet's máp, zevovoēséozz, eoxcevešē-noenō nohasse hovāe zeveše-tónitomoxtās.

5 Na nasz hetan nhāno exhoeho zeeše-aeno-noatamāsz nanóeyā-hótnanóte-yā.

6 Neš Jesus zévōmoss zeššē-šenot's na zex-

hene-éno zehešé-šeota hāeš nhestáss, hen eszet-tohōnō, mónszeevha-enoehan?

7 Zenonoatamasz énostovohōnō, hoxtā, hovanē hetan han ónstoneš-momoxtōmanēsz máp naoxksaaséeoetō zeakōmoheāz zetaešñšena-voné-netto zenítasz máetto etaoxce-amse'eo.

8 Jesus eszettohōnō, ohāsz, hestanoz, nszhestōmoz na aménsz.

9 Na séeya nhe hetan estóēnoéheho na ex-hestanano hezesthōmoz na eaménehō na henē vezen tó ešēvā émaheoneševeneō.

10 Yodieo neš nhe eszettaehōnō zeenoēsz, émaheonešēva, essaanithoemaneevhan zeeše-ameozēssetto nszhesthōmō.

11 Na énostovohōnō nah zeenoēasz, nhe ná-zettā hestanoz nszhestōmoz na aménsz.

12 Neš énoztōehōnō, nivā nhe hetan nhé zezétata, hestanoz nszhestōmoz na aménsz?

13 Na nah zeenoēsz eśsaa-hene-enovohōnō zeenoēas: Jesus nitooxz móstaeše-hasseohe, moñšenamátanevō hanháno.

14 Ninovetto Jesus emeovohōnō maheonem-hayo, nā eszettohōnō, otā nieše-evha-enoēhan: nioxce-ve-evha-havsevoēta, zeooxohamhavseve-va hovae nszhōhotta.

15 Nhe hetan esta-hasseho, na estanettohōnō Yodieo nsehō Jesus zeevha-ēnoeasz.



16 Na hen neš Yotahetaneo exhess-honovo Jesuseva na eoxzenotovhōnō zistossenahovoss, heto zeheševeneševet's hováeoz maheonešēvā.

17 Na Jesus énostovohōnō, niohe eñxhozeoē nxsetto zeszéxova, na nahozeo.

18 Na neš Yotahetaneo exhossoham-ñšé-ve-oxzenotovhōnō zistossenahovoss, zehešsaa-nino-kaet's asszēs Maheonešēvā, na zehešenoemato-neš-zehešhēs Maheonō zehešenóenitooxz-tāstovo-ottaz Maheono hevétovā.

19 Neš énostaho Jesus na eszettohōnō, onissyó, onissyó, ninhettazeme, Zehēhyaestovsz emessaatoñš-ñševe hováe tāma, oha zeoxcevōmoss Hehyo zeheševet's; hovaeoz nohass otā zeneševezēs, hen hapo enešievé vezen Zehēhyaestovsz.

20 Zehehestovsz emehotō Hēhya, na emestomevo nitao hováeoz heneševestoz tama; na zhosse-mestomevonoz zehéphāozēs neševstotoz heto zehēxovoz, nonoxpa nszhānstomóvonov.

21 Na tass Zehehestovsz zeheše-ohāetanoss zenāeziss, na zeevha-neše-ametane-ne-maneoss; hapo Zehēhyaestovsz zeevha-neše-ametanene-manho zenhessetamoss.

22 Zehehestovsz essaa-hoe-matô-hō hováneo hetano, eše-maho-otto hōemaossanistoz Hēhya.

23 Na nitao hetaneo eme-ēhátovo Zehēhyahestoveziss, tass hapo zeheše-ēhátovovoss Zehe-

hestoveziss. Na zsaa-ēhátovōsz zehēhya-hestoveziss essaaēhátovohe zehehestoveziss zemeatō-éziss.

24 Onissyó onissyó, nitanettazem, nah zenistomonetto nathótaheo na zeonissyomhátovot's zémeatōéz eáena aenevostanehevestoz (e-he-aene-vostanehevstov), na zsaaves-hôhoxtov assetóeēstoz; óha tass eñxhesse-óóman nāestov tato zévostanehevstovez.

25 Onissyó, onissyó nitanettazeme zistosseš-hōsta kokoyasseo eneameoxzetto, nā hēhé zeheše-nexov, nēs zenass zetosse-nistomóvo-voss henistōestoz Hēhya Maheon, na nah zenistovoss zevostaneheveo.

26 Tass Zehehestovsz zeheše-hevostanehevstovsz nitooxz, hapo eneše-meto Hehya zistosse-hevostanehevstovsz tāma.

27 Na eše-meto nithávhóemanistoz zistosse-nešievs hoema-ossanistoz mato; zeheše-nēhovsz zehēhyaetōsz hetano.

28 Nivetazetano-tanov heto: zenstoso-hōsta kokoyasseo eneameoxzetto, hēne nitāo zehetae-evše-navoss hátohoestová zenistomovonov henistōhestoz.

29 Na zeñxhōéneo: nah zeoxcēveta-pevoētaevoss zeneševha-ohayo zévostanehevstovez: na nah zeoxcēveta-havsevo-ētaevoss zeevha-neše-ohayo zeassetōēestovez.



30 Nametoñše-tama-nitooxz-toñševé hováe; zetóhešenistomonetto nanešhoeman: na nathoe-manistoz eexanov, zeheš-saanoxzeomahetto tāma natšetanoxtoz, óha hetšetanoxtoz niohe zenszheše-meatōsz.

31 Heva tataome-hossemazetto nathótahan-estoz essaaetometto.

32 Etahāne zenitasz zehossemasz; na nah-ene-ena hene zehossesto zexhossemass eheto-metto.

33 Nitatozeheme-mo John hevez na etó-neš-hossesta zeto ešetomettoz.

34 Na nassaa-amha histaneo heoxistovevo; óha heto hovaeoz nanheve, nonoxpa nszenon-axevoztanevanhemě.

35 Exmeha - tass - vohohokse - nanistov ze-oxce-ohass na zeoxce-vohóyoass: na nistaetam-hāmě kassexovevā zépavetanoss hevonanistov.

36 Na naaeno zehépāesz zehossemasz zeox-exovaēs John; matše-zistotoz héne Zehehestovsz zemetász zistosseexan, vézen zeneše-vettonoz matšezistotoz nahossemaenoz zeñxheše-meatōs Zehehestovsz.

37 Na Zehehestovsz nitooxz zénmeatōsz na-eše-hosséma. Nissaažeše-nistomovonov henis-tōhestoz tonexovevā, na matheva nissaažeše-vōxtomônovo zeheševetovāes.

38 Na nissaatō-eōezenov heēszestoz; na nah

zén-mehahemeás, nhe nissaa-onissyomhátovamôvo.

39 Nionisshene - enata - notanov Maheonmxuistō, zexhesseztomass zeñxhestoheaenevostanehevstovess: na enahane zexhossemanetto;

40 Na nissaa-nhaoxzevatanotoveme, nonoxpa nszeme-hevostanehevstovhemě.

41 Nassaa-amha ēhátovazistoz hestanistov hestoe.

42 Axe nihene-enovazeme, nissaa-honeoxtomovônovō Maheo hemehoßsanistoz.

43 Na navešhoén niohe hevehestovå, na nissaamasseztovehemě; na zenitasz mänešhoénsz tama hevehestovå,nhe nszemasseztovovo.

44 Tah nimetoñše-onissyomhátāmě zeoxceamhæss ēhátovazistoz nonameto, na zsaa-nozeomahess ēhátovazistoz zeñxhessoz óha Maheo hevetovå.

45 Nivehessetameheme zetosse-momaxemazess Zehehestoveziss hevez: etahane nasz zemomaxemāess, niahāne Mošé nah zehenietamistovess.

46 Maonissyomhátovossénhō Mošé, nimszheše-onissyomhátovemě zémxueōsz.

47. Na mássaaonissyomhátomovohess zémxueōsz, tah na nszetoñše-onissyomhátanov naēszeztov.



## CHAP. 6.

1 Na heto hovaeoz zeheševézess Jesus estā-omhashō maxenihaneheva Galilee, hen nihan Tiberias zeoxcistoë.

2 Na maxemātanevoxzeše exhôhoëno zevox-tomovovoss heovavoētastotoz zenhešezēst's nah zehaamox taziss.

3. Na Jesus estaehassho ohonaeva, na nhā evesshamstōemhōnō hevovistomosseon.

4 Na oomenhestoz hemaxemessestovevo Yotahetaneo; exhahanettonéō.

4 Neš Jesus zistazetōoss na zistavōmoss zemaxhāenoheziss zen'nhaoxzevās eszettohōnō Philipeva, hovaeva nstavešoxtovanon kókono-yo, nonópa zeto ememesseo?

6 Na heto ēszeho zeonistatamoss: exheneena-no nitooxz zemeheševs.

7 Philip énostovohōno nanoót'nohona hohe-soz kókonoyo emessaatā-éozeeho nistxevoss oestanomevoz tozce.

8 Nasz hevovistomosseon Andrew, Simon Peter hevisson eszettohōno,

9 Zéo hetanekašgon eveáz enooxzeëoz noho maxekókonoyonož na niš etozcetta noman: na tah emetonitokxtāyo zeszhešenonoet's

10 Na Jesus ēszeho; hamstoenēnáhe vosta-neo. Na estahāoeneo han hāno. Na vosta-neo exhamstoehōno na zehestxevoss hea noho-

nóe matótnoehōnō.

11 Na Jesus ešhestananhōnoz hene kókono-  
yono; na nész haho zeešése-meaass évozenome-  
vonhōnoz hevovistomosseon, na hevovistomos-  
seon, tōetto nhe zehamstoe'ziss na mato vezeno  
noman zetohetaehóavoss.

12 Nész zeešenasoenovoss, eszettohōno hevo-  
vistomosseon; hovxtanom evxseono; zeheeo-  
zész, nonópa hováhe zsaavoneozehan,

13 Na eossānhovse-mohēananovhōnoz, na  
eohotomoenozēnovhōnoz ótniš moeevotonoyo-  
noz zeevomész hen zénohon maxekókonoyo-  
noz zehépepeozész zehešemestov.

14 Nész nah vostaneo hane zeheševōxtomo-  
vovoss ovavoētastoz Jesusevā zenešezet's, esze-  
hōno, heto t'seonissyometto hetomestoz niahā-  
ne hovhanhe zetosshoénsz hestanova.

15. Nész Jesus zistaheneeno zistosshôhotass  
na zistose-momáta-maxevehone-manhās estae-  
vhosszešeasseho nitooxz nínokaess ohonaeva.

16 Na nész zenešhoetoeve hevovistomosseon  
estaevhanhōhasshōnō nihaneheva;

17 Na estataxevon'nehōno semoneva na  
mó stosofovhetōeoevo Kapexnahom na eēše-  
aenonitonéō, na Jesuseva éssaešehôhotaēvhō-  
no.

18 Na nihan evhāetoneo moxhesseoeotōma-  
hāaneō émaxhāaneō.



19 Na nės moestaešhohoeszevo hea nivatā-eoneva évōmovhōno Jesuseva, eāxzetaeamé-neho nīhaneeva, na enxhahaneoxtano semo na estaētoxtāehōno

20 Hotaz észettohōno: nanēhov, niveetótan ohemě.

21 Tae nės exhetotaemasseztoovovhōnō taxetto semoneva: na séeya semo exhooeoneō hoeva zexhetōeovoss.

22 Heosse eševa nės vostaneo nah zenhēs nhasto hesthōmo nīhanēva eeševoxtanovo zenita semo eśsaapāehōstaonehenéō, oha nasz, na Jesus zetāśsaa-vesse-von'nemōs semoneva, nīnokaet's hevovistomosseon zetāšeassethōeot's.

23 Na mó exhoōeanevoz zenitaēs sz semonoz zehessosz Tiberias hahetto nhenō, zemessevoss kōkonoyo hane zenithāsz haho zehešeenešemeaass:

24 Nės nhé vostaneo zeheśsaavomōvoss Jesuseva nhāno na mato heva hevovistomosseon, hapo estaxovoehōnō, na exhoēnehōnō Kapexnahom zénoxzeovovoss Jesusevā.

25 Na nės zeešemeovoss nhasto hesthōmo nīhanēva eszettovhōnō: Zenithatto toneš niñx-hoeoxz zeto?

26 Jesus énostovohōno, na észettovhōno: onissyō, onissyō, nitanettazemě, nissaaheksenoxzeovehemě zévōxtomass ovavoētastotoz,

óha zexhomaxemessess kókonoyonoz na zéna-soenhess.

27 Nivehessehot'setanonov messestoz zeox-ceassetoētto óha hot'sehoahē messestoz zetao-heyahetto nxsetto aenevostanehevstov hene zehēhyahetōsz hetano zemetāess; niahāne zenēhovsz zehehestoveziss Maheon zeševešemxe-ōsz epâ-aneō.

28 Néš eszettovhōnō nāzetoñševhemē nonópa nazhozeoevōnonsz hesthozeoeestotoz Maheo?

29 Jesus énostovohōno na eszetttohōno etahāne zehestozeoeestoz Maheo: onissyomhátovamā nah zenmeass.

30 Néš exhoszettovhōno: tās ovavoētastoz emevōstōmanettonhāo namevehōxtanon na nimeonissyomhátovazemenō? henova tova zehozeoetto?

31 Ehaneo émessenov kókonoyo heamā zehessoz tohove zetóetxeo; eñxhessemeto kókonoyo heamā zemesset's

32 Neš Jesus eszetttohōnō: onissyo, onissyo, nitanittazemē, Mošé nis'saametaenov hatō kókonoyo heamā zehessoz; oha Niohe nimetaenov onissyom kókonoyo heamā zehessoz

33 Hekókonoyonam Maheo enēhov nah zenxhesseanhōnsz heamā, na zemeaaz vostane hevestoz histanov.

34 Neš eszettovhōnō, zenithátto, ooxceñše-



aenemezemeno heto kókonoyo.

35 Na Jesus eszettohōno, nanēhov nakókonoyoneve vostanehevstovā: nah zen'nhaoxzevasz zsaaazešhāeana, na nah zeonissyomhātōsz zsaaazešhāone.

36 Axe ninittazeme, niešhapovessevōmeme na nissaaonissyomhātahemē.

37 Nitao zehehestovsz zemetass nazeñxhōhottae; na nah zen'nhaoxzevasz, nazaatoñšhōstahamoe.

38 Nañxhesseanhoén heamā, nansaaheneševe tāma natšetanoxtoz, óha hetšetanoxtoz tato zēnmeatōsz.

39 Na etahāne zhe' zēnmeatōsz hetšetanoxtoz, tato nitao zenšetaemetass, namessaavoneosze hovāe āxe nazeevhaohāetana mxohōxeešēva.

40 Na etahāne Niohe hetšētanoxtoz, nistoxsz nah zevōmot's zehehyahestovezess, na zeonissyomhátovot's emeaena aenevostanehevestoz, na nazeevhaohaetan mxohōxeešēvez.

41 Yotahetaneo nēs eyemešmasszetovovhōnō heto zeszet's, nanēhov kókonoyo zenxhesseanhōnetto heamā.

42 Na eszehōnō: māseozovsz Jesus hēhya Joseph, hehyo na hesc zeheneenovamoz, tā na henaet's zehessezēs, nanxhesseanhôn heamā?

43 Jesus nēs énostovohōno na eszettohōno

niveeōemešmasszhemá tāma etovevō.

44 Hovane voston namesaatonšenhaóxzéva, óha zehehestoveziss, nhe zénmeatōsz hessetanótōsz: na nazeohāetan mxhohooxeeševéz.

45 Enetxéo hōvhanhestovā: nā zemāvovistomoenov Maheono. Nistoxs hetan hotā zehešetanistomons, na zehešetaheneenovoss zehehestoveziss nan'nhaoxzéva.

46 Essaahōvanezešēševōmohe Zehehestōvsz ninokāēss zehestāsz Maheon hevetova ēševōmo zehehestoveziss.

47 Onissyō, onissyō, nitannittazemē nah zeonissyomhātōsz eaena aenevostanehevestoz.

48 Nanēhov hato kókonoyō zévostanehevstov.

49 Ehevō estóeonissyommessenov kókonoyō heama zehesséanaoz tohóvē na ešenāyo.

50 Etahāne kókonoyō zeñxhesseanhônnetto heamā nonópa hetan ememesse na emessaanāe.

51 Nanēhov ametānene kókonoyō zeñxhesseanhônnetto heamā: nohasse nasz mēs̄z heto kókonoyō zévostaneheve aenetto: na kókonoyō zetameatto, enahāne navōxz, enahāne zetameavomotxevatto hēstanov.

52 Nhe Yotahetaneo nēs̄ exhessevonhoavazehōno tāma eszehōno: tā zeto hetan nime-toñšemetaenon hevōxz, zememessevoz?

53 Nēs̄ Jesus eszettōhōno: onissyō, onissyō,



nitanezzemě, óha nímemessevonov hevōxz zehēhyaetōsz hetano, na nimemanevonov heszemaeme, nissaaáenoenov vostanehevestoz nitooxz. (nissaahevostanehevstovehemě).

54 Nah zemēsš navōxz na zemansz nazemaeme eaena aenetto vostanehevestoz, na nazeohāetan mxohooxeševéz.

55 Navōxz et'sēmessestov onissyommetto, na nazhemaeme et'sēmanistov onissyometto.

56 Nah zemēsš navōxz na zemansz nazemaeme eēvahe hotoma nitova, na tama nanēhov hotoma hevetov.

57 Tass zehešeametanensz zehehestovsz zēnmeatōsz na naveševostanehevenoz zehehestovsz: hapo nah zemevasz nazet'senešvešvostanehevetová.

58 Etahāne ható kókonoyo zeñxhesseanhōnetto heamā; zssehessoz zsaaēšemessevoss ehevō kókonoyo heamā zehesseanaoz, na zeešenās; nah zemēsš hetó kókonoyo zevostaneheve aenetto.

59 Hetó hováeoz eszehō mohēoxzemhayó zévovistomosans Kapexnahom.

60 Hāsto hevovistomosseo nēs zehešenistomonetot's hetó, eszehōno: hetó ehotoanavoanistoveneō: nivāsz emeaháto?

61 Nēs Jesus zexheneeno nitooxz tato hevovistomosseon zehešecomešemaszettoz eszetto-

hōno: heto niatóhōnenovo?

62 Tāxa na hena māvōmoss zehēhyaetōsz hetano mataheameasseoxsz nista zezhestās?

63 Niahāne mātasooma zevostanevaomosz: mavōxz essaatonitokssan hovahe, eēszestotoz ható zehēsztovazessēsz enehovensz mātasooma na evostanehevensz.

64 Etahānevo hosz zehestxuiß zesaonissyomhátahess, Jesus énistaheneenovohōnō nah zessaonissyomhátahéziss, na mato zetosēmooxtotovatōs.

65 Na eszettohōno: otā niešenettazemē, hované voston namesaatoñšenhaoxzeva óha nešemetāsz Nioheevā.

66 Na nész nexovevā niszetā hāsto hevovistomosseon estaevhaoxzehōno, na essaaevhavessevaehōno zeaméns.

67 Nész eszettohōno Jesus zeótnišezeß: mo' nstaveshapoasseoxzhemē?

68 Nész Simon Peter eszešenostovohōno: Zenithátto, tah niva emetanhaoxzevoz, niaenanó zēszestotoz aenevostanehevestov.

69 Na naonissyomhátame na et'sēonissyom zehešenēhovetto Christ hēhya zeametansz Maheo.

70 Jesus énostovohōno: nissaahestanazhemē hótniś, na nasz nhe eavhoevemē.

71 Enettohōno Yotass hēhyao Simon, éne-



hovō nah, zetossēmoótotovatovoz nasz nhe zeótnišess.

## CHAPTER 7.

1 Ninovetto heto hováeoz zeešeešēvezessoz Jesus eaméneho Galilee: eśsaaaménettanoeho hoevā Yotahetanistovā zehešenahatanotōs Yotahetaneo es'saahesseamenetanoeho.

2 Na nēs Yotahetaneo hemaxemesséstovevo vépozehom exhahanettozeneō.

3 Na hevis'son eszettaehōnō tanāseoxzz na taevhazeoxz Yotaeno nonōpa nivovistomosseon zevōxtanovoz nitšezistotoz, zeneševevossoz.

4 Na ota hovane voston emessaaneševe hováe emōs, na hapo tāma mxheneenatanotovazetano tāta, máneševehetto hováeoz vōstomanistovazz hestanovā.

5 Na mato hōvae hevis'sono es'saaonissyom-hātōehōnō.

6 Nēs Jesus eszettohōno, nanēxovame essaa-ešhoénettan: oha ninēxhovamevo eoxceohāenonotto.

7 Hestanov nimessaatoñšsetamāhenov: oha nanēhovevo zensetamasz, zexhomaxhostom hetšezistovevoz zehešenessoz havsevevā.

8 Tanāzeoxz heto zemaxemesséstov: nātsaa-tassešezeoxze heto zemaxemesséstov; nanexovame essaaešetassonissyomhoénettan.

9 Nēs zešezettoss heto hēszestotoz enšsoho-

eho Galilee.

10 Hotaz nész hevis'son zestaeseneoxzet's, nész hapo estavešhassho zemaxemesséstovez: taxa hovahan, óha tass emōs.

11 Neš Jesus énoxzemaehōno nheno zemaxemesséstovez na eszehōno; tāsevho?

12 Na nhâ estahesshāonovatoehōno vostano mo' hosz eszevo: etapevhetaneve, na hosz eszehōno hovahan; óha eoxsetanossho vostano.

13 Na otā hovaneo hetano taxa es'saaoxettaehōno zeēátovovoss Yotahetaneo.

14 Na nész hea zešxsitov zénexov zeame-maxemesséstov Jesus estaehassho Maheone-mhayon, na évovistomosseneho.

15 Na Yotahetaneo eotōhessetanohōno, eszehōno, etoñsheneenovasz zeto hetan mxuistoneheva, zeoxešsaazešvovistomohes?

16 Jesus énostovohōno na eszetttohōno: navovistomossanistoz nasaataomheszhove, heszeoxz tato zénmeatōsz.

17 Nah hetan zenheševevoz hetšezistoz zhe-neena vovistomevazistoz hea ehessoz Maheo hevetov, na mo' hea nataometotoxemaz.

18 Nah zetaometotoxemazz etaomenoxzeomotaxz tãma hevohóyoevatamaestoz: oha nah zenózeomovot's hevohóyoevatamaestoz zénmeatōs, nhé etóeonissyomhetom na hovãe saaxanovahestoz essaanhestahe.



19 Nis'saametahenovo hoemanistoz Moše, na otā nasz heva zehešsaatōenomahess hoemānistoz: hena zeevhesseamenaxhess?

20 Na vostaneo énostahōno na eszehōno, nihōo eavo; niva zetaēveamenahatā?

21 Jesus énostaho na eszettaehōno: naešeneševe nasz hozeoestoz na nimaeotōstaztanov.

22 Moše otā nimetaenovo eevxtanešzestoz: nissaahesseneševhemě Moše hevetov, oha ehevō na ninehovhemě Maheon-eševa niēvxtanisov hetan.

23 Heva hetan Maheoneševa ñšeamhaesz eevxtanēšzestoz nonópa hestoemanistoz Moše emessaaéénehan: nihesshāstahaozetovevo zistahomaxenoēho hetan zehetāoxoss Maheoneševa.

24 Nivenešeōhaztame zehetōmhaniss voto-cat oha nešeōhazta zehešepava ōhaztastoz.

25 Néš eszehōnō hosz Yerušalemo zehestass: māseozehovsz zeto nah zenahatanotovōs?

26 Na ota taxa coxceēs na essaoxettoevo, tah nah zenitāt'saness eheneenovo zehešeoniss-yomzetonēhovs Christ?

27 Na otā niheneenovon zeto hetan t'sa zexhestās na ota néš Christ mánxhoénsz hovane hetan zsaaheneeno zeñxhetaet's.

28 Neš émaxehaheho Jesus hotoma Maheon-mhayon zévovistomossans eszeho: ninisovaet's niheneenovemě, na niheneenanov t'sa zexhest-

atto: na nanēhov nassaahoéne tāma hevetovå,  
oha nah zēnmeatōsz eonissyomahe, nah zsaa-  
heneenovohess.

29 Oha naheneénovo nanēhov nañxhestaevō  
hevez na nan'meatova.

30 Nés enoxzenotovhōnō zestosshestanov  
oha hovaneo hetanō essaahestanehōnō: zeheš-  
saaeshoenexovanehez.

31 Na hāsto, vostano eonissyomhātōeho na  
eszehōno; toneš Christ mañxhoénsz zenheševe-  
noz hépesto ovavoētastotoz heto, zeto hetan  
zehetaeneševs?

32 Pharisee hetaneo zēnistomonevoss voston  
zehesshešhāonovatōs heto hovaeva, na Pharisee  
hetaneo na zevhonevess maheonhetaneo esta-  
ešenēnānovhōno notxevon zistahestanās.

33 Nés Jesus eszettohōno, hooxekassexoveva  
nissóvessevazeme na nés natanhaōxzevo nah  
tato zēnmeatōsz.

34 Nszenoxzeoveme na nszaameovehemě:  
na t'sa zexhoetto nhāno nszaatonšhoénehemě.

35 Neš eszeho Yotahetaneo tāma manocet-  
to: t'sa zethass zistossaameovohez? Zetazeoxze  
zistanevstanovet's zeevhát's hestohestaneo; na  
zeovovistomevot's hestohestaneo?

36 Heto etoñšexenovens zehēs: nszenoxzeo-  
vemě, na nszaameovehemě na t'sa zexhoetto  
nhāno nszaatoñšhoénehemě?



37 Na zexhooxeeševa hatō zemaxeešev zemaxemessestov, Jesus éneoveoeho na émaxehaheho eszehō; nah hetan zehāōnsz nínhaoxzevaehā na hemanehā

38 Nah zeonissyomhātōsz tass Maheon mxuisto zetoheetto: zhestoessevonettoz hetonex amohēs ametanenemáp.

39 Hotaz hetō énistano mātasooma nah zeonissyomātōess zetossemehaamhat's, Maheon mātasooma mxhonoestassmeatovsz zehešsaeštassvohóyohevatananēs Jesus.

40 Hāsto vostaneo ota nēs zénistomonevoss hetō eēszestoz eszehōno: onissyometómetto zeto sého ovhanhe.

41 Hosz eszehōno, mo' Christ zenxhestoe Galilee?

42 Na essaanhettane Maheon mxuisto, Christ zénstosešhesshoéns hemenameva David, na zémhaostov Bethlehem, nhā David zeēvhaess?

43 Ota tass eonissovazehōno vostaneo manocetto zestotoxemovoss.

44 Na hosz emszešhestanaehōno, hotaz hovaneo hetano essaahestanaehōno.

45 Neš énxhoènehōno notxevo zexhoet's zevhoneveziss Maheon hetaneo na Pharisee hetaneo na eszettaevhōno hena zsaahesshoeozess?

46 Notxevo eszhešenostahōno: hovane hetan

essaaoxcezešzhešeēsze' zeto hetan zehešeēsz

47 Nėš ėnostōevhōno Phariseehetaneo mo' hapo nivesseoxsetanohanemė?

48 Hosz zenitāt'saness na mo' Phariseehetaneo ēševesseonissyomhātōevo?

49 Zeto vostano zsaaheneenōess hoemanis-toz ehóxemeo.

50 Nicodemoss eszettohōno (nah zexhoeot-toz Jesusevā taeva mo' nasz nēhove).

51 Nsthoemanistonan ehōema tāh hetan ze-hešsaanistōhes na zeheš-saahene-enoehanehez zeheševs.

52 Exnostovovhōno na eszettovhōn, nivess-heštāe hapo Galilee? noxzenoz na zetooxz: Galilee ensaahestoėohāhesz hovane ovhanhe.

53 Na nistoxs hetan estasshō tāma hemhayon.

## CHAP. 8.

1. Jesus estassho zexhaeoomenoz Olives zexoxcistoez.

2 Na zėmeovōnaoz ėneevhasshoėneho Maheonemhayon na nitao vostano ėnhaoxze'vaehōno; na exhamstōeho na ėvovistomevohōno.

3 Na mxuistoneo na Pharisee-hetaneo exhoeozozenohōno zexhōs heo zeōcettoeziss: na zeešhoovoss sitov,

4 Eszettovhōno, Zenithatto, zeto hėe eōcet-toe to' nešhevstovā.



5 Ota Moše hoemanistov nizhešemesto-  
mōen zisthav zeoxcehahanōo ohonaeva: tah  
na nioxevo?

6 Heto eszehōnō zevonhoaovovōss havseve-  
va, nonōpa hovae heoxestoz emetavešvéetto-  
nov. Oha Jesus estxamaehoeō, na hemoeš-  
koneva estavešemxuistono hōeva.

7 Na neš zexhessethossenoztovovoss esto-  
mosehōehō na eszettohon: nah zexāēñšhoxe-  
hāsz, zsaahoneōsz havs manocetto zehestxuiss  
vovoevešehōmóhā ohonaeva

8 Na eevhassetōxehoeō, na émXuistonhō  
hōeva.

9 Na nah, zehetaenistomonevoss zīstaome-  
meemāovoss zeoneevaōevoss hesztahevo, exhe-  
cenonochoéhōno exhesseasshōénehōn, zenoc-  
hāehāsz nxsetto zehooxezeceāsz: na Jesus es-  
toñšešenoceehō nā hee énehō sitov.

10 Neš Jesus zeešēvhatomsehōs zsaavōmo-  
hēs ovaneo oha nhe héo, eszettohōnō, héē, tass-  
evōne na nah zemomaxemata? Hovane hetan  
nissaahavsevaemaotāē?

11 Na eszeho: hovane, Zenithatto. Na Je-  
sus eszettohōnō hapo na nissaa-havsevhoe-ma-  
ottaze: tās, havs nszeveevha-hosseneševe.

12 Neš Jesus exhossezettohōnōheto, nanē-  
hov zevonetto hestanov: nah zehoeōsz zssa-a-  
mén zeaenonettoz, oha zeāena zevonettoz vos-  
tanehevstov.

13 Na Pharisihetaneo exhessezettaehōnō, nitaomhostōnaovaz, nstostō essaaonissyomhan.

14 Jesus énostaho na eszettohōnō, zeoxešetaomhostōnaovazetto eoxtove-onissyon natostō: nahenee'na zeñxhesse-hoénetto, na t'sa zexhassetto.

15 Zehetōmhaniss ninethoemaossanhemē: nassaaōhatamo, hovane voston.

16 Na ax ôtōhaztátovoss, naōhaztastoz eonissyom, nassaañšenokáe, nanehov na Niohe zénmeatōsz.

17 Héhe na enetxeo nathoemanistov, hesthótaheonevo niš hetaneo etometto.

18 Nanēhov nasz zetaomhōstom nitov, na niohe zénmeatōsz mato náhossemă.

19 Neš eszettohōnō: t'sa éyo eho? Jesus énostaho, nissaahene-enovehemē, na matheva Niohe: mxhene-enovessenho, nimxhene-enovov Niohe mato.

20 Heto zeēvezēs eēszestoz Jesus éneho ha-  
hetto makátansz zeoxcotaz, zévovistomossens  
Maheonemhayon: na hovaneo hestano essaahestanaeho: henexovame zehešsaahoenettanehez.

21 Na exhosszettohōnō, nathasse nameon, na nszenoxzeoveme, na nszenāhemē nsthavsevevo, t'sa zistahoxzetto nszensaa-toñš-hoénehemē.

22 Néš eszehōnō Yotahetaneo heahamă etos-



senahaz, zehešezēs, t'sa zistahoxzetto nszaatoñš-hoénhemě?

23 Na eszettohōno: nixhestahemě átono; nañxhesta heamā: nihestahemě heto hestanov, nasaahesta zeto hestanov.

24 Na nihessenettazemě ninēhovhemě nszenāhemě nsthavsevevo: máonissyomhātahess zehešenēhovetto, nszenāhemě nsthavsevevo.

25 Nės eszettovhōno, ninēevāeve? na Jesus eszettohōno: vzeno niahāne nah zenhettaziss vovōenotto.

26 Hāsto hovāe nitosstotoxstomevazenov, na nitose-eš-ōhatamazemě: óha nah zénmeatōsz eonissyomahe na nañšhešeēs zesta hestanov hatto hovaeoz zehetaenistovo.

27 Essaaheneenomovōnovo zeešetotoxemot's hēhyo.

28 Nės Jesus eszettohōnō: toneš maešetom, oxtanoss zehehyaetōsz hetano, nhano nszemonheneenanov zehešenēhovetto, na nassaaneševe hovae tāma: óha Niohe zehešemestomōs nanheš-totoxstanov heto hovaeoz.

29 Na nah zénmeatōsz navesshemě, Niohe nasaanohotā tohov; naoxceohāneševenov han hovāeoz zeaxhāetanohās.

30 Na heto zeszešeēs hāsto eonissyomhātōehō.

31 Nės Jesus eszettohōno nah Yotahetaneo

zeonissyomhátōs, máñšeaménhestass naēsresto-  
vâ, nszeonissyomhevovistomosseonitovazemě

32 Na nszheneenanov hetomestoz na hen  
hetomestoz nsžsexanaenov.

33 Exnos-tōehōno, nanēhovhemě Abraham  
hemenam, na nassaazešmomonaotta-hen hova-  
ne hetan: na hena zehessezetto nsžsexananhe-  
mě?

34 Jesus eszettōhōno, nohasse niva zenhe-  
ševs havs emomōoneheve havseveva.

35 Na momōě emessaaaenoe mhayon, óha  
zehēhyahestovsz emeaenōe.

36 Zehēhyahestovsz ota mašexanāess nszeo-  
nissyomšexananhemě.

37 Naheneena zehešAbraham-hemenametōs,  
āxe ninšeoxxenxemě zenahatanotovoss, naēs-  
zestoz zexomaxmōxtaoeotomahess etovevo.

38 Natotoxesta hovāe zeheševōxtom Niohe  
hevez: na nineševhemě hatō hovāe zevōxtomass  
ehevo hevez.

39 Enostahōno, na eszettovhōno: Abraham  
nahehenon: Jesus eszettōhōno mxhe-nissonetō-  
essenhō Abraham nimeševevonovoz hetšezis-  
totoz Abraham.

40 Oha zehešveeoxzenxhess zēnahatanoto-  
voss hetan zeešemestomōs hetomestoz hene  
zenistovo Maheo heto essaazeševe Abraham.

41 Ninheševevonovoz hetšezistotoz ehevō:



neš eszettaehōno, nassaamomoēstonehevhemē enoka zehehez Maheo.

42 Jesus eszettohōno: mxhehessenhō Maheo nimemehoxemē: nañxhestāvo na nañxheszenevo Maheo hevetovā; na matoheva nansaatacmho-éne nitooxz nanmeatovā.

43 Hena zessaahessheneenomahess naēszes-  
toz? he'a zessaahomaxhenistomonhess na-  
ēszes-toz.

44 Ninēhovhemē nihehenov eavo, na hest-  
hoastoz chevo nineševetanomē: énitó'enahane-  
eoneve zesto'éšemanhaoss, na eśsaahóě heto-  
mestov, zexomaxsaahoneōs hetomestoz. ótoneš-  
eēsžesz nizeēstoz eēsž tāma eaeneo, enizeeon-  
eve na ehehetō nizēeono.

45 Zexhomaxeméstomevaziss hetomestoz  
nissaaonissyomhátoveheme.

46 Nivā zehestxuiss zememéstomōsz nat-  
havs. Na má mestom hetomestoz hena zsaahes-  
seonissyomhátovehess?

47 Nah zehestāsz Maheon hevetovā eaháta  
Maheonō eēsžestoz: otā nissaaahátomovohenov,  
zexhomaxsaahestahess Maheo hevetov.

48 Neš énostahōno Yotahetaneo na eszet-  
taehōnō: tah nāh, nissaahetomemazemenó eš-  
amaxoneve na ehoneovō eavó zexhettazemen-  
otto?

49 Jesus énostahō, nassaahoneovo' eavo; óha  
nāēhátov Niohe na nissaaēhátovehemē.

50 Na nasaanoxzéo nataomevohóyohevata-  
maestoz: etahāne nasz zenox-zeossansz na ze-  
hoemāossansz.

51 Onissyō, onissyō, nitanhettazemě, nah  
vostan zehekonitōetanoto naēszeptoz zsaazeše-  
voxtō nāestoz.

52 Neš Yotahetaneo eszettaehōn, neš nata-  
monhenehenanon nihoneov eavo. Abraham  
ēšenā na ovhan-héeo, na zehešezetto hetan  
mxekonitōenō naēszeptoz zsaazešeoneáto naes-  
toz.

53 Mo' nihépahe zehexovāes zehehez Abra-  
ham zehešenās? na ovhanhé'eo zehešenās: ni-  
hovaevemanhaz tāma?

54. Jesus énostaho mátaomeonóootazetto  
naonōhastoz essaahovaevhan: niahāne Niohe  
zéonoatamasz; nhe zénhettoss zehehemaheona-  
mess.

55 Axe nissaahenéenovoevo: óha na hene-  
henovō: hevatazetto nassaaheneenovo nameni-  
zeone tass hapo zehestass: oha naheneenov na  
nahekonitōenomov eēszeptoz.

56 Ehévo Abraham épevetan zévōxtō na-  
ešeamě, nā évoxta na épevetan.

57 Néš eszettaehōn Yotahetaneo, nisaahēva-  
ešnohonóeyānam na tāh nitoñšehevōmo Abra-  
ham?

58 Jesus eszettōhōn onissyō, onissyō, nithan-



ettazemě zsaaeshētās Abraham, hane naešenis-tavostaneheve.

59 Nēš émono-oxaneoenvhōno hohōna zis-tossevēsehōmovoss: hotaz Jesus evoneozehō na estaomhoéneho Maheonemhayon.

## CHAPTER. 9.

1 Na Jesus zestaaméns évōmohōno hetano zeóóeneziss hako zestoeshestaozet's.

2 Na hevovistomosseon énoztōehōno; eszet-taehōnō, Zenithatto niva zéneševsz havs zeto hetan na mó heneomeo zehešhoeóóens zexhes-tas?

3 Jesus énostaho, zeto hetan essaaneševé havs na mato heva heneomé, óha nonópa neševestoz Maheo zenheševešmeénet's hevetová.

4 Nat'sēneševevo hetšezistoz nah zēnmea-tōsz, zehešsóešēva: tāe eneaménetto nēš hovane voston zaaevhatonšhozeohe.

5 Zeto-ešveázetto hestanov tass nahevohóyo-estovstō hīstaneo.

6 Neš zeešezēs eōsseanahō hōeva, évešeman-sz'no hetanomaoxz eōsseānoxzevā na évešxoa-nomovonhōnoz heexansz, zeóóeneziss hetano, hetano-maoxzeva.

7 Nā eszettohōno tānāá tañšeševōensz zea-kōmoe Silohamē (meátoz enhistoe). Estaossā-ñeznehō nháno, na éñšeševōnehō na zēneevha-hoéns évossanehō.

8 Hevōhestototā na nah nista zeoxceeševō-mass zeešeóóens eszehōno māséozhovsz nah zeoxchōsz na zeoxcevestomós?

9 Hosz eszehōno: zeto enahāne: zenitāso eszehōno: na hapo ezhesta: hotaz eszehō, nanē-hov nah.

10 Na neš eszettovhōno: etoñšetataenensz néexansz?

11 Exnostaho na eszehō: hetan nah Jesus zeoxchestóesz emanisz hetanomaoxz na exoenanoz naexansz, na názetta: tānāá zeakōmoe Silohame na tañšeševōensz: na na natanešeñšeševōen, na nāamáhě vōssanistoz.

12 Neš eszettovhōno, t'sa eho? eszehō, nassa-aheneeno.

13 Exhoeozovhōn Phariseehetaneo zexhōet's náh zestamehaešeóóeneziss.

14 Na émaheonešēvenéō nexoveva Jesus zemanisz hetano-maoxz na zistataenomovoss heexansz.

15 Neš Pharisee-hetaneo exhossenoztōehōnō, hapo tah zehešeamāes hevossanistoz. Eszettōhōnō, etaxepāan hetano-maoxz naeexa, na nañšeševōen, na nátóevōssan.

16 Na exhessezehōno, hosz Pharisee-hetaneo: zeto hetan essaahesta Maheon hevetová, zehešsaatóenōs Maheoneš: zenitāso eszehōno, tah na hetan nah zehavsevoētaeonevsz emetoñšzeše-



ovavoēta? Na nhâ tass eonissovaozehōno manocetto zehestxevoss.

17 Eszettovhōnō zeóóeneziss hetano hāetto, tah nioxetto hapo tato zetataeno neexansz? eszehō: eovhanheeve.

18 Hotaz Yotahetaneo éssaaonissyomhátōehōno zehestōes zeñxešemehaóóens, na zehešeamāes hevōssanistoz, táe zistaešeonōmamovōss heneomeo, nah zehešeamāsz hevōssanistoz.

19 Na énoztovovhōno eszehōnō, zeto nhēhya ehoeóóen zexhestas zehettoss? Tah neš na etoñševōssan hezezea?

20 Heneomeo énostovozenohōno na eszettozenohōno, naheneenanon otā zeto zehešetaomhēhyaez na exhoeóóen zexhestass.

21 Oha tah hova'eva etoñšeevhavōsaniz hezezea nasaahenehenomovōnon: na matheva nivāshesto zetataenoziss heexansz nasaaheneenovamohenon: ešeešeehāē, nóztová: zetaometotoxemaz.

22 Heto énešehōnō heneoméō zexhomaxeēhátovoss Yotahetaneo: nah Yotahetaneo ešaxzeexhoemanehōnō, nohasse nasz hetan vetaxtanōvenēs zehesenēhovs Christ, zevohōoe zemehaveáz mohēoxzemhayon.

23 Neš exhessezehōno heneomeo, ēšeešeehāē, nóztova.

24 Neš exhosseevyhaonōmovhōnō, nhe hetano

zeóóeneziss, na eszettovhōn, mezehå Maheo vohóyohevataamahestoz: nahenehenovon zeto hetan ehavsevoētaeoneve.

25 Exnostaho na eszehō, heva ehavsevoētaeoneve na mo' hovahan nasaaheneéno: nasz hovae oha naheneheno ható ota zénmehaheš-óóenetto hezezea návōssan.

26 Neš exhossēvhazettovhōn nitoñšetová, etoñšetataenanoz niexansz?

27 Exnostovhōno niešeaázeēsenhettazemě, na nisaanistomonhemě, tóha henova emehesshossenistomoness? mo nszevesshevovistomos-seonetōevo?

28 Neš estohossemovhōno na eszettovhōn, nivessehevovistomosseonetova, óha nanēhovhemě Moše hevovistomosseon.

29 Naheneenanon Maheo zexešeēsztovoss Mošeeva: hotaz zeto vostan nasaahenehenovohenon, t'sa zenxhestās.

30 Nhe hetan énostovohōn na eszettohōno, haxc', hezeo hétahāné zeonissyomatamano hovae, zsaaheneenomahéss t'sa zéñxhestās na ax ešetataenanoz naexansz.

31 Na otā niheneénanon Maheo eoxksaanistovóheo hatavsevoētatano: óha heva hetan hāonaeonevetovot's Maheon na zeneševetovot's hetšetanótoz, nhe eoxcenistovo.

32 Hako zenxešmoneasshestano nis'saanisto-



monhemě nóhass nasz hetan zestataenomovoss  
heexansz nasz nah zexhōeóóeneziss zexhestat's.

33 Zeto hetan saahestāsz hevétov Maheon  
emessaaešeneševē hováe.

34 Exnostovovhōnō na eszettohōno, zeheš-  
xāmanohestátto havseveva, na mó nivovistome-  
vatanotovemenó? na exhōeoaovovhōno.

35 Jesus zenistomons zehešhōeoaovovoss na  
zeešemeovōss eszettohōno, tah nionissyomhá-  
tovo Hēhyaō Maheo?

36 Exnostaho na eszehō, nivae zeto zenit-  
hátto nonópa nataonissyomhátov?

37 Na Jesus eszettohōnō, nitoeševōmō nia-  
hāne zeēsztovata hezezea.

38 Na eszeho, Zenithátto naonissyomháta.  
Na exhāônatovohōno.

39 Na Jesus eszeho, ôhaztastova nanešhoén  
zeto hestanová nah zsaavōssanehess nonópa  
zevōssaneo, nā nah zevōsaness zeooenmaneo

40 Na hosz Pharisee hetaneo zevessevāesso  
énistozenhōnōz heto eēszestoz na eszettaehōnō  
nivesseóóenhome hapó?

41 Jesus eszettohōnō, maóóenessenhō nim-  
saaneševhemě havs: otā hezezea nizheme na-  
vōssanhemě na ota nsthavsevevo estoomota.

## CHAPTER 10.

1 Onissyó, onissyó, nitanhettazemě, nah  
zsaahesseesznēsš henitoneheva gsāmenaoeva,

oha zehesseéévonensz t'sa óxs nye vezen nom-  
azeeó nā šēnováhe.

2 Nā nah zehesseēszensz henitonehevā  
gsahetan hestamāevó g'san.

3 Eonstanomota zeneevavōxtoziss menhao;  
na g'san enaneátō na eyeó tama heg'sāmo ze-  
heševehet's na ehóenēevāozō.

4 Na neš zistaešhōeozeoss heg'sāmo etae-  
mevovōeottō na g'san ehoehō: zehešhenehenoz  
zehešehāes.

5 Na hestoevostano zsaahoeovōevo, oha  
zeamxemovō: essaaheneenomóvônov zeheše-  
hāetš hestoevostano.

6 Hen hótahéo Jesus eesztovóno: hotaz eš-  
saaheneénoezeno hovāe zestotoxstomevoss.

7 Neš Jesus exhossezettōhōn, onissyó, onis-  
syó, nitanhettazem, nanēhov henitōnamevo  
g'san.

8 Nah zeneoxceevetaetōeóevoss niahānevo  
nomázeeon na šēnováheo: na g'san essaanistō-  
hevo.

9 Nanēhov henitō: vešeesznitōsz nohass he-  
tan zevostanevehē, na zetaoxceeszén na zetaox-  
chōén na zeméaā pavoešie.

10 Nomázeeo ensaazeoxze', oha zeñšeno-  
mat's na zeñšenassens na zenševonenos: nahess-  
hoén nonópa zeaenanov vostanehevestoz, na  
nonópa zhépetâmeaenanov.



11 Nanēhov pavegsāhetan: nhé paveg'sahe-  
tan emeavomotaō hevostanehevestoz g'san.

12 Nā náh zevhanhozēs zsaag'sa-hetane-  
vēs, zsaäänōsz g'san, zévōmoss hóneo zéne-  
ameozetś, enōovanotto g'san na eamax, na hó-  
neō énhá'enōzenotto na énonokaovozenotto  
g'san.

13 Zevhanhozēs ehesseamax zexhomaxe-  
vhanhozēs na essaatoñshehoéo g'sā.

14 Nanēhov paveg'sāhetan na naheneenovo  
nag'sām na nahene-henōe nāeneónō.

15 Tass zeeheśheneénōs Niohe, hapo vezen  
naneśheneenov Niohe, na nāenanomotanov na-  
vostanehevestoz g'san.

16 Na enitayo g'san nāaenō, zeó zsaaveaz-  
éhess: nhe mato nazenst'sē-hoeozō na nazena-  
neáto: na oha zeñšenokovayo na zenokaē g'sā-  
hetan.

17 Na otā Niohe nahessemehota zeenanom  
navostanehevestoz nonópa nazeevhaeśhosshes-  
tanā.

18 Hovane hetan namessaahestanomō, na  
navhanetaome-ēnan nitooxz. Naaena exhastoz  
zeenanom na ná'aenā exhastoz zeevhahosshes-  
tanom Heto hoemanistoz vistomevazistov na-  
neśeamáhē Niohe hevez.

19 Na nhâ exhosseonissovaomezehōno mano-  
cetto Yotahetaneo heto zehestovez

20 Na hāst eszehōnō, ehoneovo eavó na enonotovstaha: hena zehesseahátovoss?

21 Zenitass eszehōno, Heto essaahezéstove-noz zehoneovōz eavho, tah eavo emešés-tata-enomovonoz heexansz zeóóeneziss?

22 Na nhenō Yexušalemo émaxemessetove-neō ōstōnanhistov na eāeneveneō

23 Na Jesus eaméneho, maheonemhayon Solomoneva epaponōseoneva.

24 Na neš exhoénehōno Yotahetaneo estā-tāyōetoehōno na eszettaehōno, hessevavonó nszetoneéšóóotovetanoxemeno? Maonissyom-nēhovetto Christ táxta nínešemenō.

25 Jesus énostovohōn niešenettazemē na nissaaonissyomhátaheme: mánšezistotoz zeneševettonoz Niohe hevéhéstovā, nahossemāenoz.

26 Hotaz nissaaonissyomhátahemē zexhomaaxsaaveshestāess nag'sāmeva tass zeešetazess

27 Nag'sāmo nananéátōē na naheneénovō, na nahóehōē:

28 Na nametonov aenevostanehevestoz; na zsaaēšeassetoeēo, na matoeva nohass vostano zsaatoñšenohénahé nitov.

29 Niohe nhe zémetāess emaxhépae nitao; na hovane hetan emessaatoñšešhestanoheo Niohevaō hévez.

30 Nanēhov na Niohe nanokámē.

31 Neš Yotahetaneo exstanovhōnō ohonā,



estoshosseōmóv'hōno hohonāeva.

32 Jesus énostovohōnō, háesto pavoētastotoz nieševōssazenovoz Niohe hevez zehessōsz; tās hene nasz mǎñšezistotoz zetossvešhessea-hánoss hohonāeva?

33 Nā Yotahetaneo énostōehōnō eszehōno, pavoētastov nissaahesset'sēahánazemenó hohonā, oha nitotohoxtoanisto na zehešxamahe-tanevetto zehešetāestovootazetto Maheo hevetov.

34 Jesus énostovohōno tah na essaanetxeohané nimxuistoneheva hoemanistov, nazeve, nimaheonevhemě?

35 Na heva maheon mxeševeoxz, nah zehoe-hotaet's eēszestoz Maheon, na Maheonemxuis-tō essaatoñšeeatoēehan,

36 Nizettovo nah Zehehestovsz zehešemaheonanoss na zēñmeas hestanov, nitotohoxtoan zemehaezetto nanēhov Hēhya Maheo?

37 Mát'saanešhevetto hetšezistotoz Niohe, nszeveonissyomhátoveme.

38 Na mánheševetto, zeoxešsaaonissyomhátovehess onissyomhátomě matšezistotoz nonópa nszhéneénanov na nszeonissyomhátame tato Niohe zehešehevetovetōs na nahevetovenoz.

39 Na exhesshossenoxzeotov'hōnō zistoss-hestanovoss: hotāz exhomstozeno hesztanovax-tov.

40 Na estahosseevhazešeasseoxzehōn nhasto Jordaneohe, han nhāno vezen t'sa John zévo-voeōstāovoss; na nhā exhoe hō.

41 Na hāsto estaevhanešenhaoxzevaehōn na eszehōno: John essaaovavoēta, ohá nitao hova-heoz John zehetāeoxettoss zeto hetan ehetometoz.

42 Na hāsto eonissyomhātōehōn nhāno.

## CHAPTER II.

1 Na ota nasz hetan exhaamoxtaēhō Lazaxus exeševeehō Bethany, moxhestahé mhāstovā zexhestavoss Mary na hevišson Marthaeva.

2 Nsehō nah Mary zexoostanoz Zenitháziss xostātovā, na zévešeneátanoz hemeq, hestatanemō Lazaxuseva zexhaamoxtaaziss.

3 Na heaxaehemō móstasseonōmohezenotto eszehōnō: Zenithátto otā nah zemehotoz ehaamoxtaē.

4 Neš Jesus zénistomonetto hene eszehō, heto haamoxtaštoz essaatoovenaestovhan, óha evohóyoevatamahestoz Maheo nonópa Hēhyao Maheo zeveševohóyoevatamanetta hen.

5 Na Jesus émehotōn Marthaeva na hevišson na Lazaxusevā.

6 Hane zeešešenistomoness zehešhaamoxtatš énitōehō nixa ešēva nista nhā vezen zistoe-hōs.



7 Neš hoomaevetto eszettohōnō hevovistomosseon, nitaevhâsshemâ Yotaeno.

8 Hevovistomosseon eszettaehōnō Zenithâtto Yotahetaneo moxezéneoxzenottâ zistosseahanata ohonāeva, na mo nstâsevhaneoxz nhâ?

9 Jêsus ênostâhó tah essaahoxtnixanevoz zeamhōstasz ešēva? Heva hetan aménsz ešēva emessaaahanšenâ zeheševoxto zevonittoz heto hestanov.

10 Ohâ heva voston aménsz tâevâ emeahaneš zehešhovahanehez zevonittoz hevetovâ.

11 Heto hováeoze eszehō: na hóom heto eszettohōno, essenehan Lazaxus enāoz; ota nathass nonópa natâssehano zénāoz.

12 Neš eszettaehōn hevovistomosseon, Zenithâtto mánāozz zepevomoxtaé.

13 Hotâz Jêsus estotoxstomovono henaestoz: moxhovezešetanovo héa enistomovov zistossossotomoet's nāozestovâ.

14 Neš Jêsus eszettohōno, taxtâ: Lazaxus éšenae.

15 Na nataveševoešetan etovevo, nhâ zehešsaahōetto, zistohesto nonópa nszeonissyomhátame; nohetto na tah ota nitanahoxzevon.

16 Neš eszehō Thomas Didymus zeoxcestōsz mónettôvo hevessevovistomosseon: nitavesseneoxzhemâ hapo nonópa nszevessenāemon.

17 Neš nhāno Jesus zēñxhoens exheneenano zeheššeaázeēvšenož heátohohestov neva ešēva.

18 Na Bethany estahahanettane Yexušalem, he'a nixa tāhoeoneva éneshóně.

19 Na hasto Yotahetaneo eoxcenahoxzeva-evohōn Martha na Mary, zeoxcevovoešemāe-voss hestatanemevo hevetova.

20 Neš Martha zetoēšenistomons' Jesuseva zenxešhoeoxzet's estahoezottovohōno na estae-hottōno, na Mary ōxhista exethoehō mhayon.

21 Neš Martha eszettohōno Jesuseva: Zenithatto maxhoettonhao zeto, natatanemo émsaanāě.

22 Axe nahenehena, heva tó hezezea nohass hovāe tavēstomevoz Maheo, Maheo nszemeta.

23 Jēsus eszettohōno: nstatanemě zetaevhaohā.

24 Martha eszettohōno, nahenehena ota zet, sē evhaoa maevhaohāstovez mxhooxeešēvet's.

25 Jesus eszettohōno: nanēhov evhaohāes-tož na vostanehevestož: nah zeonissyomhátōsz emeñšekanomenā axe zevostaneheve.

26 Na nohasse nah zevostanehevsz na zeonissyomhátōsz zsaazešenāe, nionissyomhāta he-to?

27 Na eszettohōno, hēhé Zenithatto: naonissyomhāta zehešnēhovetto vostanevstomañe Hēhya Maheo nah zetoshóensz hestanov.



28 Na neš zehešezēs estaassoehō na estae-mōsonōmohōnō Maryevā hevišson eszehō: Zenithasz eneešhoén na nionōma.

29 Zetoešenistomonś heto eohāettaoho, na eñxhōhottōno.

30 Na Jesus essaešhoéneecho esseto mhâstovâ, nhâno ešsonēhō zistahōhotās Marthaeva.

31 Na Yotahetaneo nah zévistōmāes mhayon, na zevovōešemāes, neš zévōmovoss Maryeva na zeešenonotov-eohašezet's, na zistaoaxet's estahoeovovhōn exhessetamovhōno eta-zeoxz hâtoohestov etaheaxāem, nhâno.

32 Neš nhâ Mary zeñxhoéns Jesuseva zēnhetś, na zévōmoss estaovaóhō zeešeátaoet's, eszettōhōno mxhoettotāo zeo natatanem émsaanae.

33 Neš Jesus otā zévōmoss zeaxāemet's na mato Yotahetaneo zeaxāemevoss zehoevessevāessō eēvoameo hemâtasoomaevâ na eôzeta-nehō.

34 Na eszeho, t'sa enēnanovo? eszettovhōno, Zenithatto nēnasz na he'veoxtoz

35 Jesus eaxāemehōno.

36 Neš eszettōhōno Yotahetaneo otā zehešemehamehotoss.

37 Na hosz eszehōno, tah na zeto hetan, nah zetataenomovot's heexaevoz zeóóeneziss, emenešetanota heva zeto hetan émsaazešnāe?

38 Jesus ota exhosseevoameo hevetovå enx-hôhoxtano hátohoestoz. Exvoxeveneo na ohō-na estaxšenaho.

39 Jesus eszehō hestan assetan ohonā. Martha heaxaehemō nhe zeešenāsz eszettaehōn, Zenithatto, hea zeš neš ēšhoxeméeo: zešhešen nas niva ešēvå.

40 Jesuseva eszettaehōnō: nissaaešenhattaze, óha maonissyomhátato nstavōxta hevohóyo-évatamāhestoz Maheo?

41 Neš ehassetanovhōno ohōna nhāno zen-āsz zeeveš. Na Jesus exéatōhō, na eszehō, nihó hahō nihettaz zenxhešenistovetto.

42 Na nahenehena nioxcenistove mesēeto: óha heto nahessezeve hevetovevo zeto vostaneo zenhēssō pāeto, nonópa zevesseonissyomhátato zeñxešemeatovetto.

43 Na neš zeešezēs émaxehahehō: Lazaxus nixhōensz.

44 Na nah zemehanasz énménehō exhóboōehō heázeneva na heszehesseva hátohoevsanistovå: na héexa évešhóboōhezeneo nevōenhestovå Jesuseva eszettaevohōnō, ónehaena na tāená'ná.

45 Neš hāst Yotahetaneo nah zenahoxzevoss Maryeva na zeheševoxtoss hóvaheoz hene Jesuseva zehešezet's eonissyomhátovovhōnō.

46 Hotaz hosz estazešeassehōno zexhōet's Phariseehetaneo na énitótahaovovhōnō heto



hovaheoz Jesuseva zeešeševet's.

47 Neš é mohēénehōno zevehonevess maheon hetaneo na Pharisee-hetaneo exhóemanehōno na eszehōno, nstatoñševhemâ? zeto hetan eneševenoz hasto ovavoētastotoz.

48 Matañšezešenizéovoz nitao hetano zeta-onišsyomháto: na Xomanhetaneo zeñxhoéneo na nstastanomōenon nstōan na nszhestanonan.

49 Na nasz Kaevass zeeševēs mōnithavoe-me maheonhetan hene tóe yāneva eszettohōno, nissaahene-hénoenovo hováe.

50 Na mato heva nissaaōhaztōnovo zeheše-nétaetovan nasz hetan zetanaevomotá vostano, na nonópa nimaetovata hestano zsaaassetoēta.

51 Na heto essaatotoxstoeno hevetova, zehešenitavoem's maheonhetaneo hene tóe aneva: énešeeszehō tato Jesus zetosešnāevomotáho hestano.

52 Na oha zsaanāevomotxeva nokov hestano, oha tass mato zemanoemohēano nokâ hennisson Maheo, nah zehenéneziss nitao vóhēs.

53 Neš hane tó ešēv niszetā exhoemanistomanehōnō zetosešenahovoss.

54 Jesus neš essaaevhaaméneehō taxta zeevaet'se Yotahetaneo oha estaesz'nehō hōeva haetto tohovê, na zémhâstovez Epxaim zeheševhettoz na nhâ eñševisthomohōno hevovistomosseon,

55 Na Yotahetaneo hehoomnistovevo exhanettozeneo: na hasto estasshoehasshōno hoeva heetto Yexušalemo zsaazešhoomnestovhanehet's zestāhoxehanazevoss.

56 Neš eoxzenottovhōno Jesuseva na eszettazehōno manocetto, zeñšenanēvoss Maheon mhayon, nitoñsetanom? tah zensaahooxze maxēmessestov?

57 Na ota nínissofavoss zevehonevess maheonhetaneo na Phariseehetaneo eešehoemanehōnō nah nasz voston zhéneno, t'sa zexhōet's estosemestano nonópa estossenešhestanovhōnō.

## CHAPTER 12.

1 Neš Jesus nassótoa ešēva hane zessaaešehoomnestovanehet's énxhoénehō Bethany, nhâ Lazaxus zexhōs nah zeešenāsz, na zeevhāsseohāetanoss náestovâ.

2 Nhâ émessemaovovhōno na Martha évozenoovahō: na Lazaxus nasz énēhovo zevisthōmaes, zévessemessemāes.

3 Neš exstanano Mary noka zēhananoz xoostaátoz hestaohāoemene, na exoenomovonhōnoz heszehessoz, Jesuseva, na évešenohomovonhōnoz heszehessoz hemekonevâ: na mhayo exaevešemaevōxcemeeozeneo xoostaátova.

4 Neš eszehōno nasz hevovistomosseon Judas Iskaxiot, nah zetosseemōxtotovatōs.

5 Hena heto xoostaátoz zsaahessvešótovato-



van nivó ót'nohó makaetansz na ememezeno-  
voz stamenōheo?

6 Heto éssaahessezeehō zestoxetanotovoss  
stamenoheo: áxe zexhomaxenomazeonevs, na  
eaenano vehosse na exhōtozeno hováe néo  
zeēstanet's.

7 Neš eszehō Jesus nizeová: tóe toes nátoho-  
hestov ehessaena heto.

8 Na zenstamenoehevsz niaenevessevāevo:  
na tāma nissaa-aeneanehemē.

9 Hasto vostaneo Yotahtaneo ota ešhene-  
enaŋovo nhâ zehešhōs, na énsaahessnistahoéne-  
ehōno hevetová Jesusevá ninokaet's, mato no-  
nópa zévōmatanotovoss Lazaxusevá, nah zevha-  
ohaetanoss zeešenāet's.

10 Hotaz zevehonevess maheonhetaneo  
émanohoemanehōnō zeme-hešenonópa-nónahó-  
voss Lazaxuseva.

11 Zehešenēhovs tass hévetov hāsto Yotahe-  
taneo zetahesseasset's, na zetāšeonissyomháto-  
voz Jesuseva.

12 Na zexhosseeševet's hāsto vostaneo zex-  
hoéness maxemessetov, neš zénistomonevoss  
zenstosešhoeoxzet's Jesusevá Yexušalemo.

13 Exstananovhōnoz hestāenoz totápe evé-  
pōzevahoxzetto, na estaevhaassethoehovovhō-  
no, Hóšāna: vovónešettova Zemaxevehonevsz  
Išrael zeñxhoeoxzz hevė-hestová Zenitháziss!

14 Na Jesus neš zehešemeovoss vohoktahe-  
son estahoenhōnō; zehešenetxeoé,

15 Niveētótá zehestonaetovata Zion: ota ni-  
maxevehonam eñxhoeoxz, etahōenotto vohokta-  
hesson.

16 Heto hováeoz eśsaahenehenoezenhōnoz  
hevovistomosseon vovōenotto: na neš Jesus  
zeeševohóyoevatamanś, nhāno emeeatanotanova  
heto hováeoz zehešezetossemet's mxuistōnehe-  
vā na zēšešenešetovovoss heto hovaeva.

17 Na vostano nah zévessevae hane zexhō-  
eneenanoss Lazaxusevā heátohohestov, na ze-  
evhaohāetanoss zémehaešenāet's, exhossemae-  
hō.

18 Na heto mó vostano matō exhesshōhot-  
taevho, heto zénistomonet's zexhešeešeneševs  
heto ovavoētastoz.

19 Na Phariseehetaneo otā eszettaezehōno  
manocetto nissaahenehenoenovo zehešsaaexa-  
omáhess hováe ota hestanovā etanehōē

20 Na nhā hosz estōevostaneo évessevāevo-  
hōnō zenvesshoheaoenoss maxemessestov.

21 Nhe énxhóeottovhōnō otā Philipeva, nah  
zexhōeziss Bethšaidaeno Galileeenō, na énetto-  
vhōnō, eszehōno, Oxtāō! navōmatanotovon  
Jesus.

22 Philip eñxhōchoettovohōno, na énettohō-  
no Andreweva, na Andrew na Philip exhosse-



nettovhōno Jesusevā.

23 Na Jesuseva énostōevohōno eszehō: Zeamhōosta ešhóénetto, nah Zehēhya hetōsz hetanō zestossevohóyohevataman's.

24 Onissyō, onissyō nitanhettazemē, óha nasz hestahemē ben'noyo anáōēsetto hoevā, na nāetto eñšenocetto: óha tónāetto enxhoshāsto emenamattō.

25 Nah zemehoxto hevostanehevestoz zevoneōsz, na nah zensezesto hevostanehevestoz heto hestanovā, zeáeno hatō zévostanehevstovez aenetto.

26 Heva nasz hetan hozeoevomotasz nixhóeovehā, na nhā zeevhāvo, nhā hapo nathozeo zhō: na heva nasz mxhozeoevomotasz nhé Ni-ohe zēátovó.

27 Na hezezea neš namātasooma enōzetanotto; nátāoxeve? Niho, vostanevešsz heto zeamhōosta: áx heto navešhesshóén heto zeamhōosta.

28 Niho vohóyoevatamanoz nivéhestoz. Neš eñxhesshoaoneō nistōhestoz heama eszehō, naešenitov-vohóyoevatamanā na natahossevohóyoevatamanā.

29 Vostaneo náh otā zenhēs pāoetto na énistanovo eszehōnō nonoma enistō na hosz eszehōno hozeonō zeheszemēneziss eēsztōē.

30 Jesus énostaho na eszehō, zeto nistōhes-

toz nānsaahesshoaotō oha etovevo.

31 Neš hezezea ehoemā heto hestanova; neš hezezea maxhavsevenithātsaneo heto hestanov, zōstahamē

32 Na nanēhov, mathassetomoxtanetto hoevā, nazhessetanotovō nitāo hetaneo nitovā.

33 Heto zeszēs énistano zehessoz henāestoz zetossevešenās.

34 Vostano énostōehōnō, naeshessenistomonhemē hoemanistovā, nah Christ eaenēvhasz. Na henaet's zhessenetto Zehēhyaetōsz hetano zet'sēetomoxtan? nivāesso zeto Zehēhyaetōsz hetano?

35 Neš Jesus eszettohōno, maxestokassexovev zevónetto nivessevāenov. Améne zehešeaenomass zevonetto, nszeoxhōyottahenov zeanonetto:

36 Zessoešeaenomass zevonetto onissyomátom zevonetto, nonópa nszhenissonetōenov zevonetto. Heto hováeoze eszeho Jesus na estassehō na estavoneohōnō.

37 Na otā zeoxzešhešeneševs hasto ovavotastotoz zevōxtozesz, na éssaañšsoonissyomhātōehōnō.

38 Heto henhestoz Yešāao nonópa emevâxšanessoz hane zeszēs, Zenithátto niva zeešeonissyomhátto natótaehōnan? na nivāā héáz Zenitháziss zeeševōsesz?



39 Na ota ess'aahešsonissyomhátæhōnō, zehešhossenēs tato Yešāao.

40 Ešeñxpanomovonoz heexævoz na ehekōnanomov hesztahevo; zsaaveševōssanehenovoz heexævoz, na matoheva zsaavešhenehenovahenov hesztahevo, na zeōxseneo na mātænoēo.

41 Heto hovæoz eszehō Yešāao, hane zēvōxtomovoss hevohōyoevatamahestoz, na zistotoxemoss

42 Na aāzevetto hosz zevehonevess, nitāt'sanehēo mato hāsto eonissyomhátæhōnō; na essaahesstaxtanettaehōno Phariseehetaneo hevetovevo zeeátovoss emetohesshōestaneo mohēoxzemhayon.

43 Móstamehoxtônovo vovōnešeázestoz hetanistovhesto hépetto zehéxovot's Maheono hesthonoastoz.

44 Jesus émaxehahehō na eszeho, nah zeonissyomhátovasz nassaatassonissyomhátō eonissyomhátovó nah zēñmeatōheziss.

45 Na nah zevōmasz evōmo nah zēñmeatōheziss.

46 Nahoevonan heto hestanovā, nah nohasse nivāa zeonissyomhátovasz zsaahō zeaenonittoz.

47 Na heva nasz hetan nistomonetto naēs-zestoz, na saaonissyomhátōsz, nassaahóemaot-tóhe: nassaahoehoemaoxto hestanov oha na

hóevostanevesz hestanov.

48 Na zepeotasz na zsaamasseztôsz naēszes-  
toz, eaeno' nasz nah zhoemaottâsz: hostō heto  
zeešetotoxstom, vezen henahane zhé zhóemao-  
tās mxhooxeeševet's.

49 Nassaaešetaometotoxemazé; ohá niohe  
zéñmeatōsz nametā hóemā, zetóshévo na ze-  
tosešeēszevo.

50 Na nahenehenomovo hestohemāō enahan  
zhe aenevostanehevestoz: na hováe zehetāto-  
toxstom, tó enahane zhe niohe zéhettas nató-  
neštotoxesta.

### CHAPTER 13.

1 Otā maeto zsaaēšemaxemesshestovhan  
óómnhestoz, neš Jesus zexheneheno henexo-  
vamē zexhoénnettoz zetosshéšeasshōenōxto heto  
hestanov zestatosenhaoxzevoss hēhyo, zhešeše-  
mehoxto tama heaeneo zehozehessoz hestanov,  
émehothōnō nxsetto aénetto.

2 Na zeešetōevenemesséstov eaovo neš  
mó ešehestanomovho hesztahevā Yotas Iš-  
kaxioteva, Simon hēhya zestosēmoxt'tovatōs.

3 Jesus ehenehena tato hēhyo zeešešeme-  
tāes nitao hováe héázenevā, na tato zeñxeše-  
hoxz Maheon hevez na zetaevhaešenhaoxze-  
vot's Maheo.

4 Eñxhessohāeho zémessevoss na eenano-  
hōnō nohémeon hestoneōno; na exstanohōno



névhoenhestoto na eakozētazēhō.

5 Na neš exhenenanō máp hetoxkoneheva, na éasseñšeanomovonhōnoz hevovistomosseon heszehessevoz na évešenehátanhōnō nevhoenhestoto nhe zevešehakozētazess.

6 Neš eñxhōhotthōno Simon Petereva: Na Peter eszettohōnō, Zenithátto, mó nimeeñšešehátavōvox?

7 Jesus énostaho na eszettohōnō, heto zeheševetto nissaaheneheno hezezea; nszemonheneheno áno.

8 Peter eszettohōno: mó nah nimezešeñšešehátavōvox Jesusevâ eszešnostōehōnō mát'sa añšehanazehétto nszaavesta t'sa nitóvâ.

9 Simon Peter eszettohōnō, Zenithátto mó nah óha nazehezzo āxe mato naázenoz na namekon.

10 Jesuseva eszettaehōnō, nah zeešetōhamsz emessaahosseñšehane, oha heszehessoz, éšhoxea nitāetass: na nihōxehamě, áx nitao hováhan

11 Exheneénovohōno nah zetosemōxt'tovattōs; exhessezehō, nissaamaehoxehahemě.

12 Hotaz zeešeeneñšešehátavōvotoss na zeešehestano hestoneōnoz, na zeešvhámstōs eszetohōno nihenehenanovo zehešešetovaziss?

13 Nanitháeamán na Zenithász nioxcešhe-me; na nioxcepavoanhemě; vezeo nat'sēnēhove.

14 Heva tah nanēhov Zenithasz na ninitay-

amevo, ešeñšešehátavōvotaziss, ninēhovhemě  
hapo nimeoxcenonametoñšešehátavōvotazhemě.

15 Tass nimetazenov neevat'séo, tass zeox-  
ceneševhemě zeešešetovaziss.

16 Onissyó, onissyó, nitanettazem, zéhozeo-  
nevsz essaahépemahatatovohe henitáam; na  
mato nah zéñmeatovsz essaahépemahātatovohé  
nah zéñmeatōs.

17 Heneenomass heto hováeoz, ahā ninē-  
hovhemě máneševess nszēveševovónešetonhe-  
mě.

18 Nissaatotoxemazehemě nistxuiss: nahene-  
henovō nah zeešemezemo: nonópa Maheonmx-  
uistō zeváoxsenhesso, nhe nah zeveszeovae-  
masz kókonoyo zémessevo, naeševešnóeō hes-  
zesto.

19 Hezen ninhettazeme zeešsaahoénitan, ha-  
to neš mañxhonexov, nonópa nszeonissyòmhá-  
tame zehešenēhovetto.

20 Onissyó, onissyó, nitanettazem, nah ze-  
masseztovot's nohasse nah zéñmeavō nazemas-  
seztová: na nah zemasseztōsz emasseztovó tato  
zéñmeatōheziss.

21 Neš Jesus zehešezēs eôzetanonamstaha-  
hō na éméstano na eszehō, onissyó, onissyó, ni-  
nettazem, nasz nistxuiss nitoseemōxt'tovatove-  
mě.

22 Neš hevovistomosseon éveōmazehōnō



nonametó, eononovetanohōnō nivas zestosenet-toss.

23 Ota exhóessēnahōnō Jesus heszeešēeon nasz hevovistomosseon nah Jesus zemehotoss.

24 Simon Peter estassenóztavhōvohōnō nōz-tovehā, táh nivāsz zetosenēhovsz nhe zenet-toss?

25 Neš nah zehoxseš Jesusevā heszešēon es-zettohōnō, Zenithatto nivāesso nhé?

26 Jesus énostaho, niahāne nah, zetaoxomo mataešseomstov. Na neš zehešseomesz hestxo-tatoz émetono Yotas Iškaxioteva hehya Simon.

27 Na zeešeoxomś Sataneva eestaxetōehōnō. Neš Jesusevā eszettaehōnō, zetosheševetto ta-nonotovheneševsz!

28 Ota hovane voston zehōsz taxemesshes-tovā essaaheneénoenohó heto zehessezettoss.

29 Hosz mó eszhešetanoevo zeoxcešeam-eozesz veósseo Yotas Jesuseva eszettaehōnō, taheoxtovaz ható hováeoz zeohemanomazēs maxemesséstov; na mó eotosemetot's hováe stamenōeo.

30 Nhe neš zeešeamāes zeoxomś séeya esta-oaxehō na estāéveneho.

31 Ota neš zistaešovanēs Jesus eszehō, he-zen neš zehēhyahetōsz hetano evohóyoevata-manē, na Maheo eševohóyoevataman hevetov.

32 Maheo hapo zevohóyoevatamano tāma

hevetovâ na zevohóyoevatamaeho séeya.

33 Kašgonessonasz, maxestokasexovevâ nísóvessevazemě. Nszenoxzeovemě: na tass zehešhetton Yotahetaneo t'sa zesthassetto nszen-saatoñšhoénehemě; hapo hez ninettazeme.

34 Emona hoemão nitametazenov, heto mehotaz nonāmeto; tass hapo zehešemehotaziss, heto ninēhovemě hapo neš mehotaz nonameto.

35 Heto hestó nitao hetaneo zénehenānovo zexešhevovistomosseonetovaziss, māmehotaziss nonameto.

36 Semon Peter eszettohōno, Zenithatto t'sa nitosohoxz? Jesuseva énostōehōnō t'sa zistaozzetto, nímessaatoñšhóeove hezezea; oha ninēhov nszenxhóeove ninovexovevâ.

37 Peter eszettohōnō, Zenithatto, henae na emesaahesshoeovazehetto hezezea? Na nitatosseenanomotaáz navostanehevestoz.

38 Jesuseva énostoehōnō, mó nimehesseenan nivostanehevestoz nitovâ? Onissy, onissy, nitanettaz, kokoyaxa zsaaēsenistōhé táe maešeeztomōetovetto náha.

## CHAPTER 14.

1 Niveôzetanonamstahame: nionissyomhátovov Maheo, onissyomhátove matō.

2 Niohe hemhayon ehasto heneotaz: masá-anessóhannéhehō, nimeešenettazem. Natanis-



tāvovotānā zistosseevhāss.

3 Na mataassetto na matahevovotānom zistoseēvhāss, nazeevhahoén na nszhestanazem nszevessevhemě; nhā t'sa zexhoetto, hapo nhā nszhōeme.

4 Na t'sa zisthassetto nihenehenanovō, na meo zeheoz nihenehenanov.

5 Thomas eszettohōno, Zenithátto, nasaahenehenoenon t'sa zestoshooxzetto; na tah name-toñšheneenanon meo?

6 Jesus eszettohōno, nanēhov meo, etomhestoz na vostanehevestoz: hovane vostan ehôhot-toeho zehehestoveziss, ohá nitovā.

7 Mxenixeneenovenovesshenhō, nimst'sēhenenovov Niohe mato: na nēs tazetae nihenehenovov, na nieševōmóv.

8 Philip eszettohōno, Zenithátto, méstomevemenoz zehehestovsz na zeovoss nitovan.

9 Jesus eszettohōnō, hako hāexoveva mo niñseamevessevazene, na mo níaázeso-ónonove Philip? Náh zeeševōmasz eševōmo zehehestoveziss; na hená tah neš zehessezetto mestomevemenoz zehehestovsz?

10 Mohonoonissyomhátom zeešeevhátov Niohe? na Niohe zeešeevhátōs? Eēszeptoz zēsztovaziss nassaataometotoxemazé: ohá Niohe tato zeevhátōsz éneševenoz matšezestotoz.

11 Onissyomhátovē nanēhov zeevhátov Nio-

he, na zeevhátōsz: na matoheva hesseonissyom-hátove matšezistov hesto.

12 Onissyó, onissyó, nitanettazem, nah zeonissyomhátōsz, matšezistotoz hato zeneševenvōsz, zeneševenoz hapo; na hēpaoētastotoz heto zehexovoz zeneševenoz; zetāšenháoxzevo Niohe.

13 Na nohasse hovāe māvēstomass navéhestovā, hene nazeneševē, nonópa Zehehestovsz zevohóyohevatamane Hēhyaeva.

14 Māvēstomass nohass hovāe navéhestovā tó nazeneševe.

15 Mámeboxess nszetōetanotanolv natoemāoxzettoz.

16 Na nathāōenatov Zehehestovsz, na nszemetāenolv mato nasz vovoešemossanehéó nonópa nszevessevāevo áenetto.

17 Heva tó nhe mátasooma hetomstovā; nhe hestanovā zsaatonšmasseztōessō zehešsaavōmoes na mato essaahenehenovoeo: óha nihenehenovo; nivhestanovemāevo, na nszeevhátōemē.

18 Nszaanoōxzeazehemē tassē ñxháyo: nszeneevhanháoxzevazem.

19 Maxhestokassexovevā na hestanovā nasaaevhavōmāhe oha mivōmemē: zeevhátto, nszhesseevhāmē hapo.

20 Hane tó esēva nszheneenanovō zeeševhátov Niohe, na nievhátovemē, na nievhátovazem.



21 Nah zéaeno natoemaoxzetōz na zetōetanoto, niahane nah zemehotasz: na nah zemehotasz zemehotā Nioheeva, nazemehoto na nazevōs seo nitovē.

22 Yotasevā eszettaehōnō (essaanistoē Iš-kaxiot) Zenithatto, tah nszetonševōesšemeno etovē na hestanov hovahan?

23 Jesus énostaho na eszettohōnō, heva nasz hetan mehotasz emetōetanotanoz naēsseztoz: na Nioheevā zemehota, na nazen'nhaoxzevon, na nazevessevon.

24 Nah zsaamehotaēsš essaatōetanotoenoz naēsseztoz: na nahóstō zenistomonettomoss nassaataomeheszhove, Niohe heszeoxz zēñmeatōsz.

25 Heto hováeoz niešetotoxstomevazeno, zehešsómoxestovessevaziss.

26 Na vovoešemstomane, zenēhovsz maheonemátassooma, nah Niohe zēñmeass navehéstovā nszevovistomōevo nitao hováe na nsze-meetanossāenov nitao hováe zehešhetaēsztovaziss.

27 Hekotomahestoz ninooxtomevazenov; ná-zekotomahestoz nimetazenov; hestanovā zehešeme'atov nissaanešemetazeenov. Niveôzetanonamstaham, na mato veetoxtaetto nsztahevo,

28 Niešenistomonhemē zehešezettaziss, nātaasseoxz, na nszeneevhahosshoenhaoxzevazem.

Mehoxess nimevōešetanom zészettaziss natan-  
haoxzevo Niohe: Niohe ehépehāe zehexovávo.

29 Na ota niešenettazem zehešesaahônesso-  
han hato neš mañxhonest nonópa nszeoniss-  
yomhátame.

30 Neš zetanszaaevhatohōēsztovazhemě: otā  
havsevenithát'saneo heto hestanová eñxhoeoxz  
na hovāe nassaaenomotāhe.

31 Oha heto hestanová nonópa zhenehen-  
zehešemehoto Zehehestovsz; na Niohe zeheše-  
metás hoemāð hene natóneševe. Ohāe neš ni-  
taasshemā.

## CHAPTER 15.

1 Nanēhové onissyomééassetto, na Niohe  
ēnanoehéo.

2 Nistoa hestāhe zēvhātoēto zsaahemename-  
tanehez eoxcehassetana na nistoa hestā hane  
zehemenametož eoxchoxeana, nonópa zeñxhoss-  
hāemenametož.

3 Niešhoxeha'heme nhén hostō zehešetotox-  
stomevaziss.

4 Ves'z'nhemě na nivessz'nemazeme. Tass  
hestā zeoxcešsaatoñštaom-hemenamettan óha  
óvész'nemotosz e'e'hassetto.

5 Naēhassetoeve na nanihestaenovhemě:  
nah zevesznemasz nazevesznemo, niahāne ve-  
zeno zeñxhoemeaaz hāst hemenamoz: saaveh-  
stanehess nimesaatoñšeneševenov hovāe.



6 Heva hetan saavesz'nemaesz, evohóõe tass hestāe na enassomeoz; na vostaneo emohēeona-  
nov na esseaházeno hóstav na evonhâtă.

7 Mávész'nemess na naēszeptotoz máveš'zne-  
māess, nszevēstanov hovāe zenešetanoss na  
nszetónešetonhemě.

8 Hetahane zhe nhenio Niohe zevohóyoeva-  
tamans heto ninēhovhem zexhāemēnamass na  
nonópa nszenheštóhevovistomosseonetovazem.

9 Tass Niohe zehešemehotas hapo niešene-  
šemehotazem: ñšeanēvaě namehosseoneva.

10 Matoetanotomáss natoemāoxzetoz nszeto-  
vesznemo namehosseonevâ; Tass hapo zetoheš-  
tōetanotomov Niohe hestoemāoxzetoz na zehe-  
ševesz'nemo hemehossenistovâ.

11 Heto hováeoz nihessetotoxstomevazeno-  
vaz nonópa navoešetanoxtov nazšešhoetōenov  
hene nivešetanoxtovevo tass zetoecootómoě.

12 Hetahāne nathoemāō, heto mehotaz no-  
nameto, tass zehešešemehotaziss.

13 Hépamehosseo essaaáeno hovane hetan  
heto ota zehexovoz, han hetan zémeavomotaoss  
hevostanehevestoz hévessenó.

14 Ninēhovhemě mánešē'vess nitao zetohe-  
tāoemaovaziss.

15 Ota nissaahessezettazehem hózeón; nhe  
hozéó essaahenehenio zeheševet's henitāham:  
nissēneo nihettazeme ohá nitao hovāe zetohe-

tanistovo Niohe niešemestomevazenov.

16 Nissaahestanehemẽ onittáz nihestanazem na nimátazem, na nonópa nstaasshemẽ na nsz-hoeonszenov nimenamevo zsetota na nohasse hovae mávēstomevoss Niohe nave'hestová ni-memetaenovõ.

17 Heto hováezoz ninhetóemãovazem heto mehotaz nonameto.

18 Heva hestanová mánsétamãess, nihenehenanov naeše-nsé-tamãe maeto zehešsaanse'-tamãhess.

19 Heva mxhestassenho histanová, hestanova ememehoxta tãma heszeoxz, āxe zsaahomax-hestahess hestanov, óha niešhestohestanazeme hestanova enahan hestaneo zehessensetamãess-

20 Meetanotom eēszestoz zeešenettaziss ze-hozeonevsz essaahépemahaetta zehexovaz heni-táham. Mānešēvmomeztovoēhaevoz, hapo nszemomeztovoēhaevo; na mātōenomevoz na-ēszestoz, hapo zetōēnanov niēszestovo.

21 Axe nitao hováezoz nszhessenešeáevõ navehestovhesto', zehešsaaheneénovohevoss nah zēñmeatōheziss.

22 Másaahoénettonao na mássaaeēsz'tovoe-vonhã emsaaaenovenov hávs: axe neš'hez essaa-aenovenov nonaxetanoxzeva hesthavsevevo.

23 Nah zensetamasz ensetamó Nioheeva mato.



24 Mássaaešeneševonháõ zeevhávoss matšezistotoz, hovane zenítasz hetan zsaatoñšeēš-neševēsz, emsaaaenoenov havs: na otā hez ēševōxtanov na aázeevetto nansetamāeneo nīneševoz nanēhoveva na Nioheeva.

25 Na heto enxhónessõ hato hoštõ nonópa zeváoxseness hato zemxeó hóemanistov nansétamā hāmā ohāestometto.

26 Ax neš vovoešemstomanē mánēšhoēnsz, nah zénxhessemetaziss Niohe hevez mātassoom-hetomstov, nah zeñxhestōet's Niohe hevez, nhe nazemeemā.

27 Na ninēhovhemě mato, nszhosstomotxeme zeñxhessevesse vess zenstomoneasshetoētatto.

## CHAPTER 16.

1 Heto hovaeoz nihessetotoxstomevazено-voz nonópa nszaatóeozechemě.

2 Nsžestohestahamaevõ mohēoxzemhayon: hēhě, amexovevā eneam'nettõ, nah nivāsz zenahāess zezešetan naneševevo Maheo hestozenestoz.

3 Na heto hovaeoz zenešetoevõ zehešsaaxaheneénovohevoss Nioheeva na nanēhoveva.

4 Na heto hováeoz ni Hessenittazem, hane neš néxoveva máñxhoénetto, nonópa nszemétanom heto zeešešenhettaziss. Na heto hovaeoz nínssaazettazehemě zenstómoneassetoē-

tatto zexhéssóvessevaziss.

5 Na hez nataassenhaoxzevo nah zéñmea-  
tōsz; na hovane nissaanóztovehemě t'sa nitoso-  
hoxz?

6 Na heto zexhomaxezettazhess hováeo  
anovetanoxtoz eheseotomoen nsztáhevo.

7 Na nitaázeñšenhettazem hetomhestoz: et'-  
sēnitáě etovevo heto zestaasseoxzetto, na heva  
t'saahasseeoxzehetto, vovoešemstómane nimes-  
saahoeoxzetōévo; na matahassetto nszeñmeta-  
zenov.

8 Na neš mánxhóénsz, zeméesesta hestanov  
havs, na xanovevostanehevestoz na havszehe-  
toemāet's.

9 Hāvseveva zehešsaaonissyomhátōhess.

10 Xanovevostanehevstov, zetašenhaoxze-  
vamo Nioheeva, na ninēhovheme nissaaevha-  
enevōmehemě.

11 Havs zehetoemāet's havsevenithát'saneo  
heto hestanova zehetoemāēēs.

12 Esohastoa hováe zetosetotoxstomevaziss  
axe nissaaešēxaotônovoz.

13 Na otā neš nah matasoomâhetomstovâ  
maxhoénsz nszeonóaeōevo nitao hetomstova;  
zsaataometotoxemaze; oha han zetohetâenisto-  
mons', hene zetotoxesta na nszemestomōenov  
nitao hováe zetoshóenettoz.

14 Nazevohóyohevataman: zeamháhé nāeneo  
na nszevōsāenov.



15 Nitao hováe Niohe zeáeno enahane naheszeoxz: enahāne zehessenetto, zeamáhe zaeenom na nszemestomoenov,

16 Kassexovevā, hā nszaaevhavōmeheme: na hosskassexoveva, na nszeevhavōmemē zetāšenhaoxzevo Niohe.

17 Neš eszehōnō hosz hevovistomosseon tāma nimanocetta, Henaet's heto zezetāez kassexovevā, nszaaevhavōmehemē na hossekassexoveva na nszevōmemē: na nazetāšenhaoxzevo Niohe?

18 Exhessezehōno ota, henaet's heto zéhēs, kassexoveva? nissaatoñšheneenomovōnon zéhēs.

19 Na Jesus exheneénomovono zehešenoztatanotōs, na eszettohōnō, niēvenióztovazeme nimanocetto tāma heto zeszhetto kassexovevā na nszaaevhavōmehemē na hossekassexoveva na nszevōmeme?

20 Onissyō, onissyō, nithanittazem ota nszeaxāemhemē na nszeōeomaememē, hestanovā zeaázevoešetano: na nszeanovetanov, áxe nianovetanoxzevo zoeoxsenē voešetanoxtov.

21 Hée neš etoseanisz eoxceánovahé, zehčhónexovet's: áxe zetóhešeešeanetovs kašgone essaaevhameetanoto zeoxetoamś evonhetotanehe hetan zehešhēstaoz hestanov.

22 Na hezen neš niheanovetanovhemē nstaevhahossevōmazem na nsztahévo zevoešetanotto

na nivoesetanoxzevo hovane hetan nszsaahestanomōenov.

23 Na hene nhāno ešēva nszaanóztomevehenov. Onissyō, onissyō nitanittazem nohass hovāe zevēstomevoss Niohe navehestova nszetaenovo.

24 Ninsaoxceeševēstomoenov hovāe navehestova: vēstomōé na nszeamhāme, nonópa nivoesetanoxzevo zeootomoen.

25 Heto hovāeoz nivešetotoxstomevazenvoz hononōvoanistov na amexoveva eneamēnetto neš nszeoxksaaevhavešeēsztovazehem hononovanistoz oha nszemestomevazenvov taxtā Niohe.

26 Na nhano ešēva nszevēstomohemē navehestov: na ninhettazémē na nátavešhāonatov Niohe etovevo.

27 Ota Niohe nitaomemehotaevo zehešeme-hoxhéss na zeonissyomhátass zeñxešhesthōēnetto hevez Maheo.

28 Nañxhesshōéne Niohe hevez, na nahóčne hestanova: na naevhanooxta hestanov na natanhaoxzevo Niohe.

29 Hevovistomosseon eszettaehōno: ota hez niēsz taxtā, na nissaanoóane hononōvoanistoz.

30 Hez naonissyometanom zehenehenom nitaov hovaevov na homezista hovane hetan nissaanóztōhe: heto nahesseonissyomhátame nihes-



tóehoxzemó hevez Maheo.

31 Jesus énostovohōno nitoeonissyomhátame hezezea?

32 Ota, zeamhōsta eaménetto áxe ešhoénetto na nsze'neoxzhem nistoxs hetan soss hevenov, na nszemassenōoxéme: axe nassaanoka, Niohe navesseva.

33 Heto hováeož nihessetotoxstomevazeno-voz nonópa nitov nszhessekotómahemě. Hes-tanova nszeôzetanom: aáze ševetanohen naeš-hotaha histanova.

## CHAPTER 17.

1 Heto eēszestotož eszeho Jesus na exéató-ohō héama na eszeho, Nihó zeamhōsta ešhoé-netto, vohóyohevatamanehá nhēhya, na nonópa nhēhya hapo nszevohóyohevatamana.

2 Tass zehešešemetoss ohātamahestoz nitao mǎthóevoxkotǎ na zehešemetoss áenevostane-hevhestoz nhesto zetoeshestoemetoss.

3 Na heto vostanehevestoz áenetto na nonópa nszheneenō zehešenoceanissyommaheone-vetto, na Jesus vostanevstomane, nah zeñxheš-ešemeatto.

4 Nieševohóyohevatamanaz hóeva na eševhâsēxan hozeohestoz hane zemezetto zeheneševetto.

5 Na hež á nihó vešvohóyohevatamansz

tama etová vohóyohevatanetátosz zeá'enom zévessevaz zessaaeshestanovan.

6 Naešemestomevonov nivéhestoz hetaneo zehestōemezetoss hestanova: niaeneo enēhove na nimezenotto nã ēšetōenanov nstosthō.

7 Na hez ēsheneenanov nitao hóvaeoz nohass zeešemezetossoz ehessonsz etová.

8 Naešemetonovo ēszestoz háne zemezevoss: na ēšeamhānov na ēšeonissyomheneenanov zeñxešhestoehóēnetovazevoss na ēšeonissyomhātaō zeñxešetóeonissyom-meatovevoss.

9 Nahāōnavomotáo nassaahāoenavomata hestanov, oha nhé nah zeešemezetoss nihe'ae-neonenotto.

10 Na nitao naeneo niheaeneon, na niaeneo nahéaeneon navohéyohevatananan nhén.

11 Na hez nassaaevháhesta hestanov, na zeto hestayo hestanov, na ninháoxzevaz. Maheone niho nivehestova vešhekonoxenan tato nah zeešemezetosso nonópa zenokayo tass zehéstavoz.

12 Zexešsóveoxzemono hestanov naxhekonohō nivehestova tato nah zémezetoss, nahekonohō na heva nasz essaavoneozé ohā nhé zehyahetōsz aeneassetoeēstoz ható nonópa maheonemxuištō zevâxsenhess.

13 Na hez ninhaoxzevaz na heto hováeoz natotoxstanosz hestanov, nonópa navōešetanox-



toz zevâxsenhessoz hevetovevo.

14 Naešemetonov nstostō; na hestanova eše-nse'tamāenov, zexhomaxsaahestáevoss hestanov hapo zetohešsaahestahevo hestanov.

15 Nassaanelhōenahe zestoshestōhestanoss hestanov, oha nszetohaovo havseveva.

16 Essaahestaeo hestanova, tass hapo zeheš-saahestahevo hestanov.

17 Vešemomātavanena nszetómhestoz: nstostō enahan hetomestoz.

18 Tass zeñxešemeatovetto hestanov hapo natatonešemeanotto histanova.

19 Na hevetovevo nahessemomātavanazevo, nonóp hapo zevešmomātavaneó hetomstova.

20 Nassaanoehāōnavomotáheo zeto áxe mat hapo zhesseonissyomhátōes hestotōonehevo.

21 Nonópa zemánokayo tass ninēhov niho zehešeevhátovetto na nievhátovaz zenheš-nonóp-hapo-nokayo etovan; nonópa hestanov zeonissyomháta zeñxešemeatovetto.

22 Na vohóyohevatamanetátoz hane zemetto naešemetonovo nonópa zenokayo tass hapo zehešenokavôz.

23 Naevhátovō na niēvhátove nonópa zenheš-hoxe-enokovaneó; na nonópa heto hestanova zhénehenó zeñxešemeatovettoe na zehešenešemehotoss tass zehešemehoxetto.

24 Niho, nanhethoahe nah zeto hapo zeeše

mezettoss nazevessevā t'sa zexhōevo nonōpa zevōxtanov navohóyohevatomāhestoz, hane zemezetto ninstomehoxe zénsaaeshóómaoehan hestanov.

25 Hā zexanovátto Niho hestanova nissaaesheneenōhé oha niešheneenovaz, na zéto ēsheneenanov zeñxešemeatovetto.

26 Na naešenitótahaovonov nivéhestoz na nazenitótahanenov hato meosseo zeeševešemehoxetto zeevhátoenov na nāevhátovō.

## CHAPTER 18.

1 Neš Jesus zehešeenezešeēs estahassevesevhōno hevovistomosseon estaxovnehōnō ohevaoheeva Kitxōn zeheševettoz, zeaméhaonitavēnanoe hoeo, hen estaesznehō na mato hevovistomosseon.

2 Na Yotass mato nah zeemōxt'tovatōs, exheneénáno hen hóeo, Jesus nheno móestaoxceohāneševexzemoevo hevovistomosseon hen hoeoneva.

3 Yotass neš zehešeamāes nokov notxistov na zevehonevezess zénmetās zevehonevezess Pharisee-hetaneo énooxzetoehōno énoeoxzenovhōnoz vohoksenanistotoz vohóyohovatotoz na hēškóvanéonoz.

4 Jesus ota nitao hovaeoz zeešheneéno zetoshôhotāesz estameénehō na eszettohōno nivās zenózeovoss?



5 Eszhešenostōehōno Jesus zehestāsz Nazareth. Jesus eszettohōno, Nanēhove. Na Yotass mato, nāh zeemōxt'tovatōs évessehōemozenohōno.

6 Na seeya neš zetóešezettoss nanēhov estaevhamassóhossōehōno na estamassoavaohōno hóeva.

7 Neš exhossenóztovohōno nivā zenózeovoss na eszettaehōno Jesus zehestāsz Nazareth.

8 Jesus énostahō niešenhettazem nanēhov na ota mánózeovess zeto tañšeassevohā;

9 Hato eēszeztoz nonópa zévâxsenhéss hane zeszēs, nhe nah zemežettoss nassaavoneoetto nasz.

10 Neš Simon Peter zehešheszxovatovonś énetanano na estaōmohōno maxhāmaheoneēs-zhetan hestozeon na époevohomovonó heszeamaxhest hestovōxz. Nhe hozeo mószeševéehé Malxus.

11 Neš Jesus eszettohōno Peterēva: ēstahazz nszxovatov vehanooxzeva: hetoxkoneheva zenohomōs, Niohe zemetas monamessaañšemané?

12 Neš nhe nokov zevehonevess estōetovhōnō.

13 Na estaovoezeozovōno Anasevao hevez éxhemšemetōehōno Kaiphaseva zemaxhāmaheonehetanevs hen heto āneva.

14 Na nseho Kaiphas, nah zēs zethoemavot's Yotahetaneo etsēenitāe nasz hetan zestosenāevomotass vostano.

15 Na Simon Peter estahoevohōno Jesuseva na mato nasz hevovistomosseo: Na nhe vovistomosseo exheneenoehōno zemaxhāmaheoneesz hetaneveziss na estaēsvessevhōno Jesuseva hotoma zēpavatamanōet's hemhayon zemaxhāmaheonehetanevs.

16 Hótaz Peter énēho henitooneheva anóss. Neš estahōéneo nhe nasz vovistomosseo nhe zeheneenōsz zemaxhāmaheone-hetaneveziss na estaēsztovohōn kassehehéó nah zeneevavōxtoziss henito na éneéseozovhōno Petereva.

17 Neš eszehō kassehē nhe zeneevavōxtohenito na eszettōhōno Petereva māse nasz eonēhovetto zeto hetan hevovistomosseon? Eszeho nassaanēhove.

18 Na zehozeonevess na notxevo énehōno nhâ nhe zehešhōhaziss hoossōz estatonettono; na ééxováeszehōno; na Peter évessehóemhōno na ééxovaehō.

19 Hapo nhe maxhāmaheoneesz hetan neš énoztovóvhōno Jesuseva hevovistomosseon na zehetohestomoss emomátáhestoz.

20 Jesus énostovohōno taxa naēszetta hes-tanov; zeñxetavovistomotom mohēoxzemhayon na hotoma maheonemhayon, nhenō Yotaheta-



neo meséeto zeoxchassevoss; na émōs nassaa-totoxsto hováe.

21 Hena zehessenoztovetto? nóztovenan nah zeñxetanistōévoss hováe zestotoxstomevono: otā nhé eheneenanov zeñxhešeēszévo.

22 Na neš zeešezēs nasz notxevhōno zepā-yosz ehōmohōno Jesuseva hesztāéoneva, eszeho nizhešenōstovo maxhāmaheonhetan?

23 Jesuseva énostoehōno, Heva mxhavse voanetto meestoz zehavseva na axe mápevoanetto, hena zehessehōmetto?

24 Ota Annas estaešemeanohōno eñšetoe-hōno Kaiphasevao hevez zemaxhāmaheonhetanevsz.

25 Na Simon Peter énehō na ééxovaeho. Neš eszettovhōno, māseo nēhovetto mato nasz hevovistomosseon? na eeztomoehō na eszeho nassaanēhovetto.

26 Nasz hestozeon zemaxhamaheonhetanevsz evōhestonân nah hestovōxz Peter zepo-evohomovoss, eszehō, tass hot'se nivōmaz nivessevo onitavēnanóhestov.

27 Peter exhossēeztomóeho: na seeya kōyax enistoehō.

28 Neš esthasstoeozovhōno Kaiphaseva hevez estaozovhōn hoemanemhayon: na émoxto-tōeveneō: na estsaataomēs'neehōno hoemanemhayon, emethasshossotayo: na nonópa eme-

messenov hóomnhestoz.

29 Pilate neš estahōenhaoxzevhōno na ēs-zettohōno: henova momaxemazestoz zevešhoe-ozoss zeto hetan?

30 Exnostahōno na eszettaehōno mássaa-havsevoētaeonevehō namsaat'šhóeožóen.

31 Neš eszettohōno Pilate: hestana na hoe-ma ota zehéss nisthoemanistov. Yotahetaneo neš eszettaehōno, essaahóemanistovan names-saaenanohe hovane hetan nāestov.

32 Hato eēszestoz Jesus nonópa zevâxse-nhess hane zexēs, zehessoz nāestoz zetoseveše-nās.

33 Neš Pilate estaevhahosseszneho hoemano-hemhayon na estaonōmohōno Jesuseva na es-zettohōno, ninēhove zemaxevehonevetto zex-hestanovevoss Yotahetaneo.

34 Jesuseva énostōehōno: nitaomenhé heto, na mó zenitás nahossemaevó?

35 Pilate énostaho: tah mó nayotahetaneve? tāma nszhestan na zevehonevess maheoneesze-veho nihoemeatō nitova: henova nitoñševe?

36 Jesus énostaho, navehonstanovestoz es-saahesshan zeto hestanov: navehonstanovestoz mxhessonhō zeto hestanov, na nāthožeonō na-memeoevomota namessaatšhoemeatōeho Yota-hetaneo zexhesstavoss: ax hez navehonstano-vestoz etaāshesso.



37 Pilateva neš eszettaehōno mó nimaxe-vehoneve? Jesus énostovohōno, nit'sēeneve zemaxevehonevetto, etahane zehesshestatto, na etahane zehesshóénetto hestanov na naheósesta hetomhestoz. Nistoxsz nah zehestāsz hetomstova eahāta naēszestoz.

38 Pilateva eszettaehōno, henova hetomhestoz? na neš zehešezēs heto estaevhashōnha-oxzevhōno Yotahetaneo na eszettohōno nassaa-vōxtomotâhe havs.

39 Na nitsēneševostanehevhome zeoxce-evhaenanomotaziss nasz hóomnistov mó otā nstaevhaenanomotazenov zemaxevehonevsz zexhestanovevoss Yotahetaneo.

40 Neš exhossemaxehahehōno nitao eszehōno, zeto hetan hovahan óha Baxabbas. Na Baxabbas eššēnovahevvhō.

## CHAPTER 19.

1 Neš Pilate mó exhestanovo Jesuseva na mó éveehónevo.

2 Na notxeo exhestotonanovo hóxcae zehā-oessatoz na eestanomovono hemekon na énhō-manovhōn zeotatave-maeataziss hōmaó,

3 Na eszehōno, Hāō zemaxevehonevsz zexhestanovevoss Yotahetaneo na eoxcevešehōmovhōno heázenevāevo.

4 Pilate moestaevhassnhaoxzevoevo na es-

zettōhōno, otā nihoehoztomazenov nonōpa nsz-hessheneenanov nassaame'omovó hávs hevetov.

5 Neš ešmehōéneho Jesus exhóneánō hoxca zehohāossatoz na zeotatavemaeataziss hōmáo. Na Pilate eszettōhōno: vehōma hetan.

6 Neš zevéhōnévess maheonhetaneo na not-xevō mó zévōmass eszevó: zeenaéssehé! Pilate eszettōhōno, tataomhestan na tazeenaessehóe: nassaameomovo havs hevetov.

7 Yotahetaneo énostōehōno, nahestoemaox-zevhemě na hen natoemaoxtonan zehesso emenā, zehešenešemanhaz tāma hehyao Maheo.

8 Neš Pilate ota zénistomons hatō zeheno-vez exhossohametótáhō.

9 Na estaevháészneho hoemanemhayon na eszettōhōno Jesuseva, t'sa ninxhesta? Hotaz Jesuseva ešsaametaheho nostatoz.

10 Neš eszettaehōno Pilateva, hēnae zsaa-hessēsztovehetto? mo na honoheneénom ze-hešeaenom exoētastoz nizeenaessehōestova na zemeheštóevhaešeenanaz?

11 Jesus énostaho nimessehókáénó to ēxoē-tastoz tōetto nitova oha hessemetanetto heama: na ota nah zemeatōsz etova ehéphesthá-vseve.

12 Na neš tato netā Pilate exozeváenanatanotovohōno: hotaz Yotahetaneo émaxehahehōno eszehōno mataevhaenanoz zeto hetan Zēsax



nissaahevessenehetō: na nohass niva zetaome-maxevehonemanhaz etōenonóstovo Zēsaxeva.

13 Neš Pilate ota zénistomonetto heto zehenovez éñmeheozohōno Jesuseva na exhamstoehō hoemanetxessehestova hane zexohona-vonooneva zeoxcistohet's na nistaomehetaneo Gabbatha zeoxestōmevoss.

14 Na eñšenáasvovetaneništoveneo hóomnestov na hea zexótnisxeo mxohōstaneo na eszettōhōno Yotahetaneo vehōma nimaxevehonamevo!

15 Na émaxehahehōno, hasseozehå! hasseozehå! zéenaeséhónehå! Pilate eszettōhōno mo nātazeenaessehóno nimaxevehonamevo? zevehonevess maheonhetaneo énostahōno nassaa-hemaxevehonamehenon hovane oha Zēsax.

16 Neš estañšenešemeanohōnō zistosseze-enaeséhóetś, na estatánovhōno Jesuseva na estaasseozovhōnō.

17 Na énotáno zehótxatoz eséhoestoz esta-zoezehō nhāno metaeško zeoxcenovez Yotaszestoz Golgotha zeoxcistó.

18 Nhâ eséhónovhōno na niś zenitáziss haztove nononasz na Jesus sitove.

19 Na Pilate èmxueano mxueoeo na épâana-no zehetaeséhoet's. Na hene eszetxueoneo Jesus zehēstāsz Nazaxeth zemaxevehonevsz zexhestanovevoss Yotahetaneo.

20 Heto mxueoeo neš eoxchostanovo hasto Yotahetaneo: hen heo nhâ Jesus zeséhōs exháétoevene maostov: na évešemxeóne Yotāenszestoz, na Yavanszestoz na Xomanszestoz.

21 Neš eszehōno zevehonevess maheonhetaneo zehestasz Yotahetaneo énettovhōno Pilateva nivenetxeo zemaxevehonevsz zexhestanovevoss Yotahetaneo onitáz enhevō nanēhov zemaxevehonevsz zexhestanovevoss Yotahetaneo.

22 Pilate énostaho hováe zehešemxeom na ešemxeoꝥa.

23 Neš nótxeo zehešsehónovoss Jesuseva exhestanamovhōno hestoneōno na énivo-manamovhōno nistoxs notax nokov na mato heszeheno na nhe heszehen t'sa éssaaamenoehehō heszeoz zexhesseassetotonôho nxsetto nitāetass.

24 Eszehōno tah manocetto zehestxevoss, nitsaañšeoxnohéme onitáz nitamonšemoton nivaesz zēszhovsz nonópa heto maheonemxuištō zevâxsenhess zeszenově ehenenomevazenov natonēno na naheszeheno émoñšemottov. Heto hovaeoz ota notxeo éneševhōno.

25 Na nhâ énēhōno pâetto heséhóestova Jesus hesc na hesc hevisson Mary heszéem Cleophas na Mary Magdalene.

26 Neš Jesus mó zévōmoss hesc, na hevovistomosseon zépāeotovot's nah zemehotoss eszet-



tohōno hesc, hée, vehoméhã nhēhya!

27 Na eszettohōno hevovistomosseon: vehō-méhã nišq! Na hane zetóeamhōstaz nhe vovistomosseo estāozohōno tãma hemhayon.

28 Na neš hooma Jesus zehešheneeno nitao hováe hez zehešemaēxanet's ható nonópa maheonemxuistō zevâxsēxanet's eszehō nahāōnẽ.

29 Na nhâ ênhoenettaneo eóotomoenáneo ohóstaxemáp: na eotomoenottovhōno zeazé-passeheziss ohóstaxemápeva na estōetovhōno honoc maxeveessevoeva na estahoanomo-vhōnõ heszeneva.

30 Neš Jesus mó zehešeamāes ohóstaxemáp eszehō: ešemasseeexan na exószeehō na ênāehō.

31 Na Yotahetaneo neš mó zehešeassevove-tanistovet's ható hevxozevõz zsaañšensetoettanehetoz maheonešēva (ható maheoneš exhāeameešeanenovo) estānhetto-natovovhōno Pilate-eva, nonópa heszekonevoz emeóeenettoz, na nonópa emetaasseozeo.

32 Neš exhoénehōno notxeo na eoeškoxtanovhōno zénvovōehôhotovoss na mato nasz nah zevesséhóemāes,

33 Hotaz neš zeñxhōhotovoss Jesuseva na zévōmovoss zehešešeaāzenāet's essaaóeškaox-tanovevhōno.

34 Hotaz nasz notxeo eaneeōstoehōno xomoeneheva heszepéoz na eñxhōeševozezeneo

mae na máp.

35 Na nah zevōxto, ehossesto na hestostō ehetomettoz: na eheneéna hatō zehēs ehetom nonópa nszeonissyomhátame.

36 Heto hovaeoz estozhešēvstovensz hatō maheonmxuisto zetsevâxsenhess héko nasz hevxóta saaééóehanehez.

37 Na zeossenita maheonmxuisto ezetto zevēhōmovo nah zeaneōnovoss.

38 Na hooma heto Joseph Aximathea zehestāsz zeheševovistomosseonś Jesus óha emōs zeēoss Yotahetaneo estānhetto-natovohōno Pilateva nonópa emetahasseozetov hevōxz Jesus-eva: na Pilateva émetáenó nizeovāzestoz. Eñx-hoéneho na ota exstanomovhōno hevōxz Jesus-eva.

39 Na nhâ exhoéneho mato Nikotemos nah vovōenotto mato zexhōhotot's Jesuseva tāeva na exhoeozzéno zeāstoenez moxšen na ahalomoxšen hea noka matótnóe énexovananóneo.

40 Neš exhestanomovonovo hevōxz Jesuseva na énoemaenanovo voxbemonatō-šeonone honeōno, hen moxéšsz zeoxcetóešezevoss Yotahetaneo ótátohoezevosz.

41 Na nhâ t'sa zeséhóes nhâ eamhaneonitavenanoé hoeo; na nhéo hóeoneva émonaenéo hátohohestoz nheo hovane hetan moxhonoéšzešeenansz.



42 Nheo éénanovhōno Jesuseva mózeheše-  
ñšenāvovetanenē-ešeamat's Yotahetaneo hen  
hátohohestoz exhahanet taneo.

## CHAPTER 20.

1 Zestovovōešēv, maheonešēv eñxhooxzehō  
Mary Magdalene zestameovōnaoz zessoeaeno-  
nittoz, nhen hátohohestov na zévōmoss ohonā  
zehešehassetanet's hátohohestov.

2 Neš estaevhaassetaxehō na enxhōhoétovo-  
hōno Simon Petereva na mato nah zenitāziss  
vovistomosseo, nah Jesus zemehotoss, na eszet-  
tohōno ēšhestōeasseozov Zenithaziss hátoho-  
hestova, na nassaaheneenomovhōnon t'sa zeé-  
nanavoss.

3 Peter neš estanehoxzehōno na mato nah  
zenitasz vovistomosseo na eñxhoénehōno háto-  
hohestovā.

4 Na énišeamemehōehōno na nah nasz vo-  
vistomosseo énov'nó Petereva na évovōehóeó-  
he hátohohestov.

5 Na estatōxehō na estaekō estavōmohōn  
nšeonon zehóneovoziss eēvšén. Na est'saaés  
zne.

6 Neš eñxhōhoeho Petereva na estaeszén  
hátohohestov na évōmo vohomšeone zeēvšena-  
ziss.

7 Na nevhōenestot hemekon zezhešeenaziss.

essaapâevšenahe vokomšeonon zehoneovoziss.  
estaome-aeš-oxboemaō oxs.

8 Neš estaészén hapo nah zenitasz vovisto-  
mosseo nah zevovoehoeōsz hátohohestov, na  
esztetō na eonissyomāta.

9 Na éssaaešheneénoenov maheonmxuistō  
hato zetosheš-t'sē-evha-hesse-ohās nāestovă.

10 Neš vovistomosseon estaevhasseasseho  
estaevhāoxzeo.

11 Oha Mary énhē anóss hátohohestov eax-  
āem: na zénšenavaxans estamacseekōohō háto-  
hohestova.

12 Na estavōmohōn niš hozeon zeheszemē-  
neziss évohomsanehōno exhōehōno nasz zeme-  
hahetaešenat's, na nasz zemehaešehātaenat's Je-  
suseva.

13 Na eszettaehōno, hée, hena zehesstaxa-  
netto? Eszettohōno ešeasseozov nanitāham na  
nassaaheneenomovo t'sa zeenanovoss nahesse-  
axāem.

14 Na nēš zehešezēs estaevhacotaehō na es-  
tavōmohōno Jesuseva énehōno na éssaahene-  
enovoehōno zehešenēhovet's Jesuseva.

15 Jesuseva eszettaehono: hée hena zehess-  
taxanetto? niva zenózeovoz? Hea énanoeveho  
exhovhessetamohōno eszettohōno mánēhovetto  
zehešeassetoxetto niméstomevsz t'sa niēnana  
na nataeasseozeo.



16 Jesuseva eszettaehōno, Mary, Estaeotae-hōno na eszetohōno Rabboni: mó enszenov-hane, Zenithatto zēnenov.

17 Jesuseva eszettaehōno nieševemxane; nat'saaēshenhaoxzevo Niohe: oha tanhaoxzevenan nisson na zetthōno, nataenhaoxzevo Niohe na Ehévo na namaheonam na nimaheonamevo.

18 Mary Magdalene eñxhoéneho na énithótahaovamohono hevovistomosseon zehešeševōmoss Zenitháziss na heto zeeveaázehešzešeēsztōs.

19 Neš hen heto ešēva zexhetoeva zeeševovōešēva maheonešēva na henitōnoz ċnpohanenhōnōz ñheno zémanoēt's hevovistomosseon mó zéehovoss yotahetaneo exhóeoehō Jesus na ésehévenēho sitov na eszettaevohōno hekotomahestoz nivessevāenovo.

20 Na neš zeešezettaevoss évōssaenovhōnoz heázenoz na heszepeōz. Neš hevovistomosseon épavetanohōno zhešeševōmās Zenithasz.

21 Neš Jesus exhossezetttohōno: hekotomahestoz nevessevāenov: tass Niohe zeñxešemeatōs hapo nitanešemeatovazemē.

22 Na neš zeešezēs heto ehomotometovohōno na eszetttohōno, masseaemhahe Maheonemátassoomă.

23 Nohasse nah voston hesthavs zehasseta-

nomevoss zeassetanettoz: na nohasse nah (vostan) hesthavs zetoomanonomovoss zetoomanez.

24 Hotaz Thomas nasz zeótnišess Didymus zeoxcistōsz, éssaavistōeho Jesuseva zexhoeoet's.

25 Na hosz nhe vovistomosseon eszettaehōno naeševōmon Zenithasz. Hotaz eszettaevohōno oha nametatotševéhōxtomovonoz heázenoz na zeamoxzetoz tōneoheonoz na nametaēstano namoešq zeamoxzetto tōneoheonoz na tah nametaesheonaov heszepeoz namessaatoñšeonissyomáta.

26 Na zeešhossenanoxtōenoet's hevovistomosseon exhossemanoēhōno hotoma na Thomas évisthōehō. Neš exhóeoehō Jesus henitōnōz émehanxpohanenhōnōz na ésséhovneho sitov na eszettaevohōno hekotomahestoz nivessevāenovo.

27 Neš eszettohōno Thomaseva nixhoanehá nimoešq na vehōxtoz naázenoz: na nixhoeonaoxz na éseonaoxz nazépeoz na nivetazetano oha onissyometanoz.

28 Na Thomas énostaho na eszettohōno nanitāham na namaheonam.

29 Jesuseva eszettaehōno, Thomas zexhoxetoevōmetto tah nihesseonissyomáta, Ahā nah zeossāvōsanehess na zēñšeonissyomhátass.

30 Na hasto zenitaezeszmatšezistotoz eonissyomneševenoz Jesus evōsseconevo hevovisto-



mosseon zsaanoxneôhanehész heto mxuistoneheva.

31 Oha heto emxeonsz nonópa nszeonissyomátame Jesus zehešvostanevstomanehevs Hehyað Maheo; na maonissyomátass ninēhovhemě nszhesseáenanovo vostanehevestoz hevéhestova.

## CHAPTER 21.

1 Na hóom heto hovaeoz Jesus exhossvōsázetovazehō hevovistomosseoneva nihaneheva Tiberias zeoxcestohez; na ota eszhešvōsázetovazeho.

2 Na ehoemanoēhōno Simon Peter na Thomas Didymus zéoxcestoesz na Nathaniel Cana zehestász Galilee heoeva na hēhyao Zebedee na niš zenitázess hevovistomosseon.

3 Simon Peter eszettohōno, natānomahc. Eszettovhōno, hapo, nstaveoxzemazemenó. Estahassehōno na estataxevon'nehōno semoneva seeya; hene tāeva éssaanhaenóenovo hováe.

4 Hotaz neš zéneešhōvōna Jesus énēhó toxcmápeva: na vovistomosseonō éssaaheneenohe-novo zehešenēhovet's Jesuseva,

5 Neš Jesus eszettohōno, kašgonasz nissaahestámhemě? Hóvahan exhettovhōno.

6 Na eszettaevohōno séáház onó-hoyo heszeamaxesta hesto semoneva na nszemeenenhemé. Na neš moseaházenovo na neš éssaatoñš-

šeševhone-nohenovo onohoyo zehešenōet's noman.

7 Na ota nah vovistomosseono Jesus zeme-hotoss eszettohōno Petereva, niahāne zenithasz. Na neš Simon Peter zénistomons zehešenē-hovet's Zenithaziss eakozēhenazenhōno enomae-hanēszeheho (ēnēmet'xsehō) na estxāñšséahamazeho nihānēva.

8 Na hosz vovistomosseon eñxhoēnehōnō semonsoneva (tot'xkom mo eamoehōvo hea nixa matótno tāehosseoneva) ēneamōenanovo onóhoyo noman zexhōet's.

9 Na zenstohešohōeovoss hoeva ēnvōxtanovo ohóssevhoésta nhâ na noman estaxšenahō, na kókonoyo.

10 Jesuseva eszettaevohōno, niszehozea hosz noman zeešhezeanhaenossē.

11 Simon Peter estaēneo semoneva na ēne-onhoōzzeno onóhoyo nxsetto hoeva eohotomohenahōno momaxenoman matótnoe na nohonō na náhe na nitao zeoxšohāestxevoss onóhoyono eśsaapopooneozehaneheneho.

12 Jesuseva eszettaevohōno, ninās na hēm-sé. Na hovanehō hevovistomosseon eśsaató-zešenóztuheehōno ninēevaeve? exheneenánovo zehešenēhovet's Zenitháziss.

13 Jesus neš eñxhóéneho na exstananō kókonoyo na ēmetono na noman mato vezen.



14 Hetō hezezea énahaonnettoz Jesus zista-toevosázetovaz hevovistomosseon zeevhašeohāes nāestov.

15 Na zeešemessevoss Jesus eszettohōno Simon Petereva, Simon hēhyao Jonas nihēpeme-hoxe zeto zeoxexovmehotáevoss? Eszettohōno, hehe, zenithatto; nihenehena zehešemehotaz. Eszettaehōno óxomōno nag'sāesónam.

16 Exhoszettaehōn zenixaonnettoz, Simon hēhyao Jonas nimehoxé? Eszettohōn héhé, Zenithatto, nihenehena zehešemehotaz. Eszetaehōno, óxomōn nag'sāmo.

17 Eszettaehōno zenahaonnettoz, Simon, hēhyao Jonas nimehoxe? Peter estaeanoveozehō zehešenettās zenahaonnettoz, nimehoxe? Na eszettohōno, Zenithatto nihenehena nitao hovāe, nihenehena zehešemehotaz, Jesuseva eszettaehōno, óxomōnō nag'sāmō.

18 Onissyó, onissyó, nitanhettaz, hane zémonhatto, nioxcetaomeeákozeettaz na nioxcēshass t'sa zistonešetanotto; axe mataešenahetto, nszezeenaehō na zenitasz nszeakozēetta na nszhoozea t'sa zsaanešetanóevoss.

19 Heto exhessezehō éméstomovono hovāe zetosevešenāet's zistossevohóyoevatamanot's Maheon. Na neš zeešeeneēsz heto eszettaehōno, hóeovsz.

20 Neš Peter zistaeotaeóss estavōmohōno

vovistomosseon nah Jesuseva zemehotoziss eñxhoeoevohōno na mato zexhooxsšenaziss hes-zeešēo zexettōevemessestovet's na zeszēs, Zenithatto tassevō nah zeemōxt'tovativata?

21 Petereva zévōmās eszettohōno Jesuseva Zenithatto, na táh zeto hetan zetonitóē?

22 Jesus eszettohōno hevatanešetanotto tonōmász ta mánceevhahoéneeevo tah hetonitókoss hen etova? hóeovsz.

23 Neš estāassetoneo hetozestoz nitāo zehestoevišsonnémazevoss tah zeto vovistomosseo zsaanaháe: na áx Jesus éssaanettoehōno zeto-sešsaanaháes oha mánešetanotto nametonōma ta máne-evha-hoéneeevo hetonitokoss hen etova?

24 Zeto niahāne vovistomosseo zehossesto heto hováeoz na zémxeo heto hovaeoz; na nahenehenomovonon hetostō eonissyometomhestoz.

25 Na hatahanevóz mato hasto zenitaēs hane Jesus zehešévš henéno emxehóe nisthász hea hestanova nitooxz emessaata-estataneoxz naešetan vémxeônhō. Amen.



## LUKE.

### CHAPTER 1.

1 Otā ehastxeo zehešeonissihoxemxeome-  
vóss zénitótahanestov hato hovaeoz zeheševâx-  
senhessonettozész sxsoetto nitovan,

2 Vezén zistóhešehótahaōez nah zémonevo-  
vo-asseneevavōsaness na zexhozeoevomotaness  
homotom,

3 Nañšhessetaomepevazesta zeonitov zeeš-  
hešepevheneenom hato hovaeoz hene zetóeše-  
assenhessonetozész, zetanešepevemxistōvaz,  
hoxta Theophilos;

4 Nonópa nszeonissyomheneéna zexhetome-  
ozész hen hovaeoz zeheševovistomonetto,

5 Zéñšenamaxevéhonevs Hexod Yotaeno,  
nasz maheonhetan, émehánšemaheonhetaneve-  
ho, Zaxaxias exeševéehe, na Abia evessevōno:  
na evistōmohōn Aroneva hestona, Elizabeth.

6 Evotanišepavevostanehévhōn Maheon  
hevetová estōetanotomevosz Maheo hesthoe-  
manistoz na hevovistomossanistoz saaxaatoē-  
taeonevehess.

7 Na éssaahenissonenehehōn t'se Elizabeth  
mxonohenissonsz na zeš neš évotaešeōenáehō-  
no.

8 Na hootova mó zeñšenaēvemómátávoētās  
Maheon hevetovā,

9 Na zeoxcēvešeziss maheonhetan mós-  
taēszéne maheonemhayon zistosseeassôassenis-  
tov.

10 Na zemassomaxemohēohetanevo hestá-  
novā émassohāônatoveneō anossem zeexov eas-  
sôassenistov.

11 Exhōoettoenohon Maheo hestozeon hes-  
zeamaxest exestoemahōehōn zistaxôasenistov.

12 Na mo Zaxaxias zistavōmōss estataeôze-  
tanooze.

13 Na hozeon eszettaehōn, nivēetóta Zax-  
axias: zexhāoenatto ešenistomon, na nszhéem  
Elizabeth zetahenisson, na zetaeševehe John.

14 Na nszehevoešetanoxtov na nszehepave-  
tanoxtov na hāsto zetavoešetanov mātosshesta-  
ot's.

15 Zemahaemanha Maheono, na zeoxkssaa-  
emane ópaehemenemáp na mato zehāenoez, na  
Maheonemátassooma zevessevā zetóešhōs ho-  
tóma.

16 Enahāsto hekašgonam Išxael zhoxszneho  
Zenithaziss hemaheonamevo hevetovā.

17 Na zetavovoeotto hemátassooma na hes-  
tāatamahestova Eliaseva zetaenomovonoz hesz-  
tahevoz zehehestovess henissonevo na hoana-  
hetaneo heszheneenovastov zexanovaziss ze-



nonotoano vostano zeexaotovozz Zenitháziss.

18 Na Zaxaxias eszettohōn hozeon, nãze-toñšheneéna heto? naešemaaciseheve na naz-héem eešeenae!

19 Na hozeon eszettaehōn, nanēhov Gabxiel zeoxcenhētovo Maheon, na nanszhešenéenahe zeñšeēs'z'tovaz na zeñšemestomevaz heto pavhostō.

20 Na ota nszaanótovanszé, nszaatoñšeoxcēszé tae eševa mxhónesso heto zehetótáaovaz, zehešsaonissyomátahetto zeomestomevaz zetošohess tonexoveva.

21 Na móñšekanometonōme voston Zaxaxias, hena ez zhesseheéoxto ss maheonmhayon exhessetameō.

22 Na zeñxhōéns essaatoñšeēsztovohōno: hovae moevōxto hotóma exhessetamehō, na nassaanótovensze exettonhō.

23 Na zehešeevematoētās estaevhāoxzeho.

24 Na neš motonexoveva Elizabeth heszhéem estassehosse essaazeševešhonehenhon noho ešieeho eszeho,

25 Ota etahāne Zenithasz zehešetovās eševa hene zévehōmas zehassetano natanetanoxtoz hetanistovå.

26 Na zenassótaoneziss ešieho monevhazešeneenahe hozeo Gabxiel zémāenov Galileeno Nazaxéth eševehettóneo,

27 Zeheehevšz estosevistōmohōn hetano Jōseph exeševeehōn, David zešhiessemanaoss; zeheehevšz Mary exeševeehō.

28 Zeto hozeon exhōoettoehōn: nohetóta ze hāehotóatamanetto Maheon nivesseva, ahā nihessetamahe héeo zeoxšenōevoss.

29 Na zévōmōss mostaeôzetanozetomovó zeheehevšz henovaez zevessenhēs mxhessetamōvo.

30 Na zeto hozeon niveētóta Mary moxettaevo Maheon ninxhotoataman.

31 Ota nszhosse na mxhestazene nēhya, Jesus nszevehestonaovō.

32 Zetamaxevostanéheve na Hēhya Zenanosshépatamasz zeoxcisto, Maheono zemetae hesthoestoz David hēhyo.

33 Na zetanithātomov hemhanastoz Jacob henithastoz zsaazešeenettanehez.

34 Na moszettôvo Mary hozeon emetoñšenhesso heva nassaaheneenovo hetan?

35 Na moevhazettaevo, maheonmátassooma nszhôhotta na hesthohātamaestoz zenanossohātamaeziss tass nszoveoaō: na zeto zetosseaneozetto zetoshestāozz Hēhya Maheo zeoxcisto.

36 Na ota nimē Elizabeth ešhosse zeoxcešēseenass: etaešenassótxo zemehaessaoxchenissonēs.



37 Hovae emessaanozetanotônoss Maheono.

38 Na mó Mary: ota zenithasz, na ota nive-homsz hestozeon tómenhessonehá heto zehešet-to. Na zeto zehozeonevsz moneš estaevhasse-hō.

39 Na tonexoveva zeto Mary mostahoxze zémaostovet's Yotaeno.

40 Na zistaēsznevöss hemhayon Zaxaxias emehostaaxatōevo Elizabeth.

41 Na mozenistōs hemeo zistavovónešeēsz-tovoss mešievot hotoma estomkaaxeho; na Elizabeth tass moēszoevo Maheonmátassooma.

42 Na mostatamahaeēsze, eszeo, zenocenanossepevatamanetto heestová, zepevatamen zettosshenissonetovo.

43 Na t'sa nañxhessenhessetamanemass hesc nanithāam zetosešenhaoxzevás?

44 Na ota niēszestoz nitatomešenistomon eonissyomekaax hotóma mešievot, zépavetanooz eñxettaehōno hemeo Mary.

45 Na ahā zeonissyomátaz zettosshessoz zenēsztomoesz Maheono.

46 Na Mary eszeho: namátassooma emahaatamo Zenitháziss,

47 Na namátassooma eševesepevetanonotto Maheo, navostanevstomane.

48 Enanossšivatamo zeoxtanoatamaeziss hee-

hesthoze: ota neš tazetā nitao manhestanov na-  
zeoxcepavootan.

49 Zeohāatamāesz. nanēšivatama emaheon  
hevēhestoz.

50 Na hešivaztastoz ehoneoz nah zēātōes  
nhe manhestanov tâss mhanhestanov.

51 Eševōstoman zevešohātama heāzeneva;  
ēšheneno zemenoneziss zetaomeametaneziss  
hesztahevo.

52 Eoxcevovonemanhó zemehaahāeziss eox-  
cemahaemanhó zevovonaziss.

53 Eoxcenassoenato zehāyanaziss, otaxa eox-  
cehasseneenāno zehāovaziss.

54 Eoxcevistāmo hekašgonam Isxael, eoxce-  
vatametovo.

55 Zehešeešeēsztoess zehehezēĕ, Abraham  
na hemanhastoz niszetāe.

56 Na Mary moñševisthōmevo hēme nahe  
ešeéo, na neš mostaevhaoxz.

57 Na Elizabeth zevâsshonexovez zetoseše-  
ans' na eānehō exhetanevhōénehō.

58 Na hévhoestotō na hevis'son zénistomon-  
et's Zenithāeziss zeheššivatamāes; émassopeve-  
tanomovomotāehōn.

59 Na zénxhonexov zematótaonetto eš exho-  
héevxtanenešhō kašgon; Zaxaxias exeševeovhōn,  
énoeveonovhōn hēhyo.

60 Na noxa hovahan hesc moxehevo John



zetāševe, moxettāévo.

61 Na eszettōhōn hovaneo hevoestotō essaa-zešeneševeecho.

62 Na estanóztavhōmamovhōnō hēhyo, zeta-toñševe?

63 Na évēstano taoxistonstoz na ěmxeoehō John enahan hevehestoz.

64 Na hesz estataenenezeneo seeya na hev-itanov eš-šešéozezeno na eēszeho na évovónešennettōhōn Maheono.

65 Na nitao tass ěnmassó-ěátoestovstoeno na nitao ěmassoheneenoenezeheno nitao zehe-tāomao zestataxq Yotaeno.

66 Na nitao zehetanistomonstov tass mazta-heva mōntovomátoane, hovae kašgonász zeto, mxešetanonovanhé, tass moneevazāevo Maheono.

67 Na Zaxaxias hēhyo moneēszeovahezenotto maheonemátassooma na eszhešemomōataesze-ho:

68 Ahā Maheo hemaheonamevo Išxael ze-hešhōhottaes na eševostanevho hevoštanemo.

69 Tass niešemetaenon vostanevstomanestoz zehestonessoz hemanhastovā hesthozeon David.

70 Zehešeēsztossanet's hestozeonō maheonhetaneo nista zēnmonhestanovez.

71 Vostanevázistoz zexhessensetamaezēe.

72 Zexeneševs šivaztastoz zévistomōet's zehehezēē, na zémeetanotto hemomātaoemanistoz.

73 Vestomōhanestoz zevestomōanovoss zehehez Abrahamēva.

74 Zistossemetaez vostanevazestoz zexhes-sensetamanez nonópa nszmehozeoevomotân, saaetoxtastovstōhez.

75 Nimemomātaetovon'ss na nimexanovevostanehevetovon'ss nitao ešiensz zevostanehevez.

76 Na ninēhov kasgon zenitáeozeonevsz zevâshêpâsz hevetov na nstāamén maéto zehetaens zenithasz na nszevovetanomovō hemeo:

77 Hevostanemo zistossemeenomeooz vostanevazistoz zešhiesso vonanomevazistovâ hesthavsevevoz.

78 Hešivaztastovâ nimaheonaman tass zémonhessemeéns ešieē heama niēsenešehôottaen.

79 Na tass mometô zevónittoz zenāevstassoveziss zeaenónittoz, zemevešhesseneevaozaev-oz zémeoneva hekotomavostanehevestoz.

80 Na zeto kašgon, mostañšeeše na mostamaxekonae mâtassoomaeva na toxtó moñšēvhae táe tó ešēva zeassevōsázetovazz Išxael heveto-va.

## CHAPTER 2.

1 Na eñxhossesshóneō nistaomehetan Zēsax Augustus eszethoemaneho nitao hestanovâ es-



tosseenanomótastoveneõ.

2 Na heto enanomótastoz émoneassenhess-hõneo zẽñšenanithās Syria Cyrene.

3 Na estamassóenanomótastoveneo soss zex-hestastov.

4 Na hapo Joseph mōstaoxze Galileeno zev-hestamovs Nazaxeth exeševethetozéneo, zis-taoxz mostaoxze hoe Yotaheno zehéstoetś hesz-hestanovstóva héhevo Davideva Bethlehem ex-eševethetozene.

5 Zistavèsseenanomótõ moveoxzemoevo Maryeva hészhéem eñšenahosseehõn.

6 Na zehéehoévoss nhāno eaxzenesthõše-amhávo.

7 Na zexhestazenotomoenoxzetto exhetanev-hõn, na zeheševešemāénoss móstaxeenanevo mohénoham zeoxcevešemesset's moeezeozevó oxovistavamháyon t'sa mxonohóevõz.

8 Na nhāno toxtõ g'sa hetaneo zeoxceneev-avõmóss g'san.

9 Na ota hestozeon Zenitháziss mōñxhōoc-tōevovo na hevohóyoevatamahestoz Zẽnithāsz évohóyoēnovo na émaxētótayhõno.

10. Niveētótaheme eñsettaevóhõno zehoze-oneveziss: ota nihoemetazenov pavhostõ ze-vešepevetanoxtov nitao hestanestoz zetoshesso.

11 Hiz ešēva ešhesta hemaostová David zevostanevstomansz Christ, Zenithász.

12 Na heto nszešheneénovovõ, nszemeovovõ meševoz mohénoham zeoxcevešemesset's zeneevasseš zoxboemáen.

13 Na hootova eséhov-hoxsetanaehõn hozeonõ maxohāsto zexhestaess heamā maheonenotxisstonstovā, eszheševovéovhõn Maheo:

14 Vohóyoevatamanehā Maheo zenochāheamasz, hekotomatonehā hoeva, na pevotšetanotanehā histaneo hevetovevo.

15 Na neš zistaešēvhataeovanéhevoss heama hozeono, na heto tāxa nitazeoxzhemā Bethlehem, nitaheneenanon heto Zenithāsz zemēstomoez exettazehõn nonameto gsanhpaovameheo.

16 Na zistaešhōoevóss estameoovhõno Maryeva na mato Josepheva, na meševoz ešeešenaho mohénoham zeoxcevešemesset's.

17 Na zeheševōmovóss, nitao émassonitótahanehõn zehešenistamestomōevóss zeto kašgon.

18 Na zehetanistomonevóss zeto zehetótanet's g'san hetaneo, exotōetaztanovo henistomonstovévo.

19 Na mó Mary nitao zéevenovet's moxhekonenano heszhestaheva.

20 Na zeto g'sanhpaovameheo exhetotapevootovhõnõ Maheono zévōxtomevoss na zehešenistanistomonevoss zešhetótahaōevoss.

21 Na neš zehešenanótōen eš zeéevxtane-



nēšs kašgon zeōssevēs Jesus exeševehestonaoe-  
hō zenistamez hako zssaaēshōes hotoma.

22 Na neš zehešenhastóenoet's Moše zexehe-  
toemansz zeoxcešhoxevovetanazevōss eñxhoo-  
zovhōn Yexušalemo Maheono hevetov zistose-  
vōsázetovot's.

23 Na zehešenetxeo hesthoemanistov Zenit-  
hász, nistoxsz zehetanevsz zetataeno matoñš  
zeoxcemaheonanonehesto hevetov Zenithász.

24 Na mó eoxcemeatovevo na oxceostōne-  
hevevo zetohestovevoss nokov hemeneo na  
matheva niš hemensoneo.

25 Na ota Yexušalemo évhestanovhōn nasz  
hetan Simeon exeševeeho, estapavexanovevos-  
tanehevho na émomâtaeho, tass mónszevata-  
mevo zévovoešemazistov Išrael na Maheone-  
mátassooma mxhōottaevo.

26 Na moešenistamestomōevo Maheonemá-  
tassóoma zemessaaēšzeševoxto náestoz zeheš-  
saavōmoevo Zenithasz heXrist.

27 Na zeñxezet's mátassoomaeva maheon-  
emhayon monešetanotohe na heneome zéneē-  
seozās kašgon Jesus zeoxcešemomátavetōevōss  
kašgon mónhestavoss.

28 Na móstassevaenāvo heázeneva, mozist-  
haônatoevōss Maheon eszehō,

29 Zenithátto, neš nsthozeon nšhekozeasse-  
ozehā zetohešo niēszestoz.

30 Naeševeševōxta naexansz nivostanevstomanistoz.

31 Zeheševovetanom zehetaehevoss nitao hestaneo.

32 Zevonitto zeveševonáoevōss hestaneo zevešepevatamanetavōss nivostanemo Išrael.

33 Joseph na hesc móotōstaztônovο zehet's maakssé.

34 Na Simeon movovónešeēszto vōvo mós-zettōvo Maryeva hesc, otā zeto kašgon, tass zextavaoss zeēvhaveseohanov tass eneevat'seoanistov nitaoz zeōxninistohe.

35 Na otā xovатов oomezhōv nitooxz má-tassooma, hapo nonópa máñšetanoxtotoz haestó maztaheva zhessevešehotxanensz.

36 Na mato momávhestanove ovanhehée Anna móxeševeeho, Phanuel héstona moešemaxeenaehē nā óha nisótoyā émonéhame.

37 Nanótnóeyā ótniveyā mootxaeheve nāno maheonemhayon moxonoxczešeasseoxz.

38 Móvezeno éneeszné (zeñšenaesseozesz Jesuseva) na hapo moñšepahaônato voevo Zenitháziss na moñšetotoxemoevo tass zehetavóstanevaotanot's zeēszto vōss nheno zeeváziss Yexušalemo.

39 Na zeheševaxtoētavoss zeoxchešhoemanistov Zenitász móstavhazešhooxzevo hestoevo Galilee, na hemhâstovstov Nazareth.



40 Na kašgon móstañšeešehe, móstamax-hekonstáhae mostakönheneénovahe, na Maheon hemehosshotoastoz mómetāhe.

41 Nistoa noceyā heneomeo estaoxcevéshooxzevo zeoxcemaxemessenovez Yexušalemo.

42 Na zehešeòtnišeyānāmoss móstazeševéazem Yexušalemo zémaxemessestóvez.

43 Na mó zehešenistōenoz zeoxcešenemessevöss zistaevhahoxzevöss Jesus móšešepapóneho Yexušalemo. Na heneomeo moxhónohe-neenōsz zehešsetōs.

44 Hea eševeáz moxhōvhessetamahevo noka ešēva móstañševeázistovháne, na hevohestot moest'sxsoenoxzeōehevo.

45 Na zsaameovoevoss móstaevhazešenoxzeovevovo Yexušalem.

46 Nā zenaonettoz heš émeovhōn Maheon-emhayon eñsenahoehō sitov zexhoet's mahe-onhetaneo eaátovohōno na mato eoxcenóztovohōno.

47 Na zehetaeaátōes exohāztozeno heszheneenovastoz na henóstastoz.

48 Na zévōmās heneomeo examaohāetanoozehōn: na eszettaehōn hesceva; nāha, hena zehessenešetovemenotto? otā éyo na nanēhov nitanózeovazemenoxcanovetanomazesz.

49 Ta na zevovonhéssnózéovéss? Mónovahónoheneénomass zehešneševetto Nihoe hetšezistoz.

50 Na moxónoheneénomovovoz zehessenet-tāevoss.

51 Na móstahasseveoxzemevō na móstae-hoxzevo zexhestaevoss Nazareth na moñševes-semôvo na nitao heto zēvhessoz hesztaheva moxekoneenanoze hesc.

52 Na Jesus móstâsseassheneénovahe na mato móstasseassešēhé na mómehosshotoahe hestanov.

### CHAPTER 3.

1 Vezeno moxótnohoneyānoehaneze zeñšē-namaxevehonevś Tiberias Zēsax, na Pontius Pilate, mó nitāe Hexod Galilee, na hevisson Philipeva, mó nitāevo Ituraheno na nhenó t'sa Traxonitis, na Lysaniass zenithasz Abilene.

2 Na Annas na Caiphas momaheonhetanevevo, Maheono heēszestoz tass exhôoetovo John hēhya Zaxaxias tohově.

3 Na moñxhoéné nitao zehetaomao áe Jordaneohe estatoxstáno eōstāhestoz zévešeanove-tanoxtov havs, zéveševonanomevazistov havse-voētastotoz.

4 Nista zehešenetxeo heēszestoz Esaias ovhanhe eszeho, henistōestoz nasz zemaxehahesz tohově,

5 Nistāsz otomeoēs zehotomoenansz, na nitao ohonaeva na esshéomē zetoxtononsz na zevovók zetaxanovan, zetotahoposz zhoxea-nensz.



6 Na nitao mavōxz zevōxta hevostanevstomanistoz Maheo.

7 Na eszettohōn zemassóhátanevonhéziss zeheōstāheziss, šišinovož hevstanéhaz, niva zevenoovevamāss venootanom hāstahátoz zeñxhoénetto?

8 Nehozesz ota menamoz zemevešhessanōvetanoxtov havs, na niveeaszhemě tāma hotóma, Abraham nahehenon; ota ninettazemě, heto ohonaeo Maheono emevešenótovementhāotōe Abraham kašgoneo.

9 Na ota mato hoxq ēenane zexhesseohónevevoss nistoxs hōxzetto: ota nistoxs hōxzz zsaa-pevemenamēsš zenohónohōsz, eoxceavōe hoxqxeva eoxcséahame hoestav.

10 Ta nazetoñševostanehevhemě mīxettāevo zeto zēmassohoeāstahezesso.

11 Na eszettohōn zenīšeheszehenazz ónenóhā nah saaheszehenoveziss na mato zehāessenesz meneová.

12 Na mato eñxhoén ēōstānetanóhōn ma, kaetāmoheneneheo, zeoxchovozess makaetanszhapó nametoñševóstanehevhemě exettaehōno?

13 Nivehéphestananovo hováe, óha zetohe-tāvēstomonēss exettohōn.

14 Na mato notxéo monešenóztōevó, na hapo nazetoñševostanehevhemě, na eszettohōn, nszevemomátaehéovo voston na mat havseva

niveehāstomoheetonovō na oxcekozetanom ni-oxcemakaetaemevo,

15 Na nitao vostano zeš zehešenótovetano-nāoevoss mózeōhatamovōss Johneva vozeonovsz Christ, móeonhestāsz moxhessetamovōvo.

16 Na moszettōvo nistxuit's, nivešeōstāzenov otā máp; nasz hépeohātamāsz eneameoxz vohe zevešetōet's nassaahoxtamistomovō zemehešeonehanomovo: nszevešeōstāenovo Maheon mátassoomaeva na hoestava.

17 Tass zeonissovano ben'noyo na zevešto-moátoz, zepavhoxeano mhayo nhenzo zeetoea bennoyo, na hestōmoz zevonohanoz hoostav zsaaenoassehanehez.

18 Na mat hāst hovāe móstotoxstomevōe zehēsztovoss vostano.

19 Hexodes zevehonevsz mōzistotoxstomōsz hevétam zévistōmōss Hexodiaseva hevišson Philipeva heszheém na mato moēmaenonitoevo zeoxcēvešhataavsevōetaz.

20 Na heto mozēvetās exezeváhessezestahamoevo John aenonemhayon.

21 Na nitao mōvóstaneo zeōstāevoss na ex-honhesso Jesus zeheševešeōstas na zexešhaônś voe esséhoveonstaozemen.

22 Na Maheonmátassooma eñxmeeanhôhaoeho tass hemen exestaho énehoešetōehōn na



énmeészeo voeva énszeho, ninēhov zemehotaz nāhá zeveševoešetanonotto.

23 Na Jesus mozeš ešenanóeyānam hēhya Joseph moxchessetáme tass hēhya Eli etc. etc.

#### CHAPTER 4.

1 Na Jesus zehešeñšanhohôotās Maheon-mátassooma mostavhasseasse Jordaneohe mostaneevazaevo zeto mátassooma tohovê.

2 Nivó eš zeavōnś movonhoaōevo Eavoeva. Na zehešenivoenoez neš mostahāeyana.

3 Na Eavoeva moszettaevo: taxa onissyom-hehyaetovata Maheo, zeto ohona kókonoyo niveozehā.

4 Na Jesus moszettôvo: enetxeoé, voston emessaanôchessevešvostaneheve nínokaet's kókonoyo emeveševostanehevenoss Maheono he-ēszestoz.

5 Na Eavoeva mósthassezeozāevo ziszeoeomenoz mómaevōsshæ zehestohestanovet's see-toeš mavōseonev kassetto.

6 Na Eavoeva móssettaévo, nitao heto ohā-tamahestoz stametaz na zévohóyoevatamahestov nitao nat'sēmāēāenā na nohasse nivāsz namemeto.

7 Mañxhaônatoetto nitao nstamāēāena.

8 Na Jesus mószettôvo, házz, tanhoozz Satan et'sēzetxeo namxistōneheva oha nínokāes nszeoxchāôanatovô Zenithász nimaheonam oha

ninokāes nszemomátavoētaetovō.

9 Moneš estassezeozāevo Yexušalemeno estaohaonehōn hekamōnhōon zeheškseoez maheonemhayon na móesztettāevo taxa onissyomhehyaetovata Maheo zeothasseanahamazz.

10 Et'sēnetxoe nszenmetanotto hesthozeon na nszemoenoōezenotto.

11 Na nszevhónenāe nszeoxeahaneoxseš toneš, nszeoxepēvóyaz nszeq taxetto ohonaeva.

12 Na Jesus mószettôvo ota ezenov: nszaavonhoaovoevo havseveva Zenithasz nimaheonam.

13 Na Eavo zehešeēvenevonhóavōss havseveva Jesuseva móstanootôvo.

14 Na Jesus móstavhasse Galilee zehešeēšekonās mátassooma na móstamaxemahenehenōehe nitaoz.

15 Na maheonemhayon zevovistomossansz mómápevatámhe.

16 Na moñxhosshoéne Nazareth zexhesseēšes na zehešeneševostanehevsz eštaénsze maheonemhayon maheoneševa na monehoveo zistosseēs.

17 Na mómeze hemxuisto Yešáo ovhanhe na zistatataeno móstaméenó zeszetxeoz,

18 Hemátassooma Zenitháziss navessevaezenotto nanszenešemeatova zistossevovistomevamo pavhostō stamenōeo, nānnešemeatová zis-



tossēvhavostanevōn zeōxstáhass, zistossetotoxstomevon šexaneozistoz momōono, na zistossevhatohessóno zeóóeness, zistossevhaoanozemanhōn zehāstaz heôzetanoxtovevo.

19 Zistosshóstomovoss zemátatamez heyāenam Zenithasz.

20 Na zeeševhahápan mxisto moevhameto maheonehetan na moevhamstō na nitao zeto-hetāehoet's hotoma maheonemhayon mómāvehōmaevo.

21 Na zeasseēsztovoss móssettôvó heto ešēva ehóenhesso nivōxtanov zeoxcenistomoness.

22 Na momāonissyomátōevo, na moxohāstoze zehešepevaet's heēszestoz: māsseo-zhovsz Joseph hēhyao ešehōno.

23 Na eszettaehōno, ota nszenetózešeme heto avavoanistoz, nāetane, tāomevostanevazz: zeēvetohetanistomonez zehešeevenov Kapexnahom néševsz tama nsthóeva.

24 Na eszeho onissyō ota nizettázeme, t'sa essaaonissyommasseztóe ovhanhe tama hesthóeva.

25 Na etómestoz nitamestomevazenov éñsehānoéhōn otxaeheo sxseno Išxael zeñšenavostanehevs Elias, voe zén'poanē nāhe yāē na nasót ešeheo zémaxeponhāostoveneo nitao zeoxtotāomaho.

26 Estsaaxamāahešenenaheehō Elias mó óhà

Sarepta zémahanovez náno zevhestanovezess otxāheo.

27 Na móñšhānōehevo zehōevess hétaneo zēñšēnavóstanehevs Elisha ovhanhe, na hovane moxonohoxeansz oha nínokaēs Naeman nasz Syrian mónochoxeane.

28 Na zetohetaehoevöss maheonemhayon heto zénistomonettonevoss hótahēo émassomomátaeozehōn.

29 Na mómassoháevo na móstahōéozoeovo móstaeozoeovovo zexhoaētaz hene zistoma-oevoss mó nhen estoshesseanhahamôvovo.

30 Na zémehaetossešēanhahamovoss móstavaeasse essaatoneoetonevōn.

31 Na moñxhoéne Kapexnahom zémāstov Galilee na mó nhen eoxchossevovistomevō maheonešēvezehēs.

32 Na nitao moxhātamehanezé zeheševovistomossanś na heēszestoz móstahekonohanezé.

33 Na énhēho maheonemhayon hetan móvistōhe zehoneōs masshanemátassooma na émaxemahaēszehe eszettaehōn.

34 Nínizeovemenó: nimetoñšēvessevazemenó, ninēhov Jesus zexhestátto Nazareth? Mó niñxhoenitóenaxemenó? nihenehenovaz zexhestátto ninēhov Maheo Hēhya.

35 Na Jesus móstaveoetôvo, hekotōsz nixhōénevehā estáttohōno. Na nhe zevešemassa-



neēs móstxamaavahamaevo sitov na mónosse-  
nootāevo moxonotoñšeonñsehāsz.

36 Na mómassohāetanozenohane otā heto  
henovaes hótaheo hovāe tass zehešemanithatto:  
zeto zehavsevazess mátassooma zexhōénēenā-  
noss zehešeamatōs?

37 Na émaxēvenoveneo tatāho nitāoz nhen  
hōeva.

38 Na eohāeho exhōénehō maheonemhayon,  
na estaēszéneō Semonoss hemhayon. Na Sē-  
monoss heszheem hesc émaxenšhoéhōn. Na  
évešhesseonōmovhōnō zeñšhóet's.

39 Na énehōmohōno na évehōstomevóno  
nšhoestoz na estñšenensóehō. Na estoñšeónie-  
ohāeho na eassezetanomoevohōn.

40 Tass xaosset ešiehe zistataénet's na nitao  
zehetaehóyotāetoss ananoēeziss exhoeoztóme-  
vóvhōno na énanóhōno nistxuit's éneševostane-  
vohōno.

41 Na nissimōn mato hāesto exhessenhaehō-  
no émaxehaehōno, niahane Jesus Krist Hēhya  
Maheo. Na éveostomevonhōn hemátassoo-  
mavo zemasseneeziss essaaevhanszehō zeheš-  
henéénōet's Xristeva.

42 Na zexhosseeševéz ehasséhō na estazé-  
znehó tohóvê: na vostonestoz énoxzevōmaeno  
na exhôotaehōno, na exhoenittaehōno tass  
cmessaanonaxenohoxzehenotto.

43 Na eszettohōno: natoseešokotaheóstomovo heszhestanov Maheo eonitavstan. Nat'sehessemeaton.

44 Na émaheoneeszeho maheonemhayon nāno Galileeno.

## CHAPTER 5.

1 Na exhonesshóneo tass vostonestoz exhoxoahóeno zeátomonettanot's heomotom Maheoneva éneho toxea nihāneeva Gennesaxet.

2 Na évōxtanonož niš semonož estoḡhostazenhonož nihaneeva: oha exhōvaneehono onohoneheo na eñšenanšeanovhōn heonohoyonevo.

3 Estataxevónitano nasz sem, zeaenottoss Simon na koma evohēs otatšsehoeoz hoeva exhettohōn. Na exhamstoehō, na exhestoēsztano vostonestoz semoneva.

4 Neš zehešeeneēsz eszettohōno Simoneva, séhoeszz zexaota na taheonóhensz nokahoasseoneva.

5 Na Simonoss énōstovohōno eszettohōno, Zenithatto naešeonohenhemě tae zeoxéesso na hovāe nassaahoazehenon, ċvoxbonetto zénetto natañšeonhōn.

6 Na heto zeszschezevoss énaónovhōn ohāstno nomán: na heonoho yonevó eoxeozehōn.

7 Na eštovovhōn hevistahosseonevó zetahoettozess nasz sém zenitaez eonōmovhōn na



exohōszehon, na evistamavohōno. Na nínixazehesz eohotomoenozenvhōnoz neš estomeassezevoeozezenvhōnoz.

8 Simonoss Peter zistavoxto enstanivaenotovohon Jesuseva eēszeho: tanhooxsz nahavsevoētaeoneve Zenithátto Maheo.

9 Na exohāztáno' na mato zehetaeveoxzemaes noka hóasseoneva noman zehestohestanovoss.

10 Na mato vézeno James na John hēhya Zebedee evéstahosséon Simonoss. Na Jesus eszettōhōno Simoneva, nivehépoyoz: tazetā nstaoxceoamō vostaneo:

11 Na zistaeševhahoenovhōeomevoss hessémonevoz hóeva, ènitaehossonénehōno na éneheovovhōno.

12 Na énhessónéo zistataehoéns manhastovota évhistanovho oxoesseozé: zévōmaes Jesus emxenšenahōn hóeva na évēstomevohōno exettōhōno, Zenithátto tose mänešetovetto nszeeshoxeane.

13 Na estastanohono na emxanohono na ēszeho: nat'seešetovaz nstahoxeáhe! Na exónienootāehōno maxoesseozevanehé.

14 Na nstaveeshótahaovo vostan: óha tahōxzeo na vōssóno etov matóva na nszenomoxto-meo zevešhoxeátto, tass vešenešezeo Moše hesthoemaneva nonópa zheneénovayo.

15 Ovoxbonetto eñšhossemeō tatāho hené-eváestova Jesus; na nítāo vostano émoheeoxyzehōn zhešeahátomonettoss na zestosevostanevevoss hetotonstaxtovo.

16 Na estahoéneho nīnocevetovas tohovē na exhaōnaō.

17 Na exhōstazeneo eš zeñšenavovistomos-sanś, heva movisthoeho Phariseehetaneo na hoemaneo zehestaess taeto zemomenōestova Galilee na Yotaheno na Yexušalem: na hestohātamaestoz Zenithāziss éveoxzemāenox zeto-seveševostanevevōss.

18 Na ota eñxhoeozeho hetan énanheho šešistova: na énoxzevoxtanovo eméešeēseozovoss na emeešešemovoss zehetaes.

19 Na t'sa zsaatoñš-hessnonaxeēseozohevoss zešhōszetaovazistovez, ehéevonénehōnō, zešepaonetoz mhayo na héama ešthasseanhostone-anovhōno šešistova tohōvetto zehetaet's Jesus-eva.

20 Na zévoxtomovoss heonissyomátovo, eszettōhōno, hetan nsthavs nieševonanomevan.

21 Na mxistoneo na Pharisee-hetaneo easseōhatamāehōn nivā zeto zeevetōezistomansz? nivā emeheševonan havs oha Maheo nínokaes?

22 Tass Jesus zistass hēneénomovoss hetšetanoxtovevoz enostōvōhōn eszettōhōn henova heto zemōseōhaztomass?



23 Na moeohossohamhéanato ozenov, ns-tavsevōetastotoz zetavonanensz; matheva ozenov, ohász na taaménsz?

24 Nstassheneenovovo zehēhyaheovsz hetan ehestohātamaestov heto hoeva zeoxcevonan havs (eszettohōno zevešāmoxtaziss nanhéstov) nitānhettaz, ohász, na hestánoz nišešistoz na tašhooxzz nimhayon.

25 Na exhōnieohāehō émahōmeho na exhes-tanano zeveštaxsēs na estāshóoxzeō tama hemhayon eamevoveovhōn Maheoneva.

26 Nistxevoss exohāztanō na evoešetanoovhōn Maheoneva na emaxohāépotanohōn énešeszeo, xamastóe hovaeoz nivōxtanonsz hizeševa.

27 Na zehešeenezhessoz heto hovaeoz ehasseho, na exhôhotōn hetano Levi ešeševeehōn oocemakaeta hetan eñšenameaveoēhahetohehō na énettóhōn hoeovsz!

28 Na nitao énitæhossonéneho eohāeho na exhôhothōn.

29 Na Levieva émaxemessesāehōn tama hemhayon na exohānoehōn oocemakaetāhetaneo na zeonitass, évesseananovhōn.

30 Otā mxistoneo na Pharisee-hetaneo neš exhessetamozenohōn hevovistomosseo Jesus eszehōn: henaet's zehessevesseanamoss na zehessevestsešemoss oocemakaeta-hetaneo na havsevoētaeo exettohōn?

31 Na Jesus énostovohōn, zehetaessahāmoxtahess essaanoxzevatamoheo nāetano; óha zehetahāmoxtass enoxzevatamo nāetano exettohōno.

32 Nassaahesshoéne zhešeonōmo toxetanoeo onitáz hatavsevoētaeono zistossevovetanevoss.

33 Na ezetovovhōn xhenaet's zeoxchesseohāavōnāzevoss hevovistomosseon John na zeoxcešhāoenavoss, tass hapo vezeno hevovistomosseon Phariseehetaneo na otā zeoxcešemessevoss na zeoxcešemanevoss nivovistomosseon?

34 Na eszettohōn: emetoñše-avōnesesto hevōestovevo zevisthōmeziss, zēñšenaveoxzemaevoss zetosenoeveziss?

35 Otā ešiensz zhōstanettonsz zešehassetanomóevoss zetosenóeveziss, na neš hene ešiensz zevešeavōnazenovoz.

36 Mato ešxoomaeveš-hesse-nitāenovō hovāe: hovane voston emessaataxe-paonotōo zémonaez eszehen zehešemavaeziss: heva zemonasz emetaoxaomoe; zemonasz na zehešemasz essaase-heozeheo.

37 Na hovane voston emessaaēshénonohe heotxemanoveozeva zemonaez hópāehemenemáp: mo ná zemonā hópāehemenemáp emetsa-a-eōxeo-hāossanettan na emešecoz: na emano-veotoz emehessevoneozensz.

38 Oha emeešokoēshenen zemonā hópāehe-



menemáp zemonā emanoeveotoz, na nínisshova zekoneaen.

39 Hovane voston mato óniēmaneoze nista hópāehemenemáp séeya emessaahóa zemonāez: ehesevō, nista hópāehemenemáp eossohamepeva.

## CHAPTER 6.

1 Na enhesshóneō hossemaheoneševa esxsoeneho penoyohoeoneva, na hevovistomosseon épooēssénozenohōnoz [pen'oyo eōenanovhōnoz na emessenovhonoz.

2 Na hosz Pharisee-hetaneo eszettāevóhōn, hena heto zeheszetaneness tosē zsaaveštoñševenovan maheonešensz?

3 Na Jesus enostovohōn, móhenozešheneénovōss David zehešeeševs, tass zexhāeanas na zeveoxzemās?

4 Estatōñšeešeēszénēs maheonemhayon, na zheššhestanō na zheššemess heszeneonoz na ahas zheššeoxtomovōss zeveoxzemās, zessaamehaméstovanehez tosē oha zeoxcénocemesseziss mātova?

5 Na eszettāevohōn, zehēhyahtōsz hetan mato nithoemane maxemaheonešēva.

6 Na ahas exhossezezshóneō zistahossemaheoneševe zistašēszéns maheonmhayon, na évovistomossan na vezen évisthohō hetan énašso-meázenáho heszeamaxesto.

7 Na mxistoneo na Pharisee-hetaneo énee-vavōmaeho, taxa héva zeotanšvostanevstomansz maheonešēva; estaonaxevešemomaxemovo.

8 Oha eešenšsóheneenomovonhōn zehesse-tamās na eszettohōn hetano nanhé zešenasso-meázenaziss, ohāsz na nīmothōosz taxta. Na eohāeho na émotōehō.

9 Neš Jesuseva eszettaevohōno, Nasz hovāe nītanóztovazenov, mo enhastone maheoneševa zevešpavoētanov na matheva zevešhavsevoētanov? zévostaneve vostanehevestoz na mó zis-tatoñšetto?

10 Na estoxevehomohōn nistxuit's eszettohōn nhe hetano, sépeonáo! na énešezehō na estótaestovévhanexoveonaho tass zehessoz ox heáz.

11 Na emaxāstahaozehōn na exhoemanehōn nonóoma emeešenonaxetóvovoss Jesuseva.

12 Nā énhesshoneo hanháno, estahehāōnao ohonaeva na táe zehessoz éamehāōnatovohon Maheoneva.

13 Na zévōnaoz eonōmohōn hevovistomos-seon zenoxzevōmenottoss ótniš Apōstles zéno-heševeos:

14 Simonoss mato énoneševeohōn ohóna na Andrew hevišson Yakōbon, na John na Philip na Baxtolomos.

15 Matāyon na Thoman, Yakobon hehya



Apáo na Simon mato Zelotes eševeeho.

16 Na Yudáoss hevišson Yakobon na mato Yotass Iškaxiot méessetaneva,

17 Na éneanhevéssevhōn na éneehōn zee-nomaehaz, na émaxhōotaehōn hosz hevovistomosseon na nitao vostonestoz zehestaziss Yotaheno na Yexušalemo na zehestaziss toxemápeva Tyrus na Sitōnoss zexhoeahátōs na zehoevostanevazetanozess hestāomatovazistov.

18 Na zehetaevešeôzetanovoss masháne má-tassooma na eenaehōn.

19 Na nitao voston estahemxanatanotōeno zexohātamass na émaenoēohōn.

20 Na évehōmōhōn hevovistomosseon na eszehō, Ahā zenstamenōehevetto, otā niaenanov heama hevehonstanovstov Maheo.

21 Ahā zehāeanatto zészexov, otā nszhessenassóeno. Ahā zeoehometanotto zészexov, ota nszhessohazéno.

22 Aha ninēhov vostaneo mxhessensetamāess, na mxhessehōstanāess, na mxhessetonsetamāess na mávešhessononistohotaes zehēhyaetōsz hevetov.

23 Voešetanohen matahoenexov na nszhetotahessekaaxheme. Otā nioninxomevazestoz zemahaetta heama: hapo vezeno ešhessensetamovésesto ovhanho, na hehevō.

24 Ahahē metoe zehetaehāovatto, otā nieše-

vešeamazhemě nivešetanótoz.

25 Ahahē zeoxcetaenassenetto, otā nszhesshāyan. Ahahē zehetāeohazetto zeszexov, nszhessenšesēve na nszhesseaxāeme!

26 Ahahē nhe hetan tass nītao voston māvešessnihevaetto, tass hapo nista hehevo zeoxceešetovot's astomevhánheéo.

27 Ota ninettazeme zeaátomoness, Mehota niveāmeevo, pavoēha zensetamaessē.

28 Vovónešetanotova zeoetaessē na hāōnatomeva zehoxomoamotōessē.

29 Na zepoevótanoseēss mato ox hossenevistomevóhen, na zehestanomōs nsthomevó, nszevehōstomevono nieszehenovevo.

30 Mato mezehā taetto voston zevēstomevata, na zehestanomevata nszotoz nszeveevhosāenoztanoz.

31 Na tass momoxeman zehešetovata vosta-neo hapo vezeno nešetovenan.

32 Heva zemehotaessē evešhestōemehotōss henováetto zekanózehozevoxtom? Hapo hat-havsevoētaeon evešhessmēhotov zemehotaevoss.

33 Na heva zepavoéossē zeevhapavoéassē henovaetto zekanózehozevōxtom? Hapo hát-havsevoētaheon homōxz vezeno evessenešezeo.

34 Na heva vhanemetōss zehozevatamōss henovaetto zekanózehozevōxtom? hapo hat-



havsevoētaheon ehessevhanemetovo mhashao  
zistosseevhahozto nitao hestanenevoss?

35 Oha méhota zetotonsetāmaessē, na pe-  
voēta, na vhaneméa, nszevéevhaehoztavaztanov  
hováe, na āmesto nioninxomevázistozx zema-  
haetta, na Maheo nszhessekašgonametōevo;  
vóvoz zsaahessetamaes na hatavsevoētaeon  
evesseaxaotsesto.

36 Vešhessšivaztaeoneve tass Niniomevó  
hapo zeheššivaztaeonevs.

37 Nszevéōhazta na nszaahesseōhatamane:  
nszeveéone na nszaahesseōmanē: nanomon, na  
nszhessenanon.

38 Meáa, na nszhessemetanhemē: pavetae-  
vavoénsan, oxóaom na ōvoeaz na ehehotó-  
moenoxz, vostaneo nszhessemetae: zeveštaeva-  
voénsánetto, ae zenehae, nszevešeevhesstaeva-  
voénotomonetto.

39 Na exooma evešeēsztóenovo hováe: zeoo-  
ensz emehóneanovo zeooeneziss, nínissofavoss  
emessaahesseanhaôvo zévossoz?

40 Hevovistomosseo essaahépaetovohessesto  
henithāam: onitáz taetto vostan zehoxeasz tass  
henithāam.

41 Henāez zehessevehōxtom atoseneozistoz  
esses heex zehōstaz, heosse zehešsaavōxtoetto  
niex ōmhāo zehōsta?

42 Matheva nimetoñšenhetto esses: nissis,

nitahōestomevaz atoseneozistoz niex zexhōsta, tass nissaavoxto tama ōmhāo niēx zehōsta? moméemazena vovoeonōenoz ōmhāo zehōsta tama niexae, na neš nszhoxeevōsan zistoseonōe-nóm atoseneozistoz zehōsta esses héexāe.

43 Pavemenóe essaahestoešeeszehenoz mx-oztamenoz, matheva mxoztámenoe essaahesto-ešeeszehenoz pavemenoz.

44 Taetto hoxzz eoxchessheneenōe sóss he-menameva: eovemxeše vostaneo emessaahesse-oenohenovoz voxkōemenoz na matheva emes-saahesseoenóhenovoz hópaehemenoz amonea-nozevesceehemenoeva.

45 Zetoxetañoz hetan heneenovetanoxtova hesztaheva ehesthoeméoena zepavaez; na zeononistasz hetan zeononissetanoz hesztaheva ehestoeméoena zeononissoz, evešhósznahe ho-vāe zenanosešhas.

46 Na henaetto zeoxcešenozenesešess Zenit-hátto, Zenithátto, na nioxksaanešezeHEME otae-oxetto?

47 Nohasse nivasz zenathōsz na zeaátomo-netto naoxistotoz, na zenešetto, nioossmiesto-mevazenov zezestasz vezeno vostan.

48 Niahāne vezeno hetan zistahemhayonans na zexaeotoevoss na zexoomaosseonans ohóna: na zexhoohóo, zexhoóovaoz hene mhayo, na es-saatoñšemomoozehan: zehešeštaxoomaoto ohonaeva.



49 Oha zeaátomonsz na zsaaneševesz, niahāne hetan zsaahestoomáosseonesz zistaxemhayonans hesseovóeva zistaeohoovatoz na zex-  
 ōnieavhaoz, na zevešeoneñxōeoz hene mhayo  
 exeohaetamanoehāne.

## CHAPTER 7.

1 Na zeheševáoxtan nitao heoxistotoz ze-  
 vešeāszechetōēs vostano, estahoénehō Kapexna-  
 hom.

2 Na nasz notxeveho hestozeon zemehotōss  
 exhāmoxtaehō na estosešenāēho.

3 Na zénistomons Jesuseva estāšenēnānhōn  
 zevovoeziss Yotahetaneo estanoztōehōno zis-  
 taonōmās na zistosevostanevavoss hestozeon.

4 Na zexhōotovōss Jesuseva seeya énetto-  
 v-  
 hōn: énehōn zehešhāoomez, heto zenszhešeze-  
 zēs:

5 Etamehoxta nāzhestanonan, na naeše-  
 mansztōtaoenon mohēoxzemhayo.

6 Neš Jesus estaševeoxzemhōn. Na zistaeš-  
 hahanénevoss mháyon notxeveho enešešenē-  
 nānhōn heveésseno, tazettóhen: Zenithátto nī-  
 veôztan, nassaahāoematamaz nimesa aészéove  
 namhayon.

7 Ota nassaahāoematamaz zistossenhaoxze-  
 vaz oha nivhanešehōmotomsz, na nathozeo ze-  
 v-  
 vostaneve.

8 Na mato nanēhov novs nanithóeman na

nañšenotxemě, na naoxcenetto nasz: tãneoxzz, na etaoxceneoxz, na zeossenitasz; nischeoxzz, na eoxceneoxz; na nãthozeo, zetanoxz heto na eta-oxzetan.

9 Tass Jesus zénistomons heto zeēvessoz exohāatamohōn, na éévhaéhō, na estanettóhōn vostano zenéehōs: nassaameôno zexoveoniss-yometanoxtoz hovahan heva zeto Išxael.

10 Na zeñšešenēnaëss estaevhaoxzehōn mhayon, estaevhahôhotovhōn hozeon essaaev-hatonstaehō zemehāāmoxtasz.

11 Na exhozesshoneo tâs ešēva esthasshō estaeszeoxtano maoevehoeno Nain eoxisthoene na émasshovsevāehōn hevovistomosseon na hāsto vostano.

12 Neš vezeno zistaháhanéns zexenitoenehevet's maoveoeno, ota nheno séoxz hetan éhōe-ozehō, enokoenottaehōn hesc, na eotxaevhōn na émasshovoevāehōn vostano zehestaziss maovehoeno.

13 Na Zenithasz zévōmaes ešsivatametano-tōehōn na eszettohōn nivénšeševe.

14 Na exhoénehō na emxanáno evehōnō na zeameozaess exekotomāoyozeo. Na eszeho, kassovā, nitanettaz, ohász!

15 Na zešemehaesseozevsz estomôtóehō, na exhonemasseēszechō, na estaevhahoeoztomevōn-hōn hesc.



16 Na hene nitao eñšépoyozeneo, na Maheo évoveovhōn, ohātamae ovhanhé niešhōotāen na Maheo exhoešivatametanutovō hevostanemo.

17 Na heto zēneevāot's estsxsōsemeo nitao Yotaheno na sxsōetto nitao tatāo zehevásthoe.

18 Na hevovistomosseon John émēstomoe-hōn nitao heto zeēvessoz.

19 Na eonōmohōn niš hevovistomosseon estašeneenānhōn zévehet's Jesuseva zettohen: ninēhove zetoshóensz na mó nāzenoxzevōmoneo zenitasz?

20 Toneš nhe hetaneo zexhōotóvoss eszehōno, John Eōstaovā nañšešenénāhen: zettohen nahettāhen ninēhove zetoshóensz na mó naze-noxzevōmoneo zenitasz?

21 Na vezeno néxoveva émassóenoēohōn hestāmatovazistovo na hetótonstátovo na hesthavsevemátassoomhastovevo: na zeānoheziss zemehaoóenezess exotóessohōn.

22 Neš Jesus enszéhō eszettohōn: tavéonahé, na ótahaovóhen John hovaeoz zevoxtomas-sēsš na zenistomonessēsš: zeheševhavōsanevoss oóeneo, zenonāeoxtass zehešeaménevoss, zeheš-hoxeaess ōxometaēon, zehešenistomonevoss oneáta, zeevhaoháevoss zeešemeháenāess, stāmenōeo zehešemaheonótahāōs pavhostō,

23 Na ahā niahāne nohasse nivāsz zsaahó-

niametanetóesz.

24 Na hozeonō zehestáss John hevez esta-  
ešhassevevōss easseēsztōvohōn vostano zeheš-  
heneenóet's Johneva: Henaetto zetaoxchessene-  
oxzetto tohove zetaoxcevōxtom? Emomoxtoa-  
havoeneozé vitanōsz?

25 Oxtāetto, henāetto zetaoxchessehoeoxzet-  
to zetaoxcevōxtom? Emoonsane hetan hesto-  
neoneheva? Ota nistavóno emxastovsaneo na  
epavstaveo vehoneomē!

26 Oxtāetto, henāetto zetaoxchessehoeoxzet-  
to zetaoxcevōxtom? Mó ovhánhé? Onissyó,  
ninettazemē na eamhóomossan ovhanhestov!

27 Zeahāne zenistōsz zenistazhešexeōss; ota,  
nataešenēenāno nāthozeonāmē nistavetto etóva  
zetatossenistanonótohanomévata.

28 Nivešenettazeme soss zehetāehestávoss  
hehestov nenasz essaaohámoháovhanheve ze-  
exovaes John Eōstāovae; oxtāetto zetometāe-  
hóoxsosz. heszhestanov Maheono eohamohātá-  
maho zeexovaes.

29 Na nitao vostaneo zenistōess na ooceheo  
ešxanoveonissyomátovovhōn Maheono évešhes-  
seōstāehōn heōstāovatová Johneva.

30 Oxtāetto Phariseehetaneo na hoemanéeo  
estazetanotomovonovo enevâxseo Maheono es-  
saavešeeōstāeévohōn.

31 Na Zenithāsz eszehō: t'sa heva neš nāze-



ševezhovāovossesto hetaneo zeszexovstanovstovā? Na henováet's zevezhovāevōss?

32 Niahānevo kašgoneo zehevezhovāevōss zehōezess zeoxcoxtovotazistovā na zenettazess nonóhomāe na énhestovevo, nivešnemeovazemenon tápéno, na nissaahossohemē, nimemazemenon na nissāañšeševhemē.

33 John Eōstāovāe exhōene tóna saamessehēs kókonoyo na matheva saamanehēs hóp-āehemenemáp na nioxcenhemē: ehoncovō nissimōn.

34 Zehēhyaetōsz hetano ehoemsse na eheman: na nioxcenhemē: ota, hāapóhetan na nonótovasešceo, hevessenehevó ócehetaneo na masshao.

35 Oxtāetto toxetanoxzeva eonóexanoveozēs nitao (zehetāenaes), zehenissonetōess.

36 Na nasz Pharisee-hetaneo eonōmaehōn mōzistossevesseanamōvo na estasshō estaēs-ēnehō Pharisee-hetan hemhayon na exhoeho zistosemessēs.

37 Na otā, hée echestaho maovehoeno, estāemasshaevho; hen zešheneenovōss Jesuseva zexhoet's zistossemesset's hotoma Pharisee-hetan hemhayon exhoeozzeno vehaneo exotane voxcemexóaneo.

38 Na énheetovohōn zehešeátaxenat's hestoxemeon eaxáemehō na eassevešnšeanomo-

vonhōnoz hehessoz mahāeneva, na evešeēšno-homovónhōnoz hemekoneva na évxsemotó-movhōnoz na évešxoanomovonhōnoz voxce-mexoaneoneva.

39 Na neš Pharisee-hetaneo zemootaes zévōxtot's heto, éemōszhešetanohōn, zeto hetan heva eoešeovhánheevsz emeheneenovo zevāses-to na zehestávónoēvheevet's zeto zemxanāes zehešemasshaehevsz.

40 Na Jesus énettohōn Simoneva, hova ni-oxettatanotovaz. Na énettohōn: Nithae, veho-nasz.

41 Nāno hetan estahenišhōn zenistatano-mōs; nasz essoeamhazenhōnoz nōhono matót-noe makaetansz na zenitasz nohonō.

42 Na hovae zessāaenanóhet's eastomevona-nomovonhōnoz nīnišet's. Nivešenhešsz héno, tassevhōn zeoosshaemehotaes?

43 Enostovohōn Simon na énettohōn: zehe-šetanotto nhe zehestóemahaevonanomevōss na eszettaehōn: nihetomeōhazta.

44 Na énoxtaeotovohōn héo na énettohōn Simonoss: nivōmóe zeto héē? Naēszeoxta nim-hayon, nissaameze hovae máp zistosevešenše-han náhessoz: oxtāetto hée eeševešenšehananoz náhessoz mahaeneva, na ešenhóhanoz tama hé-mekon.

45 Nissaamezé vxsénestoz: oxtāetto zeto



hée, zehexoveēs'netto, essaazešeēnevxsémoe-  
tônoz nahessoz.

46 Nameq amšceva nissaavešxóaó: oxtāetto  
zeto hée evešešxoananoz nahessoz voxcemēxo-  
aneoneva.

47 Nihessenettaz hemasshaneestotoz zetae-  
hāenonoezēs ēševonanensz zehešhaemeho-  
sansz: oxtāetto ovēno zevonanomevosz eñšene-  
ha ovēno emehossanesz.

48 Na énettaehōn: nsthavsevōetastotoz ēše-  
vonanensz.

49 Na nhe zevisthomaes zémessestovez see-  
ya énhessetamaehōn: zeeváasz mato zehevona-  
no hathavsevoētastoz?

50 Na énettohōn héo: nionissyometanoxzeva  
nivostaneva; tahekotamastanovsz.

## CHAPTER 8.

1 Na estoxosshozesshóneo zistasxshóéns tá-  
to maoevehceno na zémomenoētaz émaheonēs-  
zehō na exostano zépavhostō zešhistanov Ma-  
heon na nixótnišet's éveoxzemaehōn.

2 Na vezeno héo zistaenoēes hesseozeatas-  
tovâ na hetotonstátovâ Mary, na Magdalēne  
énohestóehō zexehôotāes nissóte nissimōn.

3 Na Yoanna heszheém Xuza Hexod zene-  
evavōxtomōs na Susanna na hasto zeonitaëss  
zeoxcetāeevovónešeās.

4 Na vostaneo zémassómhoēozet's na zeš-

hestonhaoxzevāes taetto maoevehoeno éveše-  
ēszéno tāohemestoz.

5 Enanoeheo estaheneazenhōnoz ēnanoesto-  
toz, na tass zeñšenaneazēsosz hosz eanaonhōnoz  
zeāmhóoneva, na estotaxeoizistovenhōnōz, na  
veksséo héama zeevohés émháastanovhōnoz.

6 Na hosz estaxeanaonhōnoz ohonāeva; na  
seeya zehešhoone énassomónhōnoz zehešsaa-  
hestoneomaochan.

7 Na hosz esxsoeanaonhōnoz heškovoeše na  
heškovōosz énsšhoevesthoneonhōnōz na exoha-  
meexahossanettonhōnoz.

8 Na zenitaēsosz estaxeanaonhōnoz zépávo-  
mao, na eexhoneonhōnoz na nokamatótnohov  
ešešemenamatonhōnoz. Na neš zehešeēvne-n-  
hesto heto hovaeosz émahaēszechō, nah zehes-  
tovovosz zistossehaátomons haátomónehå.

9 Na hevovistomosseon énoztōehōn eszet-  
taehōn henováetto zenistóhe heto tāohemestoz?

10 Na eszehō: ninēhovhemě zemezess zešhé-  
neenov máemōsetanoxzeva Maheo zexhistanov:  
oha zeonitaess ešemēstomóehō tāohemestotoz;  
nonópa óvōsanevosz zaanonaxvōsaneo na ónis-  
tomonevooz zaanonaxheneénohenov.

11 Etahāne tāhoemestoz zenhestóhe: ēnano-  
estotoz enahāne Maheo heomotom.

12 Nhe zeameenáoss zeamhóonevez niahā-  
nevo zeaátomoness: neš Eavo zexhōotāevoss,



na zehemāstanomoevōss henistomonstov emehaešetanovōss, nonópa zaahesseonissyomátaheo na zaavostaneheveo tšehessetamāevoss.

13 Taxetto nhe ohonāeva enahānevo tass zeaátomonevoss zehetotanešetanoss: na zeahānevo zsaahesseoonevess, zeñšeameninóveonissyomátass, na ótonešhōotāevoss vonhoahotanevátotz eoxcemassónínitameozeo.

14 Na nhe zetasxsenoeanaóss heškoveše ni-ahānevo tass zénistomonevoss evehonáeo na etāohameexaonov hevostanehevestoz zetatosse-ssoz na hāovastatoz, na het'sazestotoz heto zévostanehevstov, na essaahoxeešmenamáheó.

15 Oxtāetto nhe taxetto zépevamaoez niva-hānevo zetaxtanōvhass na zetoxetanoss zehešnistomoness homotóm zetōetanotoss, na hoé-novetanoxtoz zevešmenamaevoss.

16 Hovane voston zehešezeox soxkomevohoksenanistoz essaavešenxpoo etoxkoneheva, heva mato essaaenanóhe hátono šešistova; eox-taetaxehōsz taxeoheesseoneva zehetāeszénevoss zenonaxevōxtano zevohóyotaz.

17 Hováē ehessēmōs zetosaameénehan, matheva nohass hovae enohōe zsaatosheneé-noehan na emhonōsta.

18 Vešekonetan zehešeaátomoness: nohásse nivasz zeoxcheszhovaesz nivahāne zemezz; na nohasse nivasz saaheszhovahesz zhesshestanomóe, ohyāetto heva zeoxcheszhovēs.

19 Neš exhoeoxzetōehōn hesc na hevōestotō  
na essaatoñšhōetōehōn zešeohovazistovet's.

20 Na énitótahāehōn, hosz zehenettāes: nišq  
na nivōestoto enhēo anoss, nivōmatanotōe,

21 Na estóenstovohōn na eszettōhōn: náko-  
he na navōestoto zeahānevo zeaátomoness he-  
omotom Maheoneva na zenešetoss.

22 Hez exhozhešsonéo hen ešēva estaves-  
taxevon'némhōn semo hevovistomosseon na  
esztōhōn; nitazeoxzhemå ox hestōma nihanē-  
va, na ehassehoehōn.

23 Oha zeñšenaamōeszevoss estanešenome-  
ozehō: na émassohôahāneo nihanēva na eoho-  
tomováhōn hessémonevo: na assetoēstoz ex-  
hóeoxtano.

24 Na énhatovovhōn na ešsehanovhōn énet-  
tovhōn: Nithāe, Nithāe, niāsetohēmå. Neš  
estoehō na éveoetōen āhávano na zénistoneva-  
yōmahaz na éoanoeozenhōnoz; na neš émaxe-  
kotomatonéo.

25 Na eszettōhōn: t'sa nihetananov ninie-  
tamistovevo? na zehešépôozevoss, exohāetano-  
hōn nonóhomae enettazehōn: tonstavónoe vos-  
tanez zeto, zehešhoemāoxtō hōyāetto āhavanis-  
totoz na máp na énistōenoz?

26 Na estahoeoxzehōn hēvastoevo Gatax-  
hetaneo zetāhestovevet's Galilee.

27 Na zistaomevonéns hóeva nhéno esthō-



oehōn hetan zehestaziss maovehoeno vezeno zehenissimōnameziss tozea, na essaahestone-ōneheehōn na matheva ēoxksaaheštanoehō t'sa mhayon: oxtāetto t'sa mxeomē.

28 Neš zévōmōss Jesuseva emāsoaxameoze-hō, na eavháohō zehetaenēt's na émaxehahehō zeshēs, hováeztov nimešetoñšetovaz Jesus: nínokaetto zehehyaetovata Maheo zehépohaata-māsz? Nimomoxzemaz nszenvémomeztovoeš.

29 Zehešhōenenahemōss masshane mátassoma hetano. Kokassetto eoxcemehaemistahó na eoxcevēšhestometōenhōnoz ohoneanatoz na tōhestotoz; na eoxceééozenohōnoz hetōestotoz na eoxcehōeoxzéahō nissimōn tohove.

30 Na Jesus énoztovohōn eszettōhōn: nitoñševehe? na eszettaehōn: Mxaenōsz, ešhesseneševehehō hāsto nissimōn zexhonéovoss.

31 Na ehešemomoxzemaehōno emessaahešeonaxešhōenenánōs zeszoetámez.

32 Na nhāno hanháno émasshaenonoehōn hešksehessehotam eoxcoxomehōn taxetto ohonāeva; na émomoxzemāehōn zistosenešetovoss zistoseēszeevoss, na énešéohōn.

33 Neš estanōoxzettōehōn nissimōn na estaestaxetovovhōn hešksehessehotam, na zeena-óhoss zetotaomexoveoevoss eanhōnehoehōn zeanōevet's nihan na émemstanehōn.

34 Neš dhe zeoxcoxomoss zévōxtomevoss

zehessozet's eamxehōn, na easseoxzehōn, na ex-hōstanovo nhenō maovehoeno na toxtō.

35 Neš estavehōxtanóvo zéhessoz. na ex-hoeotovhōn Jesuseva, na énomeovovhōno nhe zehestāenooxzéāsz, na eešeevhatoxetanohō: na exépōozehōn.

36 Mato zevōsanezess énitótahaōevóhōn hováe zehešehessevostanevet's zemehaameoxzeae-ziss nissimōn.

37 Neš hōvoetto zeāenonóe hēvnistov Gataxens taxtao émomoxzemāehōn zeassenēenáhēs zehešohāetanot's. Na estataxevon'neho semoneva na eevhahossevāóxzehō.

38 Nhe hetan zénooxzéāsz nissimōn émomoxzemāehōn emšesónaxeveoxzemōss; onitáz Jesuseva estaassenenahehōn eszettaehōn,

39 Tāevhahoxzz tāma nimhayon na méenomeo zehešohae hovaeoz Maheo zexanom-evata. Na estaevhanehoxzehō na émeestano xsōetto hōvoetto maoevehoeno zehešoha hovaeoz Jesuseva zexanomōs.

40 Na eszešshonéo zistaeševhanešhoeoxt's Jesus vostonestoz émasseztōeno: zehešnitāoe-tonōmāes.

41 Na ota nhenō exhōoehō Yaexos ešēsevehō, na énitáehō moheoxzehomē, na henstanevā enēhō zehešeátaet's Jesuseva na émomoxzemo-hōn zistatossnonaxeēsnet's hemhayon.



42 Oha eñšenokaehōn hestona hea exótnix-  
azenhōnoz ānoz, na énāetanohōn, oha zistaam-  
háss vostano hōosz zešetahóeon.

43 Na hee ótnišeyā exhōeotaeno máe emas-  
senimotonhōnoz nıtao heszotoz nāo na mathe-  
va essaatoñševeševostanevevhōn hieva nasz,

44 Exhotamaovohōn na emxanamohōn hoox  
heszéhen, na exóniehovahanehezene zexhōeo-  
tāes máe.

45 Na Jesus ēszehō, nıva zemxanasz? zé-  
massoeztomoévoss, Peter na nhe zeveoxzemāes  
énettaehōn: Zenithátto zeāenono hōosz niheta-  
hōe na nihoxoaon na zehešenetto: nıva zemxa-  
nasz?

46 Na Jesus ēszehō: voston natśēemxana:  
nahesseheneena nahomāozeto maheonexoetas-  
toz nāvonetanonaohāo.

47 Na hée neš zistāneheno zsaatoñševoneo-  
zēsz exhononomeehō, na estaomeavháotovohōn,  
émēstomevohōn taxta nıtao vostonestovā hovāe  
zehessemxanōss na zehešóniēvostanevs.

48 Na eszettohōn: náz tahetotaetanoz, nio-  
nıssyometanoxzeva nivostaneva, tahekotomae-  
vénsz.

49 Zeñšenaesóēsz, nasz eñxehoéhō zenithā-  
zıss moheoxzehomē énettaehōn: nstona ešenāē-  
oz: niveôzetanoho Zenithasz.

50 Neš Jesus [zénistomons eszhešenostovo-

hōn niveohāetano, onissyomátasz óha zetāevhavo-  
vostane exehō.

51 Na neš zistaēszéns mhayon exhōenettōn  
hovaneho zistossaavesseēsz'nehet's ohá Peter  
na Yakobon na John na hehyo na hesc kasse-  
héesson.

52 Na émassoñšeševhōn na émemovhōn;  
Eoxtazeho: nivenšeševhemě, essaanāe, evhane-  
nāoz.

53 Na estohossohazetovhōn, zešheneénome-  
voss zehešešenāet's.

54 Na émassohōenēnānhōn na ešstanohōn  
heázeneva, na énettohōn: kassehéesson, ohász!  
exettohōn.

55 Na hemátassooma eevhahôoehōn na es-  
tomeñšeohāehōn: na oxóma exettohōn.

56 Na zexhestōešess exohātamozenohōn:  
oha épavhōnetthōn zistossaanitótahaovoet's  
vostano hovāe zehešeešeeozez.

## CHAPTER 9.

1 Neš émoheōnōmohōn nixótnišet's hevovis-  
tomosseon, na émetonovhōn ešēozistoz na nit-  
havhoemanistoz zešhestohoemāoet's nitao nissi-  
mōn, na zistoseenoēszevoss haamatovazistotoz.

2 Na eassenēnānhōn zistoeōstot's Maheo  
zexhestanov na zistossevostanevoss hāmoxtaeo.

3 Na ēszettohōn: hovāe niveaetováoenov ni-  
amoxovistavatoz, matheva hoktonistotoz, heva



mato kaemestoz, matheva kókonoyo, matheva makaet, matheva nszevenonišeheszehenan.

4 Na t'sa mháyon zehesz'netto, henhén oxchestomeozeo, na nhén hosshesseasseo.

5 Na nohasse nivász zsaaohossmasseztovaheta, mxhossthōeoxtom hene maostova ooveataxeo, zhessheneénóe zeveštasstotoxemazistov hevetovevo.

6 Na easseoxzehōn, na esxsoahanovhōnoz momenoēstotoz, eamōēstanovo pavhostō na eamevostanevstomaneó nohass t'sa.

7 Neš Hexod zevehoneveziss énistomonō nitao zevešešezistovez; na eôzetanóhō, ešhessneštanóhō zeoxcemahénet's hosz vostano, zeheševhāohaet's Johneva.

8 Na hosz énehōn: Elias ēšemeén: na zeonitass énehōn, nasz nistaovhanheheo eevhaohā.

9 Na Hexod énehō: John naešeenotovasséo: onitáz nivász zeto, zeoxchesstatomonetto zezhessōsz hovaeoz? Na namevōmo ešēšetanohō.

10 Na vovistomosseon zeevhahōoxzet's énetótahaoehōn nitao zehešešezet's: na estahasseeozohōn, na estataomeñšenimeasseo ookomaoxzešie, zevhesthōemet's mhaostova Bethsaida zeheševéettoz.

11 Na vostane zistānheénomevoss éneheovhōn: na émasseztovohōn, exēsztomévono zexhistanov Maheo, na évostanevohōn zehetávoss-

tanevazetanot's.

12 Na neš zistaotaassekaosenans: neš ex-hôoehōn zeótnišess, na estaehōn, tāsenenaxenan zehāenoess, zetaonaxemāoxzeo zemomeno-ēstovaz, na toxtō tataetto, na zeoxtaeneo, na zehevhestananov mātam: zehešzénhoez tohove.

13 Onitáz eszettōhōn: oxomenan. Na eszehōn, nassaatonšhépaenônonsz óha enóhoneettons z hókonojo na enišeo nomá; otā namezeoxzhemē na nameoxtovotton messhestoz nitao zeto voston.

14 Hea estoñšnohona-maxematónoeshesto. Na eszettōhōn hevovistomosseon: amstoenē-náhe nonóhonóe moménoehā,

15 Na enešzehō, na éamáexhoovhōn.

16 Neš eštanañsestoz zenohoneettōzēs z kókonoyo na zenísezess nománe na ešéatoohō héama ehezetananhōnoz, na evovēsananhōnoz na émettonhōnoz hevovistomosseon zistosevozenoomevótot's zehaanónoez.

17 Na énešemesséhōn, na émassonassoenehōn, na zehéehozézēs eštananovhōnoz evxseonoz ótniš mxevetōnoz eohotómoenonhōnoz.

18 Na eszhessóne tóhove zeñšenamhāoenōss hevovistomosseo zévessevās: na énóztovohōn: t'sa ehésta vostaneo nahettāe exettōhōn?

19 Eszhešenóstovovhōn: John Eōstāova; óha hosz ezevōn Elias, na zeonitāess ezevōn,



nasz nistaovhánhehéó eevhaohā.

20 Eszettaevohōn: oha nioxešheme zešhes-  
tatto zēnēhovess? Peter enostovohōn: Christ  
zehestāsz Maheo hevez.

21 Na séeya exhōenettāevohōn na énetta-  
evohōn zistossaahótahaōevoss hovaneo vostano  
hen hováe:

22 Exnehōn Zehēhyaetōsz hetano zokoñše-  
hestoomene hāsto hováestova, na zokoñšepeo-  
tāe zevovoaeszess zehéphóemezess maheonheta-  
neo na mxuistoneo na zokoñšenáhe na zokoñ-  
šeevhaohā zenaanonetoz eš.

23 Na émanettohōn heva vostan maohosne-  
heosz sáenínitamehá henēhovestoz, na hestanó-  
há hessehóestoz onéevō na nehehoveo.

24 Nohasse nivāsz zeohóssevenóotanoto he-  
vostanehevestoz zevoneōsz: onitáz nohasse ni-  
vāsz zeohosshessaaetoetanoz nitov niahāne ze-  
vostanevesz..

25 Emetoñšhoozenov hetan heva ómāhoz-  
tosz hestanova, na voneoszz tama henēhoves-  
toz matheva hassevoohōsta?

26 Nohasse nivasz zevešetaneheztōsz na ze-  
tanehezesto nahomotomeaxtoz zenēhov zetane-  
heztōsz zehēhyaetōsz hetano mátatosseveš-  
hoénsz soss hevohóyoevatamaestová na héhé-  
va na maheonhestozeon.

27 Onitáz nitatomhótahaovazeme, zenhēo

hosz zéno zetossaaonéato Hess hovanehestoz,  
tae maešeyōxtomevoz zešhistanov Maheo.

28 Na héa zistaešnanótoenóet's eassettohōn  
Petereva na Johneva na Yakoboneva na eéne-  
hōn vhosseva zistoshāōnass.

29 Na zehešhāonaes nistazemehaešens ešxa-  
maenitavaehō na heszeheno ešxaevoomaehō na  
exavovoassešeona.

30 Na ota enišhōn hetano zevesseēszemōss  
nsehōn Moše na Eliša

31 Exaamevohóyoehōn na estotoxestomovo-  
novhōn hesthovaneestoz zistossevâxtano Yexu-  
šalemeveno.

32 Na oha Peter na nhe zéveoxzemōss ešxa-  
ovahāenomhōn: na zehešešešeozevoss évōxtō-  
movonovo zevōhóyoet's na zevessehoemaeziss  
niš hetano.

33 Na eszhessonéo zistaešenoozetōēss Peter  
eszettōhōn Jesuseva: Zenithatto niotaépavhó-  
hemā zeto, na nitamanszenonsz nāe vēnoz,  
nasz ninēhov, na nasz Moše, na nasz Eliša, és-  
saaheneenoheno zehévēs.

34 Zeñšenanešeēst's exhoōstazenen vōe na  
exhoveoeohaozeno: na exépōozehōn zistataevo-  
neozet's vōeva.

35 Exnistōehō voston vōeva eszehō: zevahā-  
ne nāhā zemehoto: haátova.

36 Na zehešeenenistō Jesus énoceehō zista-



meōs: Na eñšeeztanovo; na hováneo eoxksaanitótahaōevhōn nexoveva zehešetāvōssanevoss.

37 Na eszhessóne tâs ešēva, zexhesseanhôēnevōss vhosseva emasshóataehōn vóstano.

38 Na ota zehestáovōss nasz hetan ehōxeváho észeho: Zenithátto, niomoxzemaz nívehōmehâ nāhă; hōmahesto nanokoenoxzz.

39 Na ota nissimōn enóassetō, na héet eoxceaxāem, na zeoxcešhessaxs, etávo etaoxcotōotoxt, na eoxchoxkossōvotā emessaaeštoñšnoozetōehō.

40 Na naoxcešhāonatovó nivovistomosseon zistossehōstahamot's na essaatoñšešeozeheo.

41 Na Jesus énōstovohōn eszettohōn héovetano na onimeešeētan: zetonexov zeheševeoxzemazess na zetaešhōzetanoeazess? Níneotšehâ nēhya zeto.

42 Na zensóohōs nissimōn eavahamaeho: na ešhessaamaehōn. Na Jesus évehoettōn zsaa-hoxeaezess nissimōn, na évostanevohōn kašgon, eh evhahôozohōn hehéva.

43 Na émassoohāztanov hemaheonevestoz Maheoneva. Onitáz zeñšenaehāztomevoss nistxevoss nistasz zeheševs Jesus, estazettohōn hevovistomosseon,

44 Heto oxistotoz hesseēstanom nstovōozevo, zehēhyāhetōsz hetano zistosemeatovsz zistosenháenaes vóstano.

45 Oha éssaaheneénovaztônovô heto ôxis-  
toz: na éeztomoenovo na essaatoñšemēstoenovo  
na ehissenôztovonovo hen oxistoz.

46 Neš eñšehōevāeozeo nivasz taasēsz zeto-  
sohātamaesz.

47 Na Jesus éstaheneénomovonhōnoz hest-  
šetanoxtovevoz hesztáhevo, ešsevaenohōn kaš-  
gon, na épanoxévaenohon zexhōs.

48 Na eszettohōn niohasse voston zemassez-  
tovot's zeto kašgon navehestovâ nazemassezto-  
va: na nohasse voston zemasseztōsz zemassez-  
tovo zēñmeatōeziss: nah zehetahooxceceasz ni-  
tao zehestxuiiss niahāne zohātamaesz.

49 Na John enōstovohōn na eszettohōn: Ze-  
nithatto navōmon nasz evešhōenēnāno nissi-  
mōn nivéhestovâ, na nahōnetton zehešsaa-  
vesseneheōhež.

50 Na Jesuseva eszettaehōn: nivehōnettovo:  
voston zsaatotonsetamahez ninethōetanenon.

51 Na eszhessóneô zehešhonexov zetosheše-  
aatanś tosē énataehōn zistoseehóoxz Jexuša-  
lemo.

52 Na heohótahanō estašenēnānōn na esta-  
neoxzehōn na estāeszeoxtanovo zémāoet's Sa-  
maxonhetaneo zistossenistaexanomōs.

53 Na essaahessemasseztōehōn tass zheše-  
taeoxs Yexušalemô.

54 Na neš hevovistomosseon Yakobon na



John zévōxtomevoss heto eszettovhōn: Zenithátto neštanotto, heamahoesta nszeñšhessean-hônēnānanon zistosseahanhaōevoss, homōxz tass Eliša zssešeešet's?

55 Onitáz eevhaeozeho na éveoettāevohōn. (na eszettaevohōn: nissaaheneenóenovō zehes-taozess).

56 Zehēhyaetōsz hetano essaahoetotoñšenof-toého vostano hevostanevstov, onitáz ehéve-nóohó. Na oxs estâszeznezhōn zemāostovez.

57 Na eszhessóneō zistañšenahassevoss nasz vostano eszettaehōn: Zenithátto nstañšenéheovaz nohass t'sa zexhassetto.

58 Na Jesuseva eszettaehōn: voxkseō eoxceheszevoxēō na vekseō heama zeēvoss eoxceheszevhóssoneō: Zehēhyaetōsz hetano t'sa coxsaaovšenan.

59 Na zenitaziss eszettōhōn: nīneheovsz. Na eszettaehōn: Zenithátto niešenizeovsz nata-ešeátōhono nihoe.

60 Jesuseva eszettaehōn zesseozevešs átohonovóhā hesseotamevó: vátomeasz na mees-toz zexhistanov Maheo.

61 Na mato zenitasz eszeho: Zenithátto, nstanéheovaz: óha nataeševovoemxetámō zehevenovēs namhayon.

62 Na Jesuseva eszettaehōn: Wostan zešhes-sevatōeno zetomaxovatoz na zēveevhaotōoz es-saataōnoss zexhistanov Maheo.

## CHAPTER 10.

1 Hoetto heto hovaeoz Zenithász ehenanóhōn mato zenitáziss nissótnó, na eohasse-noni-šenēnānōn máeto nistoha zémomenoet's t'sa zistostaomhoéns.

2 Na oha eszettaevohōn: óenoestoz eoniss-yomohātamano, na óha hozeon etxkomxéo: hesshāônato<sup>va</sup> Zenithasz zešhiessó óenóestoz, zenonaxešenēnāno hozeon heoenóestová.

3 Tavehonáhe: ota nihassenevēnenáhezeme tass g'san zeanonaos hóneo.

4 Na matheva nszevenóeoxzenov makátae-veosse, heva kaemestoz matheva mocanoz nszevemahaōevo hováne voston mañšenaame-oss.

5 Na nohasse mhayon zēszeoxtomass vovo-ēsztomahen heto: nanovazeomēvenéhå.

6 Na nanomon mxhōsz nhenó: ninanomo-<sup>1</sup> nestoz zetatoomotanehå; mxssaanhessóhan nszēvhonea.

7 Na nšeneaenhēs mhayo zheštomeozetto messhen na manehen hovae zemetaness: zeho-zeosz eoxchozevoxta zehóozeoēs. Nonóhoma nszeveeszeoxtanovôz mhayonoz.

8 Na nohasse t'sa zémátto maēszeoxtomass na mámasseztoness mésshen hovaeoz zeoxo-manessész.

9 Na vostanevohen hāmoxtaéo henhenó ze-



hāmoxtasz na zettohen: zexhistanov Maheo niñsnhesshahaneōenov.

10 Na nohass t'sa zémátto zeēszeoxtomass na zsaamasseztōhess zhešehasshōénehen zehešepopooneotto zenisthoe na zéhen,

11 Hóyāetto zezevatonomaoe zémazess zepa-noetotōez navešeōvaházenon ninēhovstoveva: ōvoxbonetto heneenom heto zešhistanov Maheo niñsnhesshahaneōenovo.

12 Oha nimēstomevazeme, némhāostov zhéphānānoenotto eš zenstoshoénetto zehexov Sodom.

13 Ahahē ninēhov Xoxazen, ahahē ninēhov Bezāta zhešexoētanoenozen Tixa na Sitōn zehešetoneš, tózea emszheševovoneozehepoonevohōn na exhonēomevō msiška.

14 Na ninēhovhemē nszhéphānānoenōme zexovāvoss Tixa na Sitōn maxeōhaztānov.

15 Na zenēhovetto Kapexnaom zenanossetanotto haš heama nszeanhôvovoeš hátonoómē.

16 Zenistōess nanistova, na zepeotāess na-peota: na zepeotasz epeoto zeñmeatōeziss.

17 Na zenissótnóess eēvhotomoéoxzeo énitótahaovhōn: Zenithátto hóyaetto nissimōnhetaneo navešeexaovoneo nivehestova.

18 Na eszettaevohōn navōmo Eavo camea-ná tass nonomáevetto.

19 Otā nimetazenov exoētastoz nszetotax-

eozenovo šišinovotō na voxcevasseo na zeoxhe-  
taohātamanoētastov totonsetamáeo: na hováe  
nszaatoñševešeonšeozenenov.

20 Na heto oha niveveševōešetanonov zee-  
xaovoss nissimōn: onitáz oxchaehotometanom  
zehešemxeozēs nivehestovevoz heama.

21 Zénexovhōstaz Jesus exhotometanoe ma-  
heonmátassoomaeva eszehō: hahō nihettaz hā  
Nio Zenithátto heama na hoeva, tass zénoosto-  
mevoss heto hovaeoz toxetaneon na otoxoveta-  
noeon na zémeenomevoss meševotto, hōvhām  
Nió: mó nizheše pavazeona,

22 Nitao hovae namahoota nihoeeva; hova-  
ne voston eheneénovoe nivāsz zehēhyaestovsz  
oha zehehestoveziss eheneénō: hovane voston  
eheneénovoe nivāsz, zehehestovsz oha zehēhya-  
estoveziss eheneénō: na nistoxs nah zehetame-  
enomevatanotōess zehēhyaestoveziss.

23 Na enoxtaevon'nitovohōn hevovistomos-  
seon na eemōsnettohōn: ahā maexansz zevōx-  
toss hovae zevōxtomovoss.

24 Niħessenettazeme, ohāsto ovhanhetanéο  
na vehonevostaneo, eoxcevōxtatanotanovoz he-  
to hovaeoz zevōxtomovossēs na éssaaešzešvōx-  
tōnovōz: na eoxcenistomonetanotanovōz heto  
hovaeoz zenistomonevossēs: na éssaaešzešenis-  
tomonenovoz.

25 Na otā nasz hóemane eohāehō na óseš



enešeachōn eszehō: Zenithatto taxa nazetoñševe matossetōenēhovetto nōmossaane ametaninstova?

26 Na eszettaehōn: na etoñšeexeoe hoemanistova? nitoñšheneénovazesta?

27 Na zeevhanoostoss eszehō: nszevešemehoto Zenithāsz Nimaheonam nitao nszhestaheva na nitao nivostanehevstovå, na nitao nito-nexovastovå, na nitao nstšetanoxzeva na niton-hetoestova tass zehexovemehotazetto nszenexovemehoto.

28 Na eszettaehōn: nietómenóosta: heto zistão, na nszevostaneheve.

29 Héosse zistaometoxetanonamanaz eszettohōn Jesus: na nivās natonethoestoz?

30 Na Jesuseva eoxchešenōstōeho: nasz hetan pónoẽ exhooxzehō Yexixo ešhesseasseoxzehō Yexušalemo na exhoeoxzetovohōn nomazeeon ešsexānaehōn hestoneōneeva, na eamō-naotaehō, na neš ehasseoehō, énoozetōehōn zistoseešenās.

31 Na noñxemata póno eamhooxzehō nasz maheonhetan hennénh na zeheševōmōss ox ešhesseahāenootohōn.

32 Na vezen hapo, nasz Levite zexhoeoxznhen exhóeotō na éhevehōmohōn na meto ox ešhesseahāenootohōn.

33 Na héosse vezen nasz Samaxonhetan

zeñšenaamoxovistavās exhoeoxzeho zeeveš na zevōmāes eššivatametanutōehōno.

34 Na exéhootaehōn na eoñxpēszezenohōnoz hesztáestotoz eóēshenenozeno amšc na hó-pāehemenemáp: na estáhanaenohōn tāmae hováñ zeaenoziss na exhoeozaehōn oxovistavamhayon na évovónešéaehōn.

35 Na tahossevōnaoz zeasseoxz énitananōnoz niš vessemakaetansz na émetonhōnoz Zenitháziss, na énettohōn vovónešéo, tonitae mxhépehassetanom máneevhasshoeoxzetto stae-vhatōhóotaz.

36 Nohetto tassevō zeto nínaevöss zenhessétamōz zetontoemāes zehoeoxzetovot's noma-zeeon?

37 Na eszehō: nhe zeheššivatametanutōes: neš énettaehōn Jesuseva: otā venaaha vezen hapo otaneševéo.

38 Nohetto ezenszešhesso zistaameovöss esxsoenehōn zémanoētaz: na vezen héẽ Martha eševeehō énohōmaehō tamā hemhayon.

39 Na ešhevissonhō Mary ešhestoehō, exhóehōn zehešéátaet's Jesuseva na eāszētomo-vonho hestótahanistoz.

40 Na éota Martha essaaeštāéozeehō zeheševovónitanens na exhôoetovohōn na énettohōn: Zenithátto niešemešenovo nišsiss zehešxā-nocevovónitanenevo: hassenēnaxehå nazene-



ešievstāma?

41 Na Jesus enōstōehōn na eszettaehōn: Martha, Martha, nioxchomstōtan na nioxcevešmassóôzetanōnoz hovaèoz.

42 Na héosse hovae nasz ehōemastov, na enāhan zhe Mary énonoxzevōxta zehetaepevaez zetossaatoñšhassetanomoēs.

## CHAPTER II.

1 Na eszhessoneō zeñšenahāōns vezen t'sa, na zehešeenehāōns nasz hevovistomosseon eszettaehō: Zenithatto vovistovememeno zeoxcešhāonатов, tass hapo John zehešeeševovistomevoss hevovistomosseo.

2 Na eszettohōn maoxchāônass oxcezehén: Ehan heama zexhoetto momoxemomátavatamsz nivehestoz. Ninithastova momoxehoénettoz. Niotšetanótoz momoxenesshónettoz zethōeva hapo heama zehess.

3 Momoxemezemenotto hizešēva oneevō nātāman.

4 Vonanomevemeno nāthavsevoētastonanoz tass hapo zeoxcešvonanomōez zeoxchathavsevoéaezēē. Nivevonhoaovémeno havseveva, héosse vostanevšemeneno havsevstxui.

5 Na eszettaevohōn: tāsevō zénehōvess zhevessenēsz na zenhaoxcevot's hevésseno sit'tāeva, na zenisthōsz, Hōvé nieševhanimezevāensz nāhe kókonoyonoz.

6 Tamá nissimaha nahooxovistavaetova na hováe nassaaoxomo?

7 Na zenisthōsz hotoma zeñšhessenōstaēs na zenszēs z nivehemeemoheš, henito ešņpoán, na nanissoneo naveamāe: nasaatoñšeohāe na nisaametaze.

8 Na nitanettazem zeoxešsaaohās na zeoxešsaametóess zeoxešhevessenēs heohémeozistov ōvoxbonetto emeohā na ememeto zetometaohe-meozettoz.

9 Na nihettazeme: vēstomos z na nszemetan: noxzevōxtoz na nszemeossan: kokonoensz na nszeonstanomon.

10 Taetto voston zévēstomōsz eamevátomevaz na zenoxzevōxtoziss emeoxtomevaz, na zenehovsz zeh kokónensz etataenomoe.

11 Heva mahá zehevēstomōs kókonoyo tóna zēnēhovess zehehetonetto etatossemetonotto ohonac matheva vēmot's noman emetāmetonotto méné?

12 Na matheva māvēstomōsz vovōz emetametotonotto voxcevasseo?

13 Na ota zeoxhavsevass zehešheneenomass zemeešepevōetaetovoss nínissonevō: na tonitā nimemaxhépepevemetāenovsesto heama ehévō hemaheonemátassooma zehetaevēstomevoss?

14 Na eñšenahōstanohōn nissimōn zsaaveše-



nótovenszestoveziss: na zexhonhess, nissimōn zeešhōstans zsaanótovenszēs enótovenszeho, Na vostaneo exohāztanovoho.

15 Na otōe hosz eszehōn evešhōstanonotto nissimōn Beelzebubeva zenitāziss nissimōn,

16 Na hosz estohossemahōn nhestonshóneā: taxa vóeva ešettaehōn.

17 Na zešheenomovōss hetšetanoxzevevoz eszettohōn: nistāsz hestanoz zestotonsetamazettoz ehāomeoensz: na mhayo zeonissovatto zetaeōxeoz eavháó:

18 Heva Eavóē taomeonissovazz tah hevehonstanovestoz emetoñšenheetto? zehešenhesso zeheševešhōstanon nissimōn hevetova Beelzebub?

19 Na tah heva Beelzebub hevetova vešhōstanon nissimōn nivāsó zevešhōstanovōss nēhyaevō? Otā niahanevo zeōhatamaessē.

20 Ota hemoeškoneva Maheo tāvešhōstanon nissimōn nimet'sehōotāenov Maheo hevehonstanovestoz.

21 Hetan zehekonāsz oxheskovanenesz neevavoxtosz hemhayo oxista heszotoz eoxcetotannotoz.

22 Ota zehépekoneozesz emenixhoemenháe na emevovonanāe: emehestanomōe nitao heszkovaneo zemehaneetams na emeaázeeonissovanoz heszeoxz.

23 Zsaaevessevēesz, nansetama: na zsaavessemohenenemaesz enonokanen.

24 Zsaahoxeasz mātassooma zistahōenooxtomovoss hevetov hetano etaēveamén zsaamāpevanehez hekotomāestoz eoxcenózea na zsaameōs, ezevō: nataevhass namhayon zeñxhesthōénetto.

25 Na zēneevhaéoxto eméa zehešemxeez na zehešhoxeanez.

26 Na zistāhōs etahessevessevó nisóte zenitaziss mātassooma zehossohamháhavsevaziss zehexovāes: na etavesz'nemo na zémehaexovs, nhe hetan etahépsenovháto hevostanehevstoz vovōenotto.

27 Na énhesshóneo zeesz heto, nasz hée zehestxevoss émaxehahehōn na eszettohōn: ahā nhe zehenissonetovata zenenotamaxz hetanan.

28 Oha eszettohōn: hēhé, onitáz ahā nhé zenistomonetoss hestótaheo Maheono na zetōenoss.

29 Na neš zēnemašsómohénevoss, vostaneo eassezhešeēszero: heto ehavsevmanhestanoveneo: enóztanov ovavoētastoz: na zsaamezenov, oha heovavōeozistoz evōssenov ovhanhe Jonaeva.

30 Tass Jonas zexhešeova-neevat'seonanet's Ninôtaneo, hapo zenešeova-neevatseoneve hetano zehēhyaetōsz heto manhestanova.



31 Vehona nomhasto zeñxhesseohā mxhoe-  
maotazistovez heto manhestanova na zetahoe-  
maotōss havsevstaneo, eñxhesszén zistatonoc-  
hāšhoevhoet's hoe zeñxhessnistomoneto hesz-  
heneēnovastoz Solomoneva, na ota zeto zehépo-  
hātamaesz zehexováēs Solomon ehoéne.

32 Hetaneo zeevássō Nínôhenō zeohāeo  
mxhoemaotazistovez heto manhestanova na ze-  
tahoemaotovoss; havsevstaneo évovonatamaze-  
hôn zeēsztōevōss Jonaeva: na otā, zeto zehépo-  
hātamaesz zehexováss Jonas ehoéne.

33 Hovane hetan zeešezéo vohoksenanistoz  
emessaāenanoa héva hoemhayo na mato hátono  
taevaeneneoneva. oha taxetto vohoksen-nenē-  
esseoneva, nonópa zeész'ness zevōxtanov zevo-  
hokset's.

34 Etov (nivōxz) zèvohoksenanistov enahāne  
niexa na ota niexa mxhoxeasz nitao etov (ni-  
vōxz) eoxcemaevonetto: na niexa ótonešhavse-  
vaesz (nivōxz) etov maeaenonetto.

35 Nahetanoz nonópa zevešvonanetto zsaa-  
aenonettan.

36 Na nitao etov (nivōxz) maevonetto t'sa  
zsaa-aenonettan zetamaevohóyotta tass vohokse-  
nanistoz zépévevohóyoestov nioxcevohóyoēa.

37 Na zéñšenaest's nasz Phariseehetan émoo-  
taehō na estaēsž'nehō na exhamstoehō zémes-  
ses.

38 Na neš zeto Phariseehetaneo zévōmāes zsaaeñšešheonās zénšemessēs nihé! oxhesseta-māes.

39 Na Jesus eszettōhōn: Pharisee-hetaneo nioxchoxeananov hōes hetoxq na véessoestoz; na hotóma niaázeeohotomozenov havsevstahátoz na zehetaehavseva.

40 Masshánehasz: zemaniszz nitao votocat eossāmanszēs nitao hotóma?

41 Oha méa vovónešetto hovaeoz zeaenomassēs, na ota, nitao hovaeoz zevešhoxeatamenovoz.

42 Ahahē ninēhovhemē Phariseehetaneo nitao zsaavonozehess eovaesz ešeonitavezestoz na zeoomenótomass hesthoemaossanistoz na hemehossanistoz Maheo. Hetahāne ax-ešeneševessēs aazevetto ásaanoosseneševessēs zenitaet's.

43 Ohāomeneehasz Phariseehetaneo: nimehoxtanov nocepavhoestoz maheonemhayon, na masseztastotoz homotanevōxzeše.

44 Ohaomenetanesz, mxuistonetanesz, na Phariseehetanesz vhanenhessemanetaneehasz, tass átohoestotoz zsaameénettanehesz, na hetaneo zistotaxoxtomevoss saaoxhesseztomevoss.

45 Na nasz hoemane énōstōehōn eszettaehōn: Zenithátto zehēvetto niñšeno eveohešemenno.



46 Na eszehō: ohaomenetaneehasz mato hoe-maneehasz! tass nioxcevevhootaovovo hetaneo zehāoñšxoxistovezēs vevhoonsz na tama nitōoxz nioxksaamxanōnovoz nīmoeškonevo zeevhootanessēs.

47 Ohaomenetaneehasz! zémanszess heátostovevoz ovhánheo éhevō zénahovoss:

48 Niheneenovaztomovonovoz na t'se nipevaztomovonovoz hetšezistovevoz éhevō: est'x-sēonissyomnahovo, na nimanszenovoz heátōestovevoz.

49 Na ota hapo ezettoz heszheneenovastoz Maheo: Natameanotto ovhanheo na vovistomosseon, na hosz zenitoenahovō zemomeztovoēovo.

50 Nonópa heszhemaemevo nitao ovhanheo zeshhoešemez zistoešhestanov zeevhahoaztomoe heto manistanova.

51 Heszhemáeme Abel tâss heszhemaeme Zaxaxias zénasz sitov matoovatov na maheonemhayon: nionissyomnettazeme zeevhahoaztomoe heto manistanov.

52 Ohaomeneehasz, hoemaneehasz! nihassetaozenov tatahoyo henehenovastov nissaaēsnehemē nitooxz, na zemehaēs'z'niss nitōhanovō.

53 Na zehešhōéns mxistonetaneo na Phari-seehetaneo exetōsēvonossemaehōn zéñxetos-hastoēs moxhessetamaevo.

54 Tass mónistaōetōevó hovae heoxistoz nonópa natavešhoeetto havs moxhessetamaevo.

## CHAPTER 12.

1 Na zexoveva zemaxemohēoxzevoss esoss-hasthestaneo mostaeosseenōehevo moxamato-taxotovazevo évovozhešeasseēsztovhōn hevo-vistomosseon: naheztova hepohaneonevo Phar-see-hetaneo, enisthóe vhanenhessemaneeone-vestoz.

2 Hováe essāáttohohan zemessaahotxanehan, essaanohoehan zemessaaheneenoehan.

3 Na otā nioxistovevo zeaenonetto, zenistomonetto zévonetto: na hováe nioxistovevo hotóma zévecetto, zemáhesshosseme taxetto mhayon.

4 Na nizettazeme nissenéhasz: nivéēhovō zenaziss mavōxz na neš zemessaaevhâsstoñšestomaneess nhasto.

5 Oha ninistaévevamazenov zemeēhóss; ēha nah zehešenassens zemenótoveséanhaassensz Eavôno, taxta ninettazeme ēha.

6 Tah nóho hotoxkamazeneó essaahestaevo niš macemakaetaeva? na heva nasz essaavone-tanotovohe Maheo.

7 Na hómōxz etāoemě zenestoa nimekonevo, Niveetoxtahemě, otā nihépepevámě zeme-hexovatamevoss hāsto hotokamazeneo.

8 Mato nizettazeme zehetaehossemass vos-



tan histanova zenēhov hapo zhossemāesz zehēhyaetoeziss hetaneo zexhistanovet's hesthozeon Maheo.

9 Na zeezemasz saameemahesz histanova hapo zeēzeme zsaameeme zexhistanovet's hesthozeon Maheo.

10 Na voston zetohossemot's Zehēhyaetoeziss hetano zeevhavonanomoe hesthavs: na nah zetohossnonoansz maheonmátassoomaeva zsaaevhavonanomoe hesthavs.

11 Na maoxchoeozaness zemaxemanoēstov na zēnithāestov, na zexhoemaotazistov taoxemass natatoñšenoostamāss nszevenistahessōzetanom zetoshéss.

12 Maheonmátassooma nszevovistomōenov zetohess hen zistoshóamhōsta kokoyasseo.

13 Na nasz zehestxevoss eszettaehon: Zenithatto nešehā zehenehetto ox zemetasz zehetāhōvaz.

14 Na eszettohōn hetan: nivae zenešemanhasz zistosshoemaotaziss, zistosseonissovanomotaáziss?

15 Na eszettohōn: nahéztom hoaztomevazistoz, ota hetan hevostanehevestoz essaahetaomestovanehez zehešenonoet's hováeoze zehetāeeno.

16 Na easseēsztomevono hōtaheo, eszehō nasz zehāovaesz hetan hesthōe émaxhāhoneozene.

17 Na eszhešetanohō tama, natatoñšezemåss, nassaat'sahozéhenoz hotóma naenanoestotoz naménamoz?

18 Na oxzēs: hetahāne zetaeševetto: nataoneñxananoz natossenemhayonoz na natamahacmhayonan na hanahāne zetamasoēstanom namenamoz na názotoz.

19 Na natazhesta namátassooma: mátassoom, zetaešhāstheszhovaetto zetahetoeomósz hāesto yāe: hestanoz nszekotomaestoz, méssesz, mǎnsz na hétotanēs.

20 Na ootō Maheo eszettohōn: massháne heto taeva nimátassooma nihoaztomon: taxa nivae zeaena hen hovaeoz zeešemhonettoz?

21 Henahan zhé zehestass zehōvtotomevaz hāovastoz, otā essaahāovae hevetovå Maheo.

22 Na eszettohōn hevovistomosseon: Otā nizettazeme nivetoxetanotanol nivostanehevstovevo, henovaens zemessetto, na mó henovaens zhoneom mavxota.

23 Nivostanehevstovevo ehépao zehexova honeōnestoz.

24 Ohátamenan hokoxceo eoxksaaenanoe-héo na eoxksaaoenoe-héo: na matheva essaestosseonemhayoneo na Maheo eoxcoxomō: na tonitāe nihépemahaettam's zehexovāvoss vekseo?

25 Na taxa niva zēnēhovess eōzetanoxtovēs



zemevešehōxstan henhestastova noka tāoeone-  
va?

26 Na másaatoñšeneševhess hovae zeoxea-  
natto hena zhessetoxctanotomass tanetāe hosz?

27 Ohaztom zepavszeavooesz zehešhone: es-  
saahozeoettaneoz, eoxksaestotonhōnettaneoz:  
na nioxtovanettazem: nah Solomon nitao he-  
pavatamahestoz éssaazexovpevhoneōnesz ze-  
hexovatamanoez nasz heto moéê.

28 Na tā matšepavhonecōzesz moéê Maheo  
hen hizešēva zéhoneo toxtó na mávōna zeēsta-  
hame hononstovå, tonitāe nimeohamhēpeho-  
neosāevosz: hovéno onissyometanoéhasz?

29 Na nivenoxzeánov hovae zemessess na  
hovae zemaness na matoheva niveôzetanox-  
zevhemê.

30 Nitao hetahānezevoz nitao hestaneo hes-  
tanovå zénoxzeomevosz: na ehévo eheneéna  
zehešeohemátomassēs sz heto hováeoz.

31 Na onitáz nimenoxzeomovonovo heszhes-  
tanov Maheo, na nitao heto hovaeoz nszhona-  
ovametanenovoz.

32 Niveētóta, zetxkomxetto: enahāne zén  
ehevo hepavetanoxtoz zemetaéss hevehonsta-  
novestoz.

33 Oxtova zeaenomass, meáhå méátotoz:  
mhonevomotaáz kaemstotoz zeoxksaamavaoha-  
nehēs sz, hāovástoz táto heama zsaanit'neoze-

hán, zeoxksaahahanénēs nhāno nomazeeo na mato zsaatotóñševēs méscéss.

34 Ota t'sa nsthāovhastovevo zéxota hana-hāne nszthahevo mato.

35 Niakozehestovévo hakozeehā nivohokse-nanistovevo ohassénehā.

36 Na táma ninēhovstovevo tass hetaneo zetonōmóss hevehonamevo máneevhaesz'neszz zistaevistōmazenovet's: mañxhóénezz, mánsko-konozz nszeonstanomevovo séeya.

37 Ahā nah hozeon Zenithāsz mañxhoénsz zeméovóss zetonōmaess: nionissyomnettazem zeakozēhenáz zamstoessō zistossemesset's na zen'meéno zevozenohómevo.

38 Na mañxhoénsz nixa zexhoōstaz na matoheva náha na mátonešmeovoz ahā nhe hóze-onō.

39 Na heto heneenom, nah zenithátto mhayo mxhéneénonhō zešhoōstaz kokoyasseo nomázeeono zetosešhoénet's, enistatonōmo na em'saatoñšestaxetôz hemhayo.

40 Hapo tama nistanhešnonotoháe zehēhya-hetōsz hetano enst'sehoéne zešhoōsta zsaame-haneše-anohéss.

41 Neš Peter eszettohōn: Zenithátto mo ni-mēstomevemenon nanēhovhemē heto hōtaheo na matheva nistxuit's?

42 Na Zenithāsz eszehō: Nivae nah zeoniss-



yomeotoxovāsz hozeo, nhe zenithāziss zenones-  
hās hemháyo zeoxcevozenohomotxeveziss mes-  
sestov zehešhonetóexovez?

43 Ahā nah hozeo, zenithāziss zenxhoénet's  
zemeōsz zezheševsz.

44 Hetomestoz ninettazenov zenithāman-  
hāe zenithátomov nitao zéaeno.

45 Na nah hozeo zezēsš hesztháheva: Ze-  
nithāsz ehestomáhe zenstoshócoxz, na zeasse-  
veéónó hetanohestozeon na héeo na méssēsš  
na mansz na tomenšahansešsz.

46 Zenithāziss zeñxhoéne ešēva zsaaešenox-  
zevōmoes nhe hozeo, na zešhoōstaz zsaaešenha-  
etanōs, na zetāéšē na zevhestanāe zessaaoniss-  
yomátaeonevhess.

47 Na nah hozeo zeheneénomovot's Zenit-  
hāziss hetšetanoxtoz na zenhešsaaexanazēsš, na  
matheva zsaaneševévohesz hetšetanoxtoz zeam-  
hanoz hāsto veheohestotoz.

48 Na zsaaheneenohēsš, na zeneševsz ho-  
váeoz zemevešhesso veheohestotoz zevešehō-  
menoz txkomo. Na nah nivasz hápe zemezz  
niahāne hápe zhoaztomoesz: na nah hetano  
mahā zenoneshās niahāné mahā zevēstomōsz

49 Nahoeméa hóesta hóeva; na tah maešea-  
āzeexhoass?

50 Naaena eōstaovatoz zistossevešeeostaetto  
na tā zehešēōzetanonamstahaetto tae éšeexan!

51 Ehoemea nanovazestoz hoeva nihesse-  
tameme? Ninettazeme: Hovahan, onitáz onis-  
sóvastoz.

52 Na neš hezezea zeoxcenohonhestanoveo  
nasz. mhayon zeonissovháso, zenáhetovovo  
niš: na zenísetovovo nahé!

53 Zehehestovsz zeóniztovo hēhya: na hē-  
hya zeóniztōe: zehescestovsz zeóniztovo hesto-  
na, na hestóna zeóniztōe: zehevescemestovsz ze-  
óniztovo hevéxa: na hevexa zeóniztōe hevescem.

54 Na mato eszettohōn vostano: óvoxtomās-  
sēsz vóe ón'mehōstasz hešie zetašetaénsz, seeya  
nizhemě, eneamooko: na etónhesso.

55 Na nomhasto onxhestasz āhavhan zénš-  
hota nioxchemě, na hotaz eneoxcetóhónesso.

56 Vhanenessemaneehasz nioxcheneénanov  
zehesso vóe na hóe, na tah hena zsaahesshene-  
enomāhess heto zéxoveva?

57 Na tā henāe tāma nissaanótoveōhaztō-  
novó zépeva?

58 Mataoxcezeševessevōz zetotonsetamata  
hoemanistovā zetaešeaménetto nonaxetanoz ze-  
mehešvostanevázetto nstaoxhooza hoemaossa-  
nistovā na hoemaossane, nsthaozéa matanaeve-  
hoeno na matanaeveho nszeēstahama aenonem-  
hayon.

59 Ninettaz nszaatonševhahōéne táe maeše-  
vāsenanóm zetohooxzcemakātaematom.



## CHAPTER 13.

1 Nはん hosz éveazehōn zexhótahaōs Galilee-hetaneo heszemaemevo Pilatas zexešenoanet's heostōonehevo.

2 Na Jesus eszettōhōn: zeto Galilee hetaneo enocenanoss hāhavsevoetaeoneveo zeoxēstxuit's Galilee-hetaneo nihessetamovó, tass heto zeevhess zetoomenevoss hovaéstov?

3 Hováhan ninettazeme: na óha másaaanovetanoss nsthavsevevo, hapo nszetoñšmāovanēhemě.

4 Na matheva nah matót-ōtnanót zistaxeanaoz zhéssemhayo Siloam na zēnahaess énochāhavsevoetaeoneveo zeoxēstxuit's hetano zeēváziss Yexušalemo nihessetamovovo?

5 Hováhan ninettazeme: na óha másaaanovetanoss nsthavsevevo, hapo nszetoñšmāovanēhemě.

6 Na énohótahaovhōn heto hótahēo: nasz hetan oxzenan voxkōhemenóe hestópāehemenohēšie, na zeñxhoenoxzevoxta voxkōhemenoz essaameôno hovae.

7 Oxzettoss zenithátōeziss hestópāehemenohēšieame: ota heto náhe yáe naoxchoenozeanoz voxkōhemenoz zeto voxkohemenoeva na hováe naoxksameo: ávōxz: hena zehessvovónešetom hóeva?

8 Na zēnōstovōss eszettōhōn: Zenithátto,

ešeñshezeoxz heto āneva, nataešenimáevosso na mataešeohóssohå.

9 Na mxhoēto, zepeva: na masaahoētohan nheš nhāno tamoneavomeo.

10 Na évovistomossenehō noka maxemanō-estov maheonešēva.

11 Na ota nasz héẽ hematassoomae ešhā-moxtaehōn matótoyaẽ ótnanótoyāe, na exavox-kaehō, eoxksaanoxtovohāehō.

12 Na Jesus zévōmōss eonōmohōn na eszet-tohōn: héẽ, nišexanan nitotonstaxtoz.

13 Na heázeneva estóénohōn, na seeya es-toēvhaxanováeho na éveševoešetanonhōn Maheono.

14 Na zenithāsz maxemanoēstova énōstahó, zexohastahaons, heto zeheševostanevstomanet's Jesuseva maheonešēva, na eszettohōn vostano: enassótansz ešensz hetaneo zemeoxcešhozeve-voss: nexoveva nioxceēveehozeemetovaz na oha maheonešēva hovahan.

15 Zenithāsz neš enōstovohōn na eszettohōn: vhanenhessemane, tah nasz nioxksaaoneaenôvo nsthotoamevo, na nivohoktaamevo mohénoham-mhayon nioxksaaseoneanôvo maheonešēva?

16 Na tā zeto héẽ zehešestonās Abraham zetohoetoss Satan heto matótoyāe ótnanóto-yāe, emessaaoneaenhé heto zémaheonešēvez?

17 Na neš zehešeēvenhēs heto hováeož nist-



xuit's zeóniztōes estaneéhōn, na nistxevoŝs vos-taneo épavetanohōn nitao zepevaezēs zéneš-vovóneševs.

18 Na neš eszehō: henova emeevezhovanetto zehesso heszhestanov Maheo? Na mato henova emevešseetostomo?

19 Tass enhéŝso zehešemenoe xamahoxzeze hestaheme vostano ehestano na ēnāno hesthoe-oneva, na exhone na etaešeemaxhoxzezeveoxz na vekseo héama, nitao emaevhôssonaneo nitao hestāenova.

20 Na exhossezehō: taxa hena emetaevezhovanetto zehesso heszhestanov Maheo?

21 Tass enhéŝso zehesso póhaneo, hée zehestano na zeátohano náha enhoyoneva ben'no-yo táe nitāo zehešpóhane.

22 Na zestaamsópéns mǎoestov na momenohestanova évovistomossenehō na zistatoxovistavoss Yexušalemo.

23 Neš nasz eszettaehōn: Zenithátto: txkom etosevostanevevo? Na eszetttohōn:

24 Onisshessēszéne zemasseoc hestaetta: zhāenōeo nihettazeme zenoxzeoss ēszenistoz na zsaameônov.

25 Na neš zenithāsz mhayon maohāsz na maešhōno henito na anhóss mánheess na nszekokonanov henito, Zenithátto, Zenithátto, onstanomevemenon nszheme na nszezhešnōstōevo

na nszezettāevo: nissaaheneenovazehemě zexhéstass.

26 Neš nszeassezhemě: nioxcevesseanamazemenon na nioxcevisthōvoemazemenon, na nioxcevovistomossan zeōmepopootto maostovā.

27 Zeoxtovazevō: ninettazeme nissaaheneénovazeheme zexhestass; tahassenōx nešezeéhasz havseveva.

28 Zeomomevónō na zekokoonenešenátov nszevōmovo Abraham na Isaac na Yakobon na nistxevoss ovháneheo zexhestanovet's Maheo mávhestanovevoz mánochōstananetto tāma.

29 Na zeñxeóxzeo hessenhasto, na onxsovon na notam, na sovon na zhamstōeo heszhestanov Maheo.

30 Na otā zehestoxēess zevovoaéo na zevovōaess zestoxeeo.

31 Héne tóeševa eñxhōoehōn hosz Phariseehetaneo ñševhōénsz, taasseoxzz exettaehōn, Hexod nitosenaha.

32 Na eszettōhōn: tahenetto tato hókom: ota nahōēstanō havsevematassooma na naenoēstoman heto ešēva na mávōna na zenahonetto eš nazhoxeae.

33 Na nat'seeñšeamēn heto eševa na mávōna na hosse ešēva; na emessaanhessóhan zeoxtossešenás ovhánhe nhéno Yexušalemō.



34 Yexušalemo, Yexušalemo zeoxcenahoss ovhanheéo na ohónaeva zeoxceahanônoss zenmetanettoss: tass zeoxtoxchešmoheanatanoto-vono ninissoneo hátono hezenōne nioxcettāomenisaaamata.

35 Ota nimhayon enōhe ehāomeoe. Na onissyometto ninettaz: nszaavōmé, tae nexoveva zhešezetto: ahā nhe zénvešhoénsz hevehestovå Zenitháziss.

## CHAPTER 14.

1 Na neš zexhonexov zestaēszéns hemháyon nasz zevehoneveziss Pharisee-hetaneo zéves-zeoovaemoss maheonešēva éneevavōmovhon,

2 Na ota hetanó nasz exhoehōn zehetaēs émamápevmxsého (móvešepohoxsémáp) exohāmoxtaehō.

3 Na Jesus zénōstovoss eszettohōn hoemaneeo na Pharisee-hetaneo: emepevae enoēsoostov (enomoxtastomanistov) maheonešēva?

4 Na exekotoneāehōn. Na exhestanohōn eenoēohōn (eenomoxtasohōn) na estāenanonōn.

5 Na énōstovóhōn, eszettohōn, taxa, nivāa hevohoktaham na matheva hesthotoamo zeēse-anaozz votaenon maheoneševa, seeya zemessaanitanhōsz?

6 Na eśsaahosstoñšnōstovovoeohōn heto hovaeoz.

7 Na exóstanó hótáheo nah zeonōmess zeeš-neevázeoss zehešmomesseaoťs zépavaez hōstoz eszettōhōn:

8 Maonōmanetto hevistōmazestov hetan, nszevehamstō zenanossepéva hōstoz: zenonax-hépepevatamsz hetan zehexóvevōss zenoeonōmaēs.

9 Na nah zeonōmata na zenoeonōmsz zhoé-neo nszezetaē: metomevehā zeto hetan, na nszenonópatane matanonohonohōetom zenoc-havseva hōstoz.

10 Onitáz mātonešeonōmanetto hezénsz na hamstōsz zehooxhavseva hōstoz: nonópa zeonōmata mxhoénsz nszezetta: hóva, vaoxtamazézénsz: neš tass nszemhononoataman zehestō-esto zévesseanāmanetto.

11 Nah zetaomeonoatamaz zeanhovane na zeanovatamaz tāma zeonoatame.

12 Na eszettōhōn mat zemootāes, mámessemanetto sitoešēva na matheva hetoeva nive-mootō nivōhestoto na ésono heva mat nszhetanivōhestoto na heva mat zehāovas éssenco, nszeēveevha-oxtoqvamoota na tass nszeevhahe-netanomō.

13 Na onitáz mámessemanetto mooxenan, nstamenōheo, zenonoatamass zeheneškoxtass, zeooenesso.

14 Na nszevešaxanehe; nimesaeevhatoñš-



evanešetōhevo (zehešemootoss) nszemonēvhaoninxomon maevhaohāevoz zepevássó.

15 Na nasz zevesseanamās zénistomonetot's heto hovaeoz eszettaehōn: ahā nah zevessemesz kókonoyo heszhestanová Maheo.

16 Neš eszettohōn: nasz hetan émaxemessestomanehō hetoeva na eñxmootōn hāest.

17 Na estanešenenánōn hesthozeon zexhonexovez zetosešmessestov estāzettozenohōn zemohézesso nínāss, nitao hovaeoz ešeexanensz hezezea.

18 Na nistxevoss seetoeš, eassnonahoanehōn. Nasz eszettaehōn: nahoxtova hosz hóe, na natatoshestomeheveoxta: niešeñšenizeovsz.

19 Na mato nasz eszehō naheoxtovanotto noho hotoa zeoxcestohoss na nataheonistatamō: niešeñšenizeovsz!

20 Na mato nasz eszeho: namonevistōmo nāzheém na nassaahesstoñšhooxze.

21 Na nhe hozeo zeñxhoéns na zémēstomevöss zenitháziss heto hovaeoz. Neš zenithasz mhayon zexhavsevestahaoz eszettohōn hesthozeono: tanonotovhoaxsz: tazeōsz zépopooto zeōmsópo niñxeēséotšenan, nstamenōheo, zenonootamass, zenónikáссо na zeooenesso.

22 Na zehozeonevsz eszehō: zenithátto, ēshennesso zéhetto na eaázésómahaeneota.

23 Na zenithász eszettohōn zehozeoneveziss:

tazešhōénsz meon na zistaomoo nimomataēse-  
otšenan, nonópa namhayo zeohotomoená.

24 Nonópa nasz nah hetaneo zemehamo-  
óess zsaahokooneátônov zemestovet's hetōeva  
nihettazeme.

25 Na nhâ emaxháenōehōn zistaomevesse-  
vās na exhootoohō na eszettohōn:

26 Heva nasz hetan zen'nhaoxzevasz, na  
zsaansetamosz hēhyo, na hesc, na heszheém na  
henissono, na hevissono, na heaxāeheme, hēhe  
na hevostanehevestoz mato, namessaahevovis-  
tomosseonehenoz.

27 Na nah zsaahestanōsz hesthotxasehoestoz  
(hestāomeo) namessaahoeōe, namessaahevovis-  
tomosseonehenoz.

28 Na nivās zetosemaniszz sóomemhayo ze-  
messaavovoehamstōsz, na zemessaahostōsz ze-  
tosetōemez tah emeohoxtamesto zistoseešeman-  
het's?

29 Nonópa zehešeenáno hoomaossenistoz na  
emessaaevhozexanô nitao zeveoxtozess emes-  
saaohazettōehō:

30 Zeto hetan eassemháyonan, na essaatoñs-  
ešemansze, zsaahettaehō.

31 Na matheva nivā zemaxevehonevsz ze-  
toshemeotot's nasz mato zemaxevehoneveziss,  
zemessaavovoehamsthōsz, na zemessaaonisthoe-  
manēsz tah zemešeonissyomevešethoeovot's



matótoa matótno zeñvešethoeōs nissó matótno?

32 Na matheva, tato zeñxešsóeaménet's hāeš zetašhenēnānot's nanomonevomotxevae zistá-hozevazto nanovazestoz.

33 Hapo vezeno nohasse zenēvaevetto zsaa-nooxtóhetto nitao zeaenomo nimessaahoeove.

34 Voxbomáz epéva, na voxbomáz vevone-ōsz zevešenēno, t'sa tah emehesseenohēenesz.

35 Essaapevaehan oēnan hoeva; na matheva honoan oxaoseva; ehōstahame anoss. Nah hestovōetoz zevešenistomonsz ñšeahátomonehå.

## CHAPTER 15.

1 Neš émassomohēotaehōn nistxuit's hoe-maneeo na hatavsevoētaheon zexeaátōs.

2 Na Pharisee-hetaneo na mxuistonetaneo estotonšenehōn: zeto hetan eoxcemasseztovō hatavsevoētaheo na eoxcevesseanamō.

3 Na exōstomevono heto hótaheo, eszehō:

4 Nivaess hetan zehestxuiiss noka zematót-noeamotot's g'san, zevoneotot's nasz, zsaanootoesz soótnóe nā soót tohóvẽ, na zetanoxzeovot's zevoneozeziss, tae zemeovot's?

5 Na neš zehešemeovōss zetaxšemetot's hestamōn zevoešetanot's.

6 Na neš zeñxhooxz zemanoeonōmot's hevohestotō na lievisthozemaōn zezettot's: nivessevoešetanomẽ, naešemeovo nag'sāmẽ zēmehae-voneozz.

7 Ninettazeme hapo vezen zeneševōešetanoxtov heamā nasz hatavsevoētaheo zeveše-anovetanot's hesthavs, zemehexovetanoxtovez hevetovevo soótnóe na soót xanovevostanehevess, hovae havs zsaavešhessanovetanohess.

8 Matheva nivās héē zematótomakátaemat's voneosz nasz zemessaazeosz, vohoksenanistoz na zemessaamxeósz mhayo, na zemessaanoxzeósz aninōs táe zemeā?

9 Na neš zehešemeo zemanoeonōmot's hevōestotō na hevisthozemaōno zezettot's; voešetanomē ota naeševhaméa makáta zémehavoneoszetto.

10 Hapo vezeno ninettazeme: enāhan eneševoešetanoxtov Maheo hestozeon hevetovevo nasz hatavsevoētaheo zéveše-anovetanoss hesthavs.

11 Na eszeho: nasz hetane énišsōénehō:

12 Na zehāaxcetta eszettōhōn hēhyo: niho, nímezz zehetaeaenom hovae: Na émetaeno zehetaoovaheš.

13 Na zehešsaahastoenoeanehez zehaaxcetta émanooxboanenehō, na estāšsetoxovistavā hāeš zenitaez hóe, na nhāno évonenozenó nitao heszeoxz zsaaonokotaes.

14 Na zehešematan nitao heszeoxz, émaxeponaostovenéo nhāno hestanova: na neš éasseohemaeho.



15 Na estaassehō évhestanazemhōn hetano nháno hestanovå: na estaoxcešemeatōehōn hoeoneva estaoxceoxomohōn hešksehessehotam.

16 Na eoxcetóevessohotomoenatatano hetoñš hestōmosz hešksehessehotam zemessezsz; na hovane vostane eoxcsaaoxomaheehōn.

17 Na neš zémessēoz zémassoēvemeetanõss, eszeho: na nohassetonstxevo nihoe hestozeon zeoxcenassoenoziiss na zeoxceaázeosseneziiss, na zetosešeavōnetto.

18 Nataohā na natanhaoxzevo nihoe na natazetto, niho! nataēvhataavsevoētaeta heama na etove.

19 Na nimesaaevhatoñšpavhēhyaetové: hoxstansz nsthozeoneva.

20 Na eohāeho na eñxhoeoxzetovohōn hēhyo. Na zénsoeameoxz hakohaeš hēhyo estavōmaehōn, na estšivatamaehōn na estaassetaxehō na estahekozenaehōn na évxsemaehōn.

21 Na hēhya eszettaehōn: niho, nataēvhavsevoetaeta heama na etoveva: na nassaaevhanexo-vepeva zemehestoes nēhya.

22 Na ohatōs hēhyo, eszettozenohōn hestozeon: nihozea zenocepevasz hōmå na nhōmana, ēstanomova moešq hemoeškoneva, na moçanoz heszehesseva.

23 Na nixhozéa ohomå zeešeomesz moksa na naha: na nstamevon na nstahetotanhemå.

24 Zeto nāha émehaenā na ešēvhaametane-  
ne, émehavoneoz, na ešēvhaméoe na eassheto-  
tāetanohōn.

25 Zemahaettaziss hēhya hoeoneva mosta-  
ēvnevho na zeñxhoéns na zeñxhahaneoxto  
mhayo, énistanoho nemenistoz na mātāotoz.

26 Na estaonōmohōn nasz hozeono na énoz-  
tovohōn, henova heto zeēvhessezhesso hovaeoz?

27 Na eszettaehōn: essimá ešhoéne na éyo  
énaho zeešeomeziss moksaeo zeevhaešševōmōss  
hēhya zeametanenet's na zépevat's.

28 Na exhavsevastaozehō, na estsaaēszoneehō:  
na eñxhōénehōn hēhyo, na eēsenenahēhōn.

29 Na énōstovohōn eszettohōn hēhyo: ota  
heto hasto yā niaenevessevaz na nassaazeše-  
nonistaetô toneš nsthoemanistoz; na heva nis-  
saazešemezenoz gsāesson, nonópa namevešvess-  
hetotanemō nissēneo.

30 Na ota zetoēvhaešhoéns zeto nēhya ze-  
massevessevonenoemot's nivostanehevestoz  
masshao, zehešenatōtahōss zehešeomeziss mok-  
saeó.

31 Na eszettohōn: nāhā, niaenevhestanove-  
me, na nitao zehetāeaenomē nszeoxz.

32 Et'seepéva zešhetotaemanszez, na zépe-  
vetanoz: ota zeto essima émehaenāe na ēše-  
vhaametanen na émehaenāe na ēševhaameta-  
nen na émehavoneoz na ešēvhaméoe.



## CHAPTER 16.

1 Na mato eszettōhōn hevovistomosseon, nasz zexhāōvász hetan, na nhé hetan ehestoe enithāmo na vezeno nhe émōmaxemehō zehešematoesz nitao heszeoxz.

2 Na eonōmohōn na eszettōhōn: Tah etonhesso heto zenistomonetovaz? Nímassoóestoz, nímeestoz nínitátseo, nstsaaevhañšenanitatô nāeneó.

3 Na zeto zenithász eszhešetanohō: nāta-toñšezemass? nanitáhame zetosešhestanomōs nanitastoz? nassaanótovevossōne; ēvevēstomoestoz natanevazesta.

4 Naešheneéna zetaešezetto: nano neš mataehōstanasz nanitastov, nonópa nazemasseonōmā hevénovevo.

5 Estaossāneonōmohōn nistxuit's henitáhamo zehetāenistastanenet's na eszettōhōn nasz: tonstoa niamhassen nanitáham hevez?

6 Na eszehō: matótnóe henohyoneva amšc. Na eszettōhōn: hestanoz nimxuistō na nonotovhamstōsz na amázz nohonó.

7 Neš exhossezettōhōn mato nasz: Tonstóã niamhassen hapo? na eszehō matótnoe henohyoneva ben'noyo. Na eszettōhōn; hestanoz nimxuistō na amázz nanótnóe.

8 Na zenithász épevatamohōn zsaaxanovaheziss zetoenitaziss zehešeotoxovenonaxetanoz:

kašgoneo heto hestanova ehépeōcéo zehexovat's kašgoneo nēvóně hemanhistanov.

9 Na ninettazeme, nimakātaemevo veševō hestonaovaz nonópa mxovāneess, nszhétotahestananhemě zeaenhestanovstov.

10 Nah zeōénovazesta hovae hāaxce, eōé-novazesta hovāe mato zeoxmahāoz: na zsaaxanovhátosz hovae taxce mato emessaaxanováeto hovāe mahá?

11 Na ota massaaōénovaztomahéss zsaapevaehan hāovastoz, niva emenoneshāess zeonissyomōz hāovastoz?

12 Na ota mato mātossaaōénovaztomahess hato zenitasz hetan heszeoxz nivae zemetaess tama nszhovevo?

13 Hovane hozeo emessaahozoevomotaheo niš zenithāziss; nasz emensetamo na nasz ememehoto, na matheva emeaátovó nasz na emepéoto nasz: nimesaatoñšemehotôvo Maheo na hāovastxe séetoeš.

14 Na Pharisee-hetaneo mato zehozevatanohenevess zénistomónevóss nitao heto hovaeoz exōhazetovovhōn.

15 Na eszettāevohōn: ninēhovhemě zeta-omexanovemanázess hevōsseonevo hetaneo, ax Maheo eheneenanoz nsztáhevoz; hān hovāe zehōvaepevatame zexhetanevstov etahāeoxstata-me hevōsseōneva Maheo.



16 Hoemanistoz na ovhanheeo émehanēove tãe zexešhoaoss John: nano nexoveva eñxhesse-assetotoxeme hevehonstanova Maheo, na nitao hetan emomátaēseméoe.

17 Na ehépeanattō heama na hoe emiehešasseoz, heva nasz zecemxeo hoemanistoz eme-hešhozeoz.

18 Na voston zevoohoettotš heszheémo na zehossevistōmot's zenitaziss zeōcetovazistovez eneševe; na nah zetóevistōmot's zevoohoettaeziss hēham eneševe zeōcetovazistovez.—

19 Nasz hetan exhāováhō exhoneōvohōn otatavšeonōmō na zepevaziss vokomšeonon, na eoxchetotaáhezehō nistoa ešēva,

20 Na nasz hozenomoēho Lazaxus exešveehō, eššešenáhōn heszenitōneheva émaemanitāo.

21 Na exhoano oxomazistoz evxseonoz zeox-cemahesseanaozēs hetaxemessetov zehāovasz: na mato hotame exhōottaehōn na éneótozenhōnoz heszemanitátotoz.

22 Na eñxhonexovenéō nhe hozenomoēho énāeho na estaevhónenāehōn hozeon zeheszemēneziss nxsetto Abrahameva hevez: zehāovasz hetan hapo énaehō na eátohoehō.

23 Na Eavôno eñxhesseataōhō zeñšenavoomenēs: na éñvōmohōn Abrahameva hako haeš, na eaázenohoenhōn Lazaxuseva.

24 Na estamaxehahehō na eszehō: niho Abraham niššivatamsz niszhešenēnaxehā Lazaxus zeñxhesseomanó honoc moeškon mápeva na zenstohōvoxz navitanov; nataohāháe hezen hostava.

25 Abraham eszehō: nāhā meetanoz hane zésóeametanenetto niamhānoz zepévaezesz hovaeoz na hapo vezen Lazaxus zehavsevaezesz hovaeoz: na hezezea evovoešeme na nihāomene.

26 Na heto mato tah sitov nitovan na ninēhov emaxeox zemanée; zeo zemetaēszniss emessaatoñšexovneehō, na matheva nhāno zeñxēszniss.

27 Neš eszehō; nihāônato vaz ota niho tanešenēnaxehā nihoevao hemhayon.

28 Enohoneo nisson: zetamestómevo, ockettó zeñvessezeoxzehō zexhāomenestovez.

29 Abrahameva eszettaehōn: eaenomov Mošeeva heēszestoz na ovhanheeo; haátomovovoha.

30 Na eszehō: Hovahan niho Abraham, nasz tahehótahaoevoz zeešenāeziss zeonissyomátao zevešeanovetanonov hesthavsevevo.

31 Na eszettaehōn: massāátomovoevot's Mošeeva heēszestoz na hovanheeo, na móna emenešēševameo hēva nasz hoēvhaohāzz zeešenāeziss.



## CHAPTER 17.

1 Neš eszettōhōn hevovistomosseon: emessaatoñšhozenessohan atohosszestotoz zhoénet-tonsz: ohāomenhetan zeñxhesthōénetto.

2 Emepevaez tōhezz peenenevohonā hesze-oz na seahamsz zémaomoeház tass emenezeōsz atooxnoz nasze zeto zetocahezess.

3 Ohaetanotovaz: essess maatoēata, vehoetō: na maevhavešeanovetanot's hesthavs, vonanovō zeoxešéata.

4 Na maatoēata nissótoa noka ešēva na nissótoa noka eševa maevhanoxzotata mázēs: navešeanovetan nathavs; nszevonanomevo zeoxeševs.

5 Na vovistomosseon eszettovhōn Zenitāziss, honaovemaniszz naonissyometanótonan.

6 Na Zenithās eszehe: heva nionissyometanoxtovevo ozetāo zehetāhoxzezehestaéme nimezettovo zeto vešceehemen: nit'sēmaozz, na taneoxz zémaomoeáz na nszetóeamatōevo.

7 Tah nivāso zehestxuiss hestozeon zepenomaxovazz heva zeoxomozz zenstoexoveoxzet's hoeoneva: tazezénsz na tahamstōsz tamsēs;

8 Na emesaaonitāzzettōsz: nistapevanoz zetosemessetto, na hakozehenazz na nivozenohomevsz táe nátaešemesse na nátaešenomen, na nstamonestoxemesse na nstanomen?

9 Hahō ehettovo nhe hozeon zehešeneše-

vet's hovaeoz zezehozezesz? Zovahanehez.

10 Tass hapo vezen maešemáneševess nitao hovaeoz zehetanéttozetaniss, nissaahoozetose-onevhozehonevhemå, niešeneševhemå mamáta nineševstonan nszenešhemě.

11 Na zeñxhonexovez zisthass Yexušalemo estāmsópnehō Samaxonen Galileeno.

12 Na zistaēszéns māoevehoen, ensthóeōehōn matóto hetano zeōevezesso ěn'nhehōn vohēs.

13 Na ěnmahaeēszehōn, na ěnszehōn: Jesus, Zenithatto nišivitamemeno.

14 Na neš zévōmoss eszettohōn: tazeoxz tavōsázetovaz maheonhetan hevez. Na zeñxhonest zistañšenahassevoss ěmaehoxehaehōn, zeéneōevevóss.

15 Na nasz zistavoxto zehešhoxeās, estaevhaozehō estamaháehahehō zépavatamanoótóss Maheono.

16 Na estapōešenahō zehešeátāoet's haho zistaešemetoss: na moxhestahe Samaxhetaneo.

17 Na Jesus zénōstovóss eszehō: Motóto na essaahoxeanevo? Na tāsevōn soót?

18 Zsaameóhess zeevhapevatamanootoss Maheono, ota zeto hestōevostan?

19 Na eszettohōn: ohász tanāseoxzz nionissyomátatoz nihoxeana.

20 Na neš zénoztōs Pharisee-hetaneo toneš



heszhestanov Maheo zhóenettoz énōstovohōn:  
heszhestanov Maheo zsaahonessohan maxe-  
vōsseoneva.

21 Na mato zsaazenovhan: ota zéo, na ota  
tāno! óta heszhestanov Maheo nihoneanov eto-  
vevo.

22 Na eszettohōn hevovistomosseon: eši-  
ensz zeñxhoénettons nszevoxtatanotanov nasz  
eš heešieámóz zexhēhyaētōsz hetano, na nszaa-  
vōxtōnov.

23 Na nszezettaevō: ota heto, na ota hato:  
stavenēšeneovovo na matheva nszevehoeovovo.

24 Tass hoetaxtoz zénvohoasseoestax t'sa  
noka vōeva zetaešhovohóyohovatto, t'sa hako  
hátono voeva, hapo vezen zenhesta zehehyaē-  
tōsz hetano heešieám mxohōstaz.

25 Na vovōenotto et'sēhestoomenenoz hāst  
hovaeoz, na epéoē heto manhestanov.

26 Na tass zexessešiensz zévostanehevs Nōx,  
hapo zenhessonsz ešiensz zehēhyaetōsz hetano  
heešieameva.

27 Emesseo, énomeneo, évistōmovō mazé-  
hemo, émeatoveo vistōmazestova, táe ešēva  
Nōx zeēszéns sémoneva na zemaovatto exhoé-  
netto na évonenotāenov nistxevoss.

28 Hapo vezen zexhessoz heešieamoz Lot:  
émesseo, énomeneo, exhótovā, na eēvhahótovā,  
eénanóeo émhayonaneo.

29 Hen heto ešēva zistasthōéns Sodom, exhookonéo hoesta na eovohonaevhoesta heamā na évonenotāenov nistxevoss:

30 Na hapo zet'sēhezess ešēva neš manšto-meénsz zehēhyaetōsz hetano mañxhotxansz.

31 Hen ešēva zeēvensz heamemhayon na heszeoxz hotóma hemhayon zeotaz, zenvēeanhôn zevēeasseozēs: na zeēvensz hesthoeoneva, hapo vezen zenvenešeevhaóxz.

32 Meetanotováma Lot heszhéem!

33 Náh zevostanevstatanota hevostanehevestoz zevoneōsz: na nah zevoneosz hevostanehevestoz zevostanevesz.

34 Nitanéttazeme, heto tāeva vostaneo zeníšešenass, nasz hestōmoxz: nasz zhestane na nasz zenootane.

35 Niš héeo zeníšepeñeneniss; nasz zhestane na nasz zenootane.

36 Niš hetaneo zeēvneo hoeoneva: nasz zhestane na nasz zenootane.

37 Na zénōstovovoss na eszettovhōn; t'sa Zenithatto? Na eszettaevohōn: t'sa mavōxz zeévé, nhano zešemohēoxzeo nizeóō.

## CHAPTER 18.

1 Na exhótahaovhōn heto hótaheo hetaneo, emeoxchāoena mesēto, na emeoxksaanínitameheo.

2 Eszetótahanehō: táno māoevehoeno hóe-



mane évisthoehō zsaaēátovosz Maheono, na matheva zsaapapasshessetamōsz hetanó.

3 Na nháno mato evisthōehō maoevehoenō otxāhée, na eñxhoezettaehōn pavanomotaxsz meoevomotaxsz zešetotonsetamasz.

4 Na essaanaxeamátovaehōn, na mavheš eszešetanohōn: naoxsaaēátovo Maheo na papass nassaahessetamo hetan,

5 Hama zeto otxāhée zeôzetanohás natameoevomotaho, nazeoxmavetanoha máneoxceaenhezeoxzz.

6 Na Zenithász eszehō: haátomova zsaaexanovász hóemane zehēs.

7 Na tah Maheo zsaameoevomotaevo tāma hemonistoto zeomomōenatōs óešēva na totāeva, eoxkanomeoxksaanaxnistovohe.

8 Ninettazeme, zenehemeoevomota. Aázevetto mañxhoénsz zehēhyaetōsz hetano zeméa onissyomhátatóz hōeva?

9 Na exōstomevono heto hótahéo hosz zeoxcetaomeniétametovazezess zehešepevavoss na zepéotoss zenitaziss:

10 Niš hétaneo estāehasshōn hotoma maheonemhayon zistāhāônavoss: nasz Pharisee-hetan na nasz hóemane zeōcēs.

11 Na Pharisee-hetan énhēho na exhāônao eszethāônavomotaázeho: Maheo hahō nihettaztass zehešsaavessenhestahetto hosz hétaneo ze-

hestavõss õcetsaneheo sānanonetaneheo, ēocé-eon, tass zeto zehestass hoemane zeōcēsš.

12 Naoxceavõn nixa nokamaheonešēva, na-oxceméa zematótaonetto nitao zehetāeaenom.

13 Na hoemane zeōcēsš én'nhēho vóhēs, heva essaatoñšéatōoehō heama, oha épōešeneheszehō zeszetōenass: Maheo šivatametanutovsz zexhatavsevoētaeonevetto.

14 Ninettazeme zeto hetan estānhôhassō hemhayon éxanovatamehō zeoxhessetams, nhénasz: nitao voston zehetāetaomehāemahaetanotovaz zevovonemāne: na zehetāvovonatamaz zemahaemane.

15 Na exhoeoxzamovhōn meševotto, nonópa zemxano moxhessetamé: na neš hevovistomos-seon zévōmot's éveoettozenohōn.

16 Ohatōs Jesus eonōmohōn na eszehō: niñšenhaoxzevaevoha kašgonhessóno: na nivehōnettoovō: zeahānevo zhestanovess heszhestanov Maheo.

17 Onissyometom heto ninhettazeme, nah zsaahestanōsz heszhestanov Maheon tass zezeceāsz kašgon, zsaatoñševesseēszéne nháno.

18 Na nasz zevehonevezess eszhešenóztovahōn: zepavhátto Zenithátto: nazetoñševe nonópa nazetōhootan aenevostanehevestoz?

19 Na Jesus' eszetttohōn: Hena zehessepevooxetto? Hováne essaapevāe oha nasz, niahāne Maheo.



20 Niheneéna hoemaossanistoz: niveneseve hēōcestoz, nivenitoenahan, nivenomaz, niveās-tomoxtahan, ēátovehå éyo na nisq.

21 Na eszehō: nitāo heto naneaenanoz zeñx-ešeešetto.

22 Na neš Jesus énistomonetto heto hová-eoz eszettohōn: nasz nisoeoheman hováe neševesto: ótovaz nitao zehetaeaenom, na vozenomevenan stamenōheo: na nszeaena hāovhastoz heama: na niszezneo, nixhoeoveo.

23 Na heto zénistomonetto émaxeanoveoze-hō mostaohāovahe.

24 Na neš Jesus zexheneéno zehešemaxeanoveozet's eszehō: etoñšhotoanattoz zehā-ovhass zemehešeeszénevoss zexhestanov Maheono.

25 Etazeanatoz nistaomēevohå emehešsópens vehoeškovohestoz zeotāesozevatoz, zemehex-ovēszéns zehāovasz hetan zexhistanov Maheon.

26 Na zehetaenistomonettomevōss eszehōn: nivaenā tah zenozvostanevēs?

27 Na eszehō hováeoz zehozetanonovēs hetaneo hevetovevo, essaahozetōnozt Maheo.

28 Neš Peter eszehō: otā, naešenooxtanon nitao na nihoeovazemenó.

29 Na eszettohōn: onissyometom ninettazem, hovane hetan zehetaenooxto mhayo heneomeo, heva hevišson heva heszhéem, heva he-

nissoneo hessetovattō heszhestanov Maheono.

30 T'saāmhāesz hastoa tōevhat hez zexove-  
va na hatō hestanova zenstoshoénetto vostane-  
hevestoz áenetto.

31 Neš ešhestanohōn zeótnišezess na eszet-  
tohōn: nitatossashemā Yexušalemo na nitao  
hovaeoz zehetaemxéomevoss ovhanhéeó zisto-  
toxemovōss zehēhyaetōsz hetano zemassomae-  
xan.

32 Zezhešemeatove hestohestanovā zeēve-  
totazetanotoe, na zeēvehētovatoe na zeeveōssea-  
notoe,

33 Na zevehēónovo na zenahovo na zenaha-  
onettoz eš zeevhaohā.

34 Na eśsaahene-énomovonovhōnoz heto  
hovaeoz na heto zenhestot's eátohanomōenovo  
na mato essaahene-énovhōnoz heto zetotoxe-  
mezēs.

35 Na zeñxhonexov hen zeñxhahanéns Yexi-  
ko nasz óóenhetan énphoeho meon eoxcevēs-  
tomoehō.

36 Na zénistō zémaxeametanevōez énoztahō  
henova heto etonesso?

37 Na énistoeho zeto Jesus Nazareth zehes-  
tās, eamén.

38 Na émaxehahehō eszehō: Jesus, zehēhya-  
hetovata David níšivatamsz.

39 Na zetavovoheziss éveeotaehōn eoanoze-



enē'naehōn: oheatōs esthassohamháhahehō: ze-  
hēhyaetovata David, nišivatamsz.

40 Na Jesus énhēhō na énethoemaneō zex-  
hesshoeozet's zénhēs: na gaks zēneešhoeozēs  
énoztōehōn.

41 Nstatoñšetovaz exettaehōn, na eszeho:  
Zenithátto, nátaamhae vōsanistoz.

42 Na Jesus eszettohōn: amhāesz nivōssa-  
nistoz nionissyomátatoz nivostaneva.

43 Na séeya eamháno hevōssanistoz na ex-  
hoeovohōn évoveohōn Maheon: na nitao vos-  
tan zévōxto évoveohōn Maheon.

## CHAPTER 19.

1 Na Jesus eēszneho na estaamsópného  
Yexiko.

2 Na ota nhâ nasz hetan eszheševeehō Zax-  
aos zenitháthoemansz zeōcēs: na exhaōváehō.

3 Na évōmatanotovohōn Jesus, taxa zehes-  
tass mxhessetamoevo. Na mxonotoñševōmot's  
zestonovaovzistovez estazeskstahō.

4 Ma maeto estaešeassetaxehō na estaévon'-  
eho voxkoemenóeva zistosshessevōmoss nháno  
estatossnešsópenéhō, estatossstāeaménehō.

5 Na neš Jesus zexhoéns nhéno estaéatoohō  
na évōmaehōn na eszettaehōn Zaxaos nínono-  
toveanhôvonénsz: heto ešēva natat'sēetosho  
énoz.

6 Na én'nonotoveanhôvonehō na émaxepa-

vetanohō épeve-massestovohōn.

7 Na neš zexheneénomevoss émassetotoñš-nhestanovó eszehōn: ethass etahestovōhaemetō hetano zehatavsevōetaeonevezess.

8 Na Zaxāos éneoveoehō na eszettohōn: Zenitháziss, ota Zenithátto oxe nitao nazeoxz nametonovo nstamenoéo: na héva maēveastom-hestanomevo hovae hetan naevhameto tōhevat niva nistoha.

9 Na Jesus eszettohōn: heto ešēva vostanevazistoz ehoénetto heto mhayon, tass hapo zehēšvesshēhya hetōs Abrahameva.

10 Zehēhyaetōsz hetano ehoén ehenoxzeovó na ehevostanevo zévoneozezess.

11 Na heto zénistomonevoss hováeož ex-hosshonaovhótahaovonovo hótahéo, heto gaks zhešešhoénevoss Yexušalemo na heto moxhovešetanevó séeya zenmeénetto zexhestanov Maheo.

12 Eszetótahaovohōn: nasz hetan zehāovasz estatovistava vohēs hoeva, zestaeamhávomotát's nithástoz hestanov na enstosēvhahoeoxzehō.

13 Na eonōmohōn matót hesthozeon na émetonhōnoz matót makaetansz na eszettohōn: ešhozeoxtom táe zeñxeševhahoeoxzetto.

14 Otaz hevhestanehamo énssetamaehōn, na zistaešeevhaasseoxz estaoeónō heto hostō: zeto



hetan nassaahoanenon namessaanitatōhén.

15 Na zexhonexov neš zeévvhahoeoxz zista-ešeamāes nithastoz hestanov, neš enithoemanehō zeto hesthozeonō zisthasseonōmet's, nah zémetoss makaetansz exhenenatanotano tonesto nistoxs hetan eēševhonaovamhász hestótovátov.

16 Neš nasz évovoezehō: Zenithátto nima-kaetāemē evešhonaoveamhastovensz matót makaetansz.

17 Na eszettohōn: Aha zepavhozeonevetto, zehešhoénovatom hovāe taxce, nithaetoz matotoa zémomeno mhāostov.

18 Na nasz eñxhonaovhoéneho eszeho Zenithátto; nimakaetaemē evešhonaoveamhastovensz nóho makaetansz.

19 Na eszettóhōn hapo vezen nithaetoz hapo noho maoestotoz.

20 Na mato nasz exhoénehō eszehō: Zenithátto, ota hetahān nimakaetāeme zeaenózetto zevehan nevhōenhestov.

21 Niēátovaz zehešohavovoxbonátto zeoxchestanom hovae t'sa zsaaēnanehetto zeoxceoenóetto t'sa zessaaénanoehetto.

22 Na eszettohōn: tāma nszheneva nstavešhoemaotaz hávsevaehoze: niheneéna zehešohaevovoxbonhetanevetto, zeoxchestanenetto zsaaenanehetto zeoxceoenóetto t'sa zsaaénanoehetto.

23 Hena na zehessaameahetto namakaetaemē makaetaemhayo zeevhaeoxzetto namevēsta nonópa zeaenom nazeēvhassemetan.

24 Na eszettohōn nhé zenhēziss hahetto: hestanomeva makaeta na metama zematótomakaetaemaziss.

25 Na eszetovhōn: Zenithátto, ešhematótomakaetaema.

26 Nizettazemē: nistoxs voston zeheáeneonsz zemezz, na zhestanomōe zsaaheaeneonesz, zéoxtaeno zenohestanómoe.

27 Na tato zensetamaes, zeóniztōess dhe zsaaohátōéhess zeoxtosenitátovon dhe hozea na náha zehetaehevo.

28 Na neš zehešezešeēsz estaamevovóneo, zistāehassevoss Yexušalemō.

29 Na zeñxhonexovez neš zénešhahanénsz Bethphage na Bethany zexhāeoomenoz Olives zeheševehettoz, zehāeoomen estaozettohōn niš hevovistomosseon,

30 Eszettohōn: tazeoxz zémāostov māeto nhenó, mataēseoxzess nstaméovovo vohoktahess zetōhe, zsaaesžeštahoetōesz hetano: onehaenohen na niszetōnehanohen.

31 Na heva hetan mánoztōess, hena zehesseonehaenoss? etahān zettohén: Zenitháziss eohemhátō énvēma zistahoetanotōs vohoktáhess.



32 Na nah zetanešenēnāhess esthāssehōn na émeovovhōn zetohešvestomoevoss.

33 Na zeñšeñaonehaenovoss vohoktahesson, zehēstozechēziss eszettaevohōno: hena zehesse-onehaenoss vohoktahess?

34 Na eszettovhōn: Zenithasz eohemhátovó,

35 Na eñxhoeozéhō zexhōs Jesus na estax-šemovhōn heszehenovevo vohoktahessoneva na estahanovhōn Jesuseva.

36 Na zetázéns énešsépšeneovhōn heštone-ōnehevoz méon.

37 Na neš zénešhahanéns zistoešeanhoéns Olives evoomenōeno, nhe maxeametanevonens hevovistomosseon eassépevetanohōn évove-óvhōn Maheono: zémaxehahévoss nitao ohā-tamanoētastotoz zehešeševōxtomevoss.

38 Eszehōn: Aha zemaxevehonevsz zenvéš-hoénsz hevehestová Zenitháziss: hekotomato-nehå heamå na emaxhāpevatamanehå zehépe-heamasz.

39 Na hosz Pharisee-hetaneo zevesseame-tanevonéss eszettaehōn: Zenithátto veheohešenan nivovistomosseon.

40 Na zénōstovoss eszetttohōn: ninettazeme zeto hekotomavōz, ohonāyo emeóniemaxehae-hō.

41 Na neš zeñxhoéns hahettō évehōxtano maoestoz na émemotano.

42 Eszehō mxenehenomot'tāo, heva nitōoxz heva taxce heto niešieám (niešēeme) hováeozenóhonettōsz nszekotomahestov, na ax hezezea niešenohostomónenoz,

43 Ešiensz zeñxhoénettons z nivez, nivēamō nszetatāemenaenetō na nszeoomhō na nszeñxpaō nitao nimaoetto.

44 Na nszeēvšema, nszevešetáo na ninisso-neo mato: na nszaanootāheo nasz heva ohónā zsaataxšetovohe nasz: zehešsaaheneenóhetto nexovevā zexhoešivatamanetto.

45 Na etaēszéneho Maheonemhayon na easshōestxeovohōn nah zeótovazess hotóma: na zeevhaeótovaziss.

46 Eszettohōn: enetxéo "namhayo ehāōnamhayonevesesto: na ninešemanszenov tass nomázeehom.

47 Na évovistomossenehō ōeševa hotoma maheonemhayo na zevehonevess maheonhetaneo na zeoxcemxuistoness na zevehonevess vostonestov évonanatanotōehōn.

48 Na eśsaameonovó zemehešneševévoss: nitao vostano haátatanotōehōn.

## CHAPTER 20.

1 Na zexhonexov noka zévovistomevoss vostano maheonemhayo hanešiensz zexhestohā na zestotoxesto pavhótaheo zevehonevess maheonhetaneo na zeoxcemxuistoness én'nhatovae-



hōn évessevovhōn zémomātaheziss hetano.

2 Na zeēsztovovōss eszettovhōn, nímestomevemenō: nivāso heexoētastovā zēvetanom heto hovaeoz: na mó nivā zezhešemetata heto hóemā.

3 Na zénōstovōss na eszettōhōn: nitanóztovazeme hapo nasz hovae, na nínōstovehen:

4 Heōstaovatoz John eñxhessó heamā na mó hetanistovā?

5 Na zémanóeōhaztomévoss eszehōn: heamā eñxhéssō, hotahettóz nszenszettāen: hena nah zsaahesseonissyomátovohess?

6 Na matheva hotazettóz ehéssō hetanistov, nistxevoss vostaneo nszeneahanōeneo ohonāevā, eonissyomátomovō Johneva zehešeovhanhéevet's.

7 Na eszhešenōstovovhōn: nassaatoñšemes-toenon t'sa eñxhessons.

8 Na Jesus eszettōhōn: na hapo nissaatoñšmēstomevazéhenov hestóemaozevsz zevesszhešezetto heto hováeoz.

9 Neš easshótaaovhōn vostono heto hótahēo: nasz hetan eénanooxtano ópāehemenóše: na estavhanemetono ēnānoeheo, na estazešeasseoxzehō oxs hāeš hoeva estohāexoveehoxtāo.

10 Na zeoxchešeexa hovaeoz estaetozettōhōn hestozeono, nhāno enānoeoenō, nonópa nszenmetaenovoz hosz ópāehemenoz zehessozēesz

nhéno ópāehemenenoeše, hótaz ne enanoeheo éveheónovhōn nhe hozeon na estaevhaassenenánovhōn ponoxta.

11 Na hāetto estahossenešenenánhōn mato nasz hozeónō; exhosseveheónovhōn mato, na estaēvhetanevoēovhōn: na estahosseassenenánovohōn ponoxta.

12 Na hā etsetahossešenenánhōn zenahoneziss: na nhe mato exhossēveéóoñšeovhōn, na exhōstahamovhōn.

13 Neš eszehō zenisthasz ópāehemenóeše: natatoñšezemåss? Tah natameanoz zemehoto nāha: hea zenonaxēátovovo mávōmóvoz.

14 Hotaz neš ēnanoeheō zévōmovoss émanoeohetanohōn eszehōn: zeahānhé zetostóenēhovsz: nēnāsz nitanahon nonópa heto áenēo nszheszhovenon.

15 Na exhōstahamovhōn anoss ópāehemenoeše na énahovōn. Na taxa neš zenithaziss ópāehemenóeše zetoñšetōevosesto.

16 Zeñxhoéne na zevonano zeto enanoeheo na zemeto hen ópāehemenóeše zenitaeziss. Na zenistomonevoss heto eszehōn: zsaanhessonešez!

17 Na évehōmohōn eszehō: heto na hena zemxeo: mhayonaneheo ohōna zepeotovōss vezen niahāne zenithāhoaēs?

18 Nah zevetaxeanaot's hen ohonaeva zeó-



eevoeš, na mato nah zetaxeanaotōsz bāevā zhešpēevoenā.

19 Na zevehonevezess maheonhetaneo na zeoxcemxuistoneziss hén vezeno zessóeamhōstaz kokoyasseho, exhestanatanotōehōn, ota ēēátovovhōn voston exheneenanovo heto zehēs évešhenenhōn.

20 Na éneevavōmovhōn na estanešenenānovhōn neevat'saneon zevhanenhessemaness xanovhetanevstov, zetanonaxeoxevō natavešemomaxemon áéoxestoz hoemanistovā na zemaxevehonevezess hevez.

21 Na énoztovovhōn eszehōn: Zenithátto naheneenanon niēszestoz na nivovistomossan zehešepava na matheva nissaahoamnanotano hovāne oha nivaxtomevovistomossen hemeo Maheo onissyometto.

22 Ēnešepevaehoemā emehešemettōoz enaneo makāta Zēsax na mó hovahan?

23 Na exheneenomovhōn heōcēstovevo na eszettohōn: hena zehessevonhoaovess havsevevá?

24 Nivōseš macemakaet. Nivaeso hevostanemsz zeamxuešenaziss? zénōstovovōss eszehōn: Zēsax hevostanem.

25 Na eszettohōn: neš evhametatama Zēsax hovaeoz zeheszhovesz, na Maheo hovaeoz zētāomheszhovesz.

26 Na essaatoñševešmomaxemohenovo eēs-zestoz: zématanevonet's vostano na eotōstaz-tomovonovó heto henōstatoz na exhekotomaoē-hōn.

27 Neš exhôotaehōn hosz Sadukihetaneo zenizestaetoss evhaohāestoz, na énoztovovhōn.

28 Eszehōn: Zenithátto, Moše nazetxistō-vaen heva hetan hevišson nāeszz zeheszhéeme-ziss, na zenoossenazess zsaaeshenissoneneheziss na hevišson tóevistomot's heszheem henisson-e-vomotaot's hevišson.

29 Na énisótzehōn zehevišsonetovazess kas-sovaheo; nasz évovoheszheémo na énaehō, és-saaeshenissonenehéhō.

30 Na nasz zexhosshonaovevistōmóhōn na exhossenaehō essaahosshenissonenehéhō.

31 Na zenahaonsz exhossevistōmohōn: na mato vezen zenisótaonsz mato na éñšsaatóma-henissoneneheehōn na émassenoosenanovhōn.

32 Na neš évâxshestoxnāehō dhe héẽ hapo,

33 Na otā maevhaohaenov nivās zevistōmā-esso? nínisótxuit's zexheševistōmāess.

34 Na Jesus zénōstovoss eszettohōn: kašgo-neo heto hestanov éoxcevistōmázeo na eoxce-meatoveo vistōmazestova.

35 Na óha nah zetonoóemess pavhastov ze-toshestanez ható hestanov na zistoseevhaohās-tov nāestova essaavistōmazenovhan na mato



essaameatovazistovan vestōmazestova.

36 Na mato zsaaevhanāeo tass zhevetoex-ovemov, hozeon zeheszemēnheziss na ehenissonetōevo Maheon zehešhenissonestovevoss evhaohāstov.

37 Zenāesso zeevhāešohāetanevoss, Moše zeñxeševōstomans zémanokooez, neš zéneševēoss Zenithāziss: Abraham hemaheonam na Isaac hemaheonam, na Yakobon hemaheonam.

38 Maheo essaahemaheonametōenovsesto zeešenazess, onitāz ehemaheonametōenovsesto nhe zeametaneness: otā nitao eametanensesto hevetov.

39 Na hosz zeoxcemxistonest ēnoztovovhōn eszehōn: Zenithátto zehetto et'sēenhesso.

40 Na neš hóóm nínitā essaaevhanoztōehōn.

41 Na eszettohōn Christeva David hēhya: henaess eoxchessevoss?

42 Na David tāma ezevō mxistōoneheva zeameá Psalms: (nimeoxtoz) zenithāsz ezetto nanitāham: hōsz hesto nazheamaxesto.

43 Tāe zensetamata natanešemanhō nstóe-axtāestoz.

44 David ota zehešezeševeóss Zenithāsz taxa na etoñšhēhyaenotto?

45 Neš zeaátomonēs nitao vostano eszettohōn hevovistomosseon:

46 Naheztova zeoxcemxistonest, zeoxce-

nhōmanetanoss momātahōma, na zemehoxtooss  
masseztovazestoz homhótanevoxzeše na zeox-  
chōess zenocāehōstaz māeto maheonemhayon  
na zehoetanotoss hōestoz zenithaez méenāestov.

47 Zemāestomovovoss hevenovevoz otxā-  
heo na zemenoōmāzetanoss hāehāonatonv zeto  
vezen vostaneo maxeassetóēstoz zetaamhaevov.

## CHAPTER 21.

1 Na zeszetōess na zévōmoss zehāovazess  
hetano zehesseēnanot's hemeátōvevoz makae-  
tavehósseon:

2 Na énovōmohōn nasz zenstamenoeheve-  
ziss otxāheó évhessēsenananhōnōz héno niš  
macemakaetansz.

3 Na eszého onissyometometto nizettazeme,  
zeto stamenoe otxahéē ehépemeaā makāt zeox-  
hetameavōss nitovetto nistxevoss.

4 Nitao zeto zexhāhépeaeneonevoss emea-  
nov heóstōname Maheo: zeoxešhaovnovāes zeto  
héē eñšemaemea nitao hevostanehevestoz zehe-  
tāeaeno.

5 Na hosz zistotoxstoz maheonemhayo, ze-  
heševešpevatamano zevešemane zepavass oho-  
nāeo na meátotoz eszehō:

6 Otā heto hovaeoz zevōxtomassēs ešiensz  
zeñxhoénettons nhāno neš zsaahēeoze heva  
nasz ohonā zsaasótaxšetovohe nasz zemessaā-  
anhāamēs.



7 Na zenoztovovoss eszehōn Zenithatto, tah na toneš zeñxhoeziss, na taxa zeneevatonhess neš heto hovaeoz mánstoshoezhess?

8 Na eszehō: ōhaetan nszeveehóxsetanohan-hem: zhaenóeo zéešhoéness navehestoz, nanē-hov Christ zevōnō: na zenexov ešhahanetto: nszevheneovovō, nszevéamatovovō!

9 Na neš nszenistomonenovōz meotazistotoz na homoyozistoz, nszeveohāetanozhemē: heto hovaeoz zenmāvovoehozhešsonsz, na enstose-monhónhéss ano.

10 Neš eszetótahaovohōn, hestanovā zenosseohāetta héstanovā, na vehonstanovestoz zenosseohāetta vehonstanovestoz.

11 Na hóe zeēvemax nonópa zeōnstaoz t't'sa na pónhāostoz na hesseozistoz, na zehā-hépatamanoesz na zemaxhatamanoēs z zevō-mensz héama zehessōsz.

12 Na heto zešsaahēšenhessohan nszhestanaevō na nszemeztovoēhaevō nszemeatōevō maheonemhayon na aenonemhayon, nszhoozā-evō zemaxevehoneveziss hevez na zenitāt'seneziss nitova nszeevhessnešehanhemē.

13 Na heto nszevešnoztonenov nstótaeonev.

14 Enanomē nhenō ota nsztháhevo nszevenistaôtanom zetoshešnóstass mánoztoness.

15 Nszemetazenov homotom na heneenovastoz, nitao zetotonsetamaessēē, zsaahoešena-

eo oxistovǎ zémomaxemazistov na zsaanótove-nonōstōenov.

16 Na nszemeatōevō ninissovaevoss, ninió-mevō na eśsonevō na nivōestovevō, na eśsene-hevō; na hosz nszeevhessmaenahanhemě,

17 Na nszhesssetamaevō nitao hetaneo zeonitov.

18 Na ota heva nasz meq nimekonevo saavoneozehan.

19 Niōénovetanoxzévo niaenanov nimata-soomaévo.

20 Na neš mávōxtomass Yexušalemo maóómhomevoz notxéo nhāno heneénomahen vonanazistoz hāoemenestoz eśhahaneoz.

21 Nah zeevǎss Yotaen zeovavoha ohonavea na nah zeevǎss nheno māostov hōyoová-voha: na nah zeēvass taxtaetto hoeva zevéēseovavoha:

22 Hetahānevoz eśiensz zémaxeostomanistov nitao hovaeoz zehetamxéo zevāoxsénhesso.

23 Na hāomenetaneóō nah zehóssees, na nah zenistovoss nhāno eśēva! nhāo zemaxôzetanonavoomenhestov hóeva, na hāstáhastoz zhôotāenov zeto vostaneo.

24 Na zeveševonaneo xovatovoneva, na zeassemomoneheveo oxs hestanov: na Yexušalem zevonananov hestohestaneo, ta nexovevǎ hestohestaneo mxhōstaz hapo mávâxsenhessoz.



25 Na zeneevatonhessetamano ešeeva na ta-  
ēšeeva, na hotoxceva, na hoeva haomenhestoz  
hestanov, ôzetanōzestoz zemāomhoēāz na ze-  
hoeotōma zemaxenistonevon;

26 Hetaneo hesztahevoz zeanoveozettons-  
maetótavoz: na mánozevoxtomevoz ható hova-  
eoz zenstoshônnessózēsš hoeva: na zeohāta-  
manōesz heama zenonoxpeozensz (zeonōxpaass.)

27 Na nhāno neš zevōmovo zehēhyaetōeziss  
hetano zeneameoxto voeva hestaatamāhestoz  
na zemaxevoéo.

28 Na neš heto hovaeoz máneasshonhess  
nszéatōom: nszevonoaéom: nivostanevstov eas-  
honhesso.

29 Na exhótahaovhōn hótahéo: ota voxkō-  
emenó na nitao hoxzetto:

30 Háno tasshoneovosz nivōxtanov na ni-  
heneenanov tāma meáa eneešhahaneoz;

31 Ota hapo vezeno nišheneenomē zéoxce-  
hoenhess heto hovaeoz: hapo vezen nišhenehe-  
nomē zexhestanov Maheo eneešhahaneoz.

32 Onissyometto ninettazeme heto manhes-  
tanóv zsaaēšeasseozehan táe nita maeševâxsen-  
hesso.

33 Heama na hoe zeasseozensz otā naēszes-  
toz zsaaasseozehan.

34 Na nhaetanotovaz tāma oñšetoneš nsztá-  
hevoz zeñšenokazetaetta messestov na nono-

to vsešenož, nszeševonaszehaenov heto nivostanehevstov, na hato eš tass nszhôotâenov séhovetto.

35 Tass nononō zenešhōotaenov nitao nhe zehestanovoss zeoxtoetaohómao.

36 Neevavōssanota na oxchāōna mesēeto, nonópa nszenohoemanhemē zepévhasz zistoss-homstatomevoss nitao heto hovaeoz zenstoshoénhesso na zistosenheetovovoss māeto zehēhyaetōeziss hetano.

37 Na ešēva évovistomossenhō maheonemhayo, na tāeva estahōénehō na exhoeohō nhāno zexhaeóomenoz Olives evoomeno zeoxcistohez.

38 Na nitao vostano eñxhōotaehōn zistameovōnaoz maheonemhayon zexeaátovaess.

## CHAPTER 22.

1 Na kókonoyonemsestoz zsaapohaneonevenehan exhahaneozeneo, óómnestoz zeheševetto.

2 Na zevehonevess maheonhetaneo na mxistonetaneo enótovetanohōn tah zemehešenahovöss: eēátovovhōn vostano.

3 Neš eestaxetovohōn Satan Yotaseva Iš-kaxiot zénoeševēs, nasz nhe zeótnišess.

4 Na estahassehō na estavestozezevemhōn zevehoneveziss maheonhetaneo na notxeo emetašémémoss, na emetašemeass.

5 Na estapevetanohōn, na énehoemanehōn



zistosemetovöss makaetansz.

6 Na énehō na estoneztano zetosešméemoss na zetosešemeas zešhōnazetanevōez.

7 Neš exhoénettonéo eš zessaapohaneonevenehan kókonoyo, neš óómnestoz zistosenáss.

8 Na estazettohōn Peter na Johneva eszettōhōn, Tazeoxz na tanistápevanomevemenóóómnestoz, nonópa nstamessenon.

9 Na eszettaehōn: t'sa ninhessezesta nataešhepevananon?

10 Na eszettōhōn: ota neš mataēseoxzess māostov nhāno hetan nszethōeovov zenōxta máp meneevetooneheva; tāēshoeovo hēnē mhayon t'sa mataēszénsz.

11 Na nszezettovo zepevhetanevsz ehemhayonsz: Zenithāsz ninszetta: tās oxovistavāhome, neo nazevesseanamō navovistomosseon mámessez óómnestoz?

12 Na nszevistomōenov zemahaeneotaz heama mhayon zeeštōn nhāno nonotohanenehen.

13 Na estaneoxzehōn na éméanovo zetóešēševistomōevoss: na énonotohananovo óómnestoz.

14 Na neš zexhōsta kokoyasseo exhamsthoe-hō, na nixótnišet's hevovistomosseon mato.

15 Na eszettōhōn: zethoastová nanethóae zistossevesseanamaziss heto óómnestoz zetaešsaaassetoomenehetto.

16 Nihessenettazeme natossaaevhahosseme-  
se tá maešešexano heszhestanov Maheo.

17 Na exhestanano nomenevetoxk na hahō  
exhestano na eszehō: hestanom heto vozeno-  
mevaz tāma.

18 Nihessenettazeme nazaaevhamāne ópāe-  
hememenáp tae heszhestanov Maheo mxhoé-  
nettót's.

19 Na exhestanano kókonoyo na haho ex-  
hestano, na ééenano na émetonov, eszehō: eta-  
hāne navōxz zemeavomotaness: heto nešievě  
vešemeetanotove.

20 Hapo vezen heto nomenestoz zehešeene-  
messestov eszehō: heto nomenestoz, enēhove  
monhoemanistoz nazhemaeva zehenenomota-  
ness.

21 Na ota vehōxtomova héáz zēmosótova-  
tōsz navisthōema taxemessestova.

22 Na onissyō zehēhyaetōsz hetano etane-  
oxz zetóethoemanistov: na óha hāomenhétan  
nah hetano zēmōsót'tovatōs.

23 Na eassenóztovazehōn tāma nivāesz ze-  
hestxevoss zemezeševsz heto hováe.

24 Na mato eñšenahessetazenovo, nivāso ze-  
hestxevoss zemenocmaxenanothóemsz.

25 Na eszettohōn: zemaxevehonevezess hes-  
tohestanéō enithátōevó na nah zeneševezess  
nithavhoemanistov, zeaenāevoss pavet'seneheo



eoꝗchestoeo.

26 Na ninēhovhemē zsaanhessohan etovevo, na nah zemāxenithāsꝗ zehesꝗiss tass nocezecehāesz na nah zevehonevsꝗ tass nah zehozeōsꝗ.

27 Na nivās zehēpenithāsꝗ? nah zehōsꝗ zemessēsꝗ, na mó nah zevozenohomossansꝗ? Eahama nah zehōsꝗ, zémessēsꝗ? Na nineševeoxzemaze tass nah zehozeonevsꝗ.

28 Ninēhovhemē nah zeamevessevēās zēvonóanonetto havseveva?

29 Na nivhēstomevazenov vehonstanovestoz tass hapo Nihoe zeheševhēstomevās.

30 Nonópa nszemesshemē na nszenomenhemē nataxemessetov zēvehonstanovētto nā nszhohemē taxhoestova nszhoemāotovō zeótnissovāss hemanhastov Išxael.

31 Na Zenithasꝗ eszeho: Simon, Simon, ota Satanas Eavo ehóa zeaenatanotovata, nonópa nszenheš-šeahama tass ben'noyo.

32 Na niešhāonavomotaáz zsaavōvoneozehan nionissyometanótov: na neš maeševóvetananelto hekonaovōn ešson.

33 Na eszettōhōn: Zenithátto naešenonotohanen zistoseševessevaz nínixa aenonemhayon na nāestova.

34 Na eszehō: nitanettaz Peter kokoyax zsaaešenistohe heto ešēva ta maešenahaezto-moétto zehešheneenovetto.

35 Na eszettohōn: nistxuit's zistahassetozet-tazess zsaanoexzehess makaetaevehosséo: na kaemestoz na mocanoz niohemhātanovo hováe? Na eszehōno, hováe.

36 Na neš eszettohōn: na nohetto nah zeae-no makaetaevehosseo hestanohā na mato he-kaemestoz, na nah zsaaheszxovatovonēsš ótova-hā hestoneōo na véshótova nasz.

37 Nihessenettazem, heto hane zenetxeo zenst'sēhossennesso, nitova: "na énohoemehō hatavsévoétatanistova:" hovae zeveštotoxema-netto eēn'netto.

38 Na eszehōn Zenithátto ota etahānevoz niš xovatovonož: na eszettohōn: nistānehā.

39 Na eñxhōénehō esthasshō hezeoxzistovā zezeoomenoz Olives: na hevovistomosseon mato exhōoehōn.

40 Na neš zistaešhoéns nhāno eszettohōn hāoena nonópa nszaaēsšnehemē havseveva hešvonhóetanotovazistov.

41 Na estaešnehó estanootāevohōn heazeš zeoxcešhoevahestovet's ohona, na estanēho henstaneva na exhāonā,

42 Eszeho: Nihó, maamátatto hassetanož heto hetoxq nitova: na ax natšetanoxtoz nassaa-hoamazto oha nitšetanoxtoz nešenhesshónehā.

43 Na exhōoettoehōn hozeon heamā exhe-konemanhaehōn.



44 Na zehešetaehoeometanoss eštahóssoniss-yomhāona: Na hesthópeozestoz tass momame-anaoneo mae hóeva.

45 Na neš zexhesseohās zexhāonas, na zex-hoeottōss hevovistomosseo, émeovohōn énāoze-hōn zeanovetanovošs.

46 Na eszettohōn: hena zehessenāozess tóe na hāon, nszeoxēsžénehemě havseveva heševonhoaoazistov.

47 Na zessoñšenaēst's, ota eñxmaxohetane-vōén na nah Yotass zeoxcestōsz, nasz zeótniš-esso éneaméneho māeto na eñxhahaneottōno Jesuseva zeñxhevxssemōss?

48 Na Jesus eszettohōn: Yotass nivešeem-ōsmeanoz zehēhyaetōsz hetano vxsénestoz?

49 Neš nah zehahaneotōessō zévōxtot's zetoshessoz eszettaehōn: Zenithátto monátaveš-ōsenenon xovatova?

50 Na nasz estaōmozenohōn hestozeon zenitháziss maheonhetan na époevohomovono heszeamaxest hestovōxz.

51 Na Jesus énōstaho na eszehō: nitaoōē-tahe neš. Na émxañomovono hestovōxz, nā eevhaēnomotozeno.

52 Neš Jesus eszettohōn zevehonevezess maheonehetaneo na notxozenitházess maheo-nemhayo, na zemomātahess nhé zeñxhonoxzo-tāess: tass mó niñxhōeae hozetovoevo nomazeeo

niñxhexovatovoneozheme na nínmonōxáneme.

53 Han oešēva zéveoxzemaziss maheonem-hayo nissaatoñšhestanehemē: ax etahāne nsz-hovevo zehōsta na zehāo zeaenonetto.

54 Neš exhestanovhōn, na estahasseeozovhōn na estahōozovhōn hotóma zenitháziss maheonhetan hemhayon. Na Peter exhoeoxsanehō hako vohēs.

55 Na neš zehešexohassenomevoss hóesta sitov zémahaeneota na zémanohamstōevoss Peter estavestoōvhamstoehō.

56 Na nasz kasseheheo évōmaehōn zehešhōs toxhōesta na esoss estavehōmaehō na eszettāehōn: zeto hetan mato emehavessvessevo.

57 Na eeztomóehō, eszehō: hée, nassaaheneenovó.

58 Na ahasskassexoveva zenitháziss exhossevōmaehōn na eszettāehōn: nasz mato ninēhov. Na Peter eszehō, hetan nassaanēhove.

59 Na hea noka zénimaōsta kokoyasseo zistaešenexova nasz mato, exhosseonissyomnettaehōn eszehō: onissyometometto zeto hetan mato etxsēevessvessevo: egalileehetaneve.

60 Na Peter eszehō: hetan, nassaaheneéno zehetto; na seeya zessoñšenaēsš kokoyax enistōehō.

61 Na zenithāsz estazetaehō na évehomohōn Petereva. Na Peter émeetanotano heēszestoz



Zenitháziss zehešešzettās zešsaaešenistōhes ko-  
koyaxa, nszehešeeztomó zehešheneenovetto, na-  
ha.

62 Na Peter estahōéneho na estamaxeaxaem-  
hōn.

63 Na hetaneo zetóenoss Jesusevā estoto-  
hoxtoēovhōn no ēoxceōmovhōn.

64 Na neš exhoss paetovhōn, na eoxcepōen'-  
novhōn na eoxcenoztovovhōn: ovhanhesz niva  
zeōmata? eoxcettovhōn.

65 Na hasto zenitáesz hovaeoz évešeasto-  
metotoxemonovhōnoz.

66 Na zetohešeešēva zemomātahess vōstaneo  
na zevehonevess maheonhetaneo na mxistone-  
taneo exhoemanhoénehōn na estaeozovhōn ho-  
tōma zehēszevoss eszettovhōn.

67 Ninēhov Christ? nīmēstomevemenō. Na  
esztetohōn: heva tā mēstomevaziss nimesaa-  
onissyomātaheme:

68 Na heva mat hotanoztovaziss, nimesaa-  
nōstovehemē: na mato nimesaaénanehemē.

69 Na neš zetā zehehyaetōsz hetano zhō  
heszeamaxesta hestohātamaestov Maheo.

70 Neš eszehōn nistxevoss, ninēhove tā nah  
hēhya Maheo? na eszettōhōn: ninhēmē nanē-  
hōv.

71 Na eszehōno: Hena emehesshossenozeva-  
tamož hótahanheo? Tāma niešenistovon zéhēs.

## CHAPTER 23.

1 Nistxevoss zémhátanevonhess eohāehōn na estaozovhōn Pilateva hevez.

2 Na neš eashoeettovhōn eszehōn nameovon zeto hetan ehestometano hestaneo na ehōnes-toman zeoxcēnanomoez Zēsaxeva énevō tāma zehešenēhovs Christ zemaxevehonevsz.

3 Na Pilate énoztovohōn, eszettohōn: nito-nēhóve zemaxevehonevsz zexhestanovevoss Yotahetaneo? Na énostōehōn na eszehō: nit'-sēenhevě.

4 Neš eszettohōn Pilate zevehoneveziss ma-heonhetaneo na vostano, nassaameomovo havs zeto hetan hevetová.

5 Na émaxhosshāemomátaehōn eszehōn: eoxcevonhoaovo nitao vostano Yotaheno zetaševovistomossens zeñxhesseass Galilee nxset-to zeto.

6 Na Pilate zénistomonetto Galileeno, énoztaho tah hetan zeto eohestasz Galileeno.

7 Na zeto ešheneeno zeheševesshestāes Hexodeva zenithāsz estaešemeanohōn Hexodeva hevez, nhe tāma hapo moévesshoe Yexušalemo nhāno nexoveva.

8 Na Hexod zévōmōss Jesuseva estaohae-pevetanozeho: estaohaevomatanotovohōn tozea hako énistomonenohōn hasto hovaeva na exhozeovossetanoho zévōxtatanoto hosz ovavoē-



tastoz zemeneševet's.

9 Neš eénoztovohōn hāsto haesztovā: ota zessaanōstōhenō hovāe.

10 Na zevehonevess maheonhetaneo na mx-istonetaneo, éñēhōn na éñševemomaxemaehōn.

11 Na Hexod na hemeoenotxen eśśaaonoa-tamóevhōn na estotóhoxtoēovhōn na exhon-eosshonovhōn zevoomhāziss honéōnō, na esta-evhaešemeanohōn Pilateva hevez.

12 Na hen heto ešēva Pilate na Hexod ex-hevessenehetovazehōn níniševoss: nista móémehansetamazevo seetoeš tāma.

13 Na Pilate neš zehešemohēonōmoss zevehonevess maheonhetaneo, na zenithāziss, na vostano.

14 Eszettohōn: nihoeozov zeto hetan nitovā tass nah vostan zemahestomenoxseoxz vostano na ota naešeōhatamo zehetaeōs, nassaameomovo havs hevetov zeto hetan hatō hovaeoz zemaēvešemomaxevośs.

15 Hovahan na matheva Hexod: nihasse-nešenēnahezevo hevez: na otā hovae zemeveš-pavhessenáśs essaanešetō.

16 Na mataeševeheehosz nazetaevhanizeoō

17 (Mo eoxcetoneševstomanhé maxemesses-tovēs sz nasz mooxcevhanizeohe).

18 Na émassonstoehōn seetoeš eszehōn ta-nāseozehā zeto hetan na nínižeomotxemen Barabbas.

19 Nhe t'sa nasz netatanoxtov zemhanez mhaostová na monitoenahāne moxhèsseēstahamhé aenonemhayon.

20 Pilate ota zeēnanatanotovöss Jesuseva exhosseēsztovohōn.

21 Oha émassonstōehōn eszehōn: hotxhassehoehå! hotxhassehoehå!

22 Na eszettohōn zenahaoettoz: tah henovaez havs zeneševs? nassaameomovo hovāe emehessenass: nataveheehōno na nataevhaenano.

23 Na estoséeyamaxehahehōn zévēstomovovöss hotxásehoestoz. Na henistohestovevo na mato zevehonevess maheonhetaneo ééxozeneo.

24 Na Pilate etañšenhessoz zehethoavoss exešetanohōno.

25 Na éévhanizeovohōn nah nithatanoxtoz na nitoenahanestoz zexhessēstahameziss aenonemhayon nah zeto vēmōvöss: na énešemeanohōn Jesuseva zetotaomešetatanotovovoss.

26 Na zistaešeasseozovöss estatanovhōn nasz Simon zeheševeheziss, Kixenão zehestāsz zeñxoxzz hoeoneva na évēvotaovónovo zehotxatoz nonópa enxevomotahōn, Jesuseva.

27 Na exhóeōevohōn maxhasto vostano na heeo hapo zevessohaetanonavomotāes na zememāes.

28 Na Jesus estazetoohō na eszettohōn: ze-



hestonahettoness Yexušalemo, nivehestaxanet-toveme onitáz taomhestaxanestovaz na ninis-sonévō.

29 Ota ešiensz zeneaménettonsz hene zhešc-zenov, aha zsaahenissonéhess heeo na mato-nešsz zsaahenissonettanehész na matanan zsaazešnistovohess,

30 Neš zeaszēstanovoz ohonāevohomensz taxeanaotovemenō na hesséomensz átoaovemenō.

31 Na mazeševevoz heto hovaeoz hoxáehox-zezeva zetoñšezistov zeexaonet's?

32 Na nhâ mato niš zenitass havsevoētaeon estavessēameozehōn zistānahevoss.

33 Na zēncšhoēnevoss nhenō Kxania zeox-chestohez nhāno exhotxhassehoenovhōn na havsevoētatanō, nasz heszeamaxesto na nasz henamosesto.

34 Neš eszehō Jesús: Niho, vonanomova zehēševevoss: essaaheneenohenov zehesseneševevoss. Na eonissovanamovhōn hestōma na émoñšemottozenohōn.

35 Na vostaneo éveoeoetovovhōn na mato zenithass estohossohazetovovhōn, eszetovhōn eoxcevostanevó zenitaziss, taxa taomevostanevazehā maonissyomnēhovsz Christ zehestanāsz Maheon.

36 Na notxéo mato estohoxtoēovhōn zeñx-

hoeotovõss na zéméttofovoss ohōstáxemáp.

37 Na eszettovhōn maonissyomnēhovetto hemaxevehonamevo Yotahetaneo taomevostanevhazz.

38 Na heama amxistonestoz mato émxeozé-neõ tah heama hevetov zeoxcetxistónevoss zehestass Yavanenszestoz, na Xomanenszestoz na Yotaenszestoz: Zeahānhe zemaxevehonevsz zexhestanovevoss Yotahetaneo.

39 Na nasz havsevoētatanō nhe zehōsenaziss estohossemaehōn eszettaehōn: maonissyomnēhovetto Christ taomevostanevhazz na mato nínišez.

40 Hotaz nasz nhe én'nostōehōn évéoettaehō eszettaehōn: mohonōēátovõz Maheo, zetōoxz nínešeassetoē vezen?

41 Na nínišez nípevoēanhemå: nihozevoxtanon, nívešeamhānon níťsezestonan: na zeto hetan essaaneševe hovae ahétov.

42 Na eszettoeōn Jesuseva Zenithátto mectanotovéo mañxhoeoxtom nívehonstan.

43 Na Jesuseva eszettaehōn: onissyometto, nítañettaz hízešēva stavesseve zépavstanov sean.

44 Na hea vezen zesitovhōs na eaenoneozen nítao zeoxtoetāomao táe zénavxeo.

45 Na eše he eaenoneozeo na zetaomōs šeono maheonemhayon eoxóeozehō tae sitov.



46 Na neš Jesus zehešemaxehās, eszehō, “Niho niāzeneva nahešeassetano namátassoomā”, na zehešezēs heto énāehō.

47 Na neš zevehonevsz notax zévoxtō zehešezenovez épevatamanatamohōn Maheo eszehō: zeto anoss eonissyōmpavhetanehō.

48 Na nitao vostaneo zeomohēness hevehos-saneo zevōxtomevoss hovaeoz, zehešezenovez, époešeneeszehōn na estaevhaassehōn.

49 Na nitao zehetāhoxatamoss na hēo zeñx-hesshoeōs Galilee énhēhon vohēs évōxtanov-hōnoz heto hovaeoz.

50 Na ota nasz hetan Joseph zeheševēs maxhoemane na estapevetanevhōn na estahox-ehaehō.

51 Na vezeno dhe exsaaamataehō zexhōe-manistovez na zeheševstovez exhestaehō Axi-mathea zémaevoss Yotahetaneo: dhe hapo tā-ma mó estonōxta heszhestanov Maheon.

52 Zeto hetan esthassō Pilateva hevez na évēstomovonhō hévōxz Jesuseva.

53 Na eanhanano na éveanano vokomšeononeva na eēnanano vhostovā ohōna évoss-xéo, nhéno essaazešešénanēheho hovane.

54 Na hen ešēva mo épevanēnistoveneó na maheoneš zehešhōsta.

55 Na hēeo mato nah zeñxhessevessevās Galilee exhōeoxssanehōn, na évōxtanovo vhos-

soestoz na zehešenanet's hevōxz.

56 Na estaevhōn na épevananovhōnoz mox-  
ešsz na xoaneonoz, na exossotomoehōn Ma-  
heoneševa zetohessoz hóemā.

## CHAPTER 24.

1 Na zetoetoonā zevovoešēva maheoneš  
eñxhoénehōn vhossestova, eñxhōezenovhōnoz  
pavemeeozestoz zehešepavanomevosz, na hosz  
zenitaziss évessevaevohōn.

2 Na émeovovhōn ohonā ehassetanehōn  
zeñxpoeoneveziss vhóssestov.

3 Na estāeszénehōn na éssaameovohenovo  
hevōxz Zenitháziss Jesuseva.

4 Na eszesshonéo zistañšenaôzetanoozévoss,  
otā niš hetano énhētoevhōn eohassenoehōn  
heszehenóvevo.

5 Na estaētótaeozehōn, na zetaešxamahaeše-  
navōss hóeva eszettaevohōn: henaē zehessenó-  
zeovoss zeametanešsz nāestxui?

6 Essaahoe zeto, eešēvhaoha meetanotomo-  
va zexhešeēsztoess, hane zéssohoōss Galilee-  
eno,

7 Zeszēs: Zehehyahetōsz hetano zet'sēmeá-  
tov heázenevaevo havsévoetatanehetanistov na  
zhotxásehoe na zenahaonettoz eš zeevhaohā.

8 Na émeetanotomovonovhōno heēszestoz.

9 Na estaevhasseassehōn vhossestov na éni-  
tótahaovovhōn nitao heto hovaeoz zeótnokaziss



na nitao mato hosz.

10 Na nséhanevó Mary Magdalene Joanna na Mary hesc Yakobon na mato hosz héeo zessevāevoss zexhótahaovoss heto hovaeoz Apostoleo.

11 Na heēszestovevo astomhoxtaeon exhes-setamezeno na éssaaonissyomátovóevhōn.

12 Neš eohaehō Peter na estaešeassetaxeho vhossestov; na estahessetōxeoeho na évōmohōn vokomšeonon zehoneōvoziss oxs éaehoehōn na estaevhaassehō, estazistoxtoetanohō heto zeēv-hohessoz.

13 Na ota niš estaóxzehōn hen heto ešēva zémháostov Emmaos zeheševeetto nissótoa na oxe tāeoneva móstassenēsohan Yexušalemo.

14 Na estaometotoxstanovo nitao hováe ze-ēvemassóhessez.

15 Na zeñxhonexov zeheñšenañšeēszevoss na zeēveôetanonanevoss nitōoxz Jesus eñx-hahanénevo na estaomevessevaevohōn.

16 Heexaevoz mostōhanehanhessevoz essaa-toñšheneénovoevhōn.

17 Na eszettaevohon: henovaeoxz heto ze-ēvetotoxstomevazessēs nonameto, zeñšenaaméness na zehesseanovass?

18 Na nasz nye Kleopas zeheševēs zénōstovōss eszettōhōn: mó nihestōevostaneheve zeto Yexušalemo na zehessaaheneénoetto hova-

eoꝝ zeēmāehoess nhāno heto oešēva?

19 Na eszettohōn: henovaeoxz? Na eszettaehōn hevetov Jesus Nazareth zehestāsz, ovhanhe zeohātamasz hetšezistov na heēszestov zehtaēt's Maheon na nitao vostano.

20 Na zevehoneveziss maheonhetaneo na zenithāt'saneziss zehešemeatōs zistossenaes na zehešhotxasehōs.

21 Namehanešeniétamhemē zenhéssō zenēhov zevostanevstovot's heszestano Išxael na mato tah heto, heto ešēva enahaonetto eš heto hováeoꝝ zeēvemahešenhessoꝝ.

22 Héhe, na hosz héeo zehestass namhastonan naotaeotaemaeneo zetameohassess vhosses-  
tov.

23 Na neš zsaameomovevoss hevōxz zexhoénevoss enhevōn zehešenevōmovoss hozeon zeheszemēneziss zehenettāevoss zehešeametane-  
net's.

24 Na hosz zevessevāezēē etaneoxzeo vhossestov na etameanov zettoet's héeo na ota nitooxz essaavōmohevosesto.

25 Neš eszettaevohōn: masshāsz na nóvhae-  
hasz nsztaheva, zsaaonissyomátomovohess nitao  
nah ovhanheeho zeñxešeēszévoss.

26 Tah na Christ emessaazetoómenehenoꝝ  
heto hováeoꝝ na emetaeszéné hepavatamahes-  
tov?



27 Na neš hako éñšhesseassemēstomevhōn Mošeeva na nitao ovhanheeho zenstotoxstot's nitooxz hevetov.

28 Na eñxhahanehōn maoevehoen zexhóox-zevoss na énešezeho tass estosseohoménehō.

29 Na exhoōnettovhōn eszettovhōn: eševest-hōmemeno: hetoeva ešeassetto (ešhetoevenéo) etaešhaěš-ešenéohe na estaeszéného zistavesse-ótaenemoss.

30 Na zexhónexov zistossemessevoss zexhamstōevóss exhestanano kókonoyo, évovónešetano na eoxanano na émetaenovohōn.

31 Na heexaevoz estataeozezenhōnoz na exheneenovovhōn: na exāeséhovevoneozehō.

32 Na eszettazehōn nonameto: tah tass nsztahan essaaohassehané hotóma zeñšenaēvevis-tomovamāez meono na zistataenomoēz maheon-ótaheo.

33 Na eohaešeozehōn zistosetóomoestoz kokoyasseo na estaevhazeoxzehōn Yexušalemo na estameovovhōn zeótnokaeziss émoemanoēhōn na mato nah zevessevāevoss.

34 Eszettovhōn zenithasz ešeevhaonissyom-eohā na ešhoeoetovo Simoneva.

35 Na énitótahanehōn zetaevemāhessoz hováe méon na zetaešheneenovovoss zeoxanot's kókonoyo.

36 Na zéñšenazešeēszevoss Jesus nitooxz

énhēho sitov na eszettaevohōn: hekotomavos-  
tanehevestoz nihoaztomotazenov!

37 Exaveohatanoozehōn na exhépôozehōn  
na hea mátassooma navōmon exhōvešetanohōn.

38 Na zēssettoss: hena zehesseôzetanoozess  
na hena macetanoxtoz zehesseohā nhéno nszt-  
háhevo?

39 Vehōxtom naházenoz na nazeheossoz: na-  
tónēhov nitooxz: nimonaxan na zetōo: mátas-  
sooma eoxksaahevxozeve na essaahékoneve he-  
to zeheševōmess zehestatto.

40 Na neš zehešezēs évossonhōnoz heázenoz  
na heszehessoz.

41 Na zehešsaaešonissyomátaet's zépaveta-  
nōzet's na zexohāetanōzet's eszettohōn: Nissaa-  
hozenovo hováe zemestove?

42 Na émetonovhōn hosz zehonoheziss no-  
máne na hānomăpaneasseo zeñševeotaz.

43 Na exhesstanano na estomessenó zehe-  
taēz.

44 Na eszettohōn hetahāne észestoz zehēsztō-  
vaziss zessonšenavesseveziss nitao hováeoz zet'-  
sēmasseexanensz, zemxeōsz hesthoemanistovă  
Moše na mato ovhanheéo na mato nimeozeva  
(Psalms zehestohěsz) zistotoxeme nitov.

45 Na neš estataenomevonhō heszheneéno-  
vetanoxzevo, nonópa zhéneénanov Maheonm-  
xuisto.



46 Na eszettōhōn: etahāne zehetxeo na etahān etsēenhesso Christ zistosszetoomenēs na zistossesseohās nāestovā zenahaonettoz eš.

47 Na vešeanovetanoxtoz havs na vonanomevazistoz mathavs zeveštotoxemez hevehes-tovā nimaeto nitao hestanov hesseassetto Yexušalemo.

48 Na ninēhovhemē zeheneenomass hetō hováeoz.

49 Na ota nimetazenov hevistomossenestoz nihoe: oha ñšēšhō zeto mahoestov Yexušalem táe maešemetaness ohātamaestoz heamā zehesso.

50 Na estāhōozohōn nxsetto zehešhostov Bethany na estaheama-nanhōnoz heázenoz na évovónešetovohōn.

51 Na zenxhoénexov zessoñšena-vovónešetovoss éneassetaneho na estáheameozehō heama.

52 Na exhaônatofovohōn na estaevhaoxzehōn Yexušalem émaxepavetanohōn.

53 Na eñše-oxce-aenhoehōn maheonemhayon zeoxce-nemeatovoss na zevovónešeóvoss Maheon. Amen.

## *Some Corrections.*

### LUKE.

Chap.	I, 27	read	zeheehēvsz.
"	I, 36	"	zeoxcešešeenass.
"	I, 42	"	zetosshenissonetov.
"	I, 45	"	zemēstomōsz.
"	I, 47	"	evešepevetanonotto.
"	I, 51	"	zetaomeametanoziss.
"	I, 62	"	estanóztavōma . . . . .
"	I, 65	"	enmassoēātōestovstōenov.
"	I, 65	"	emassoheneenoenezeno.
"	I, 67	"	eszhešemomātaeszeho.
"	I, 73	"	Abrahaměva.
"	I, 77	"	zistossemeenomevoz.
"	I, 78	"	niešenešehôotaen.
"	I, 80	"	zeassevōsáz.
"	2, 10	"	enšettaevohōn.
"	2, 16	"	estameovhōno.
"	2, 22	"	zistossevōsovoťs.



Chap.	2, 25	“	monozevatamevo.
“	2, 34	after .zeēvhavešeohanov read:	hasto Israel hevetov, tass etc.
“	2, 45	read	——noxzeovoevo.
“	3, 7	“	šišinovozevstanéhaz.
“	3, 9	“	zexhesseohomevevoss.
“	3, 12	“	eōstaetanohōn.
“	3, 16	“	nivešēōstaezenov.
“	3, 19	“	moēmaeonitōevo.
“	3, 21	“	esséhoveonstaozeneo.
“	4, 26	“	estxamaheše . . . .
“	4, 39	“	estšene-nšo . . . .
“	4, 41	“	zemašaneeziss.
“	5, 2	“	evōxtananoz.
“	5, 4	“	zexaotam.
“	5, 6	“	heonohoyonevo.
“	5, 17	“	eveoxzemāenov.
“	5, 33	“	henaetó.
“	6, 26	“	astomovhanhéeo.
“	6, 35	“	nioninxomevazistoz.
“	7, 9	“	eévhaehō.
“	7, 20	“	nañšešenēnahēn.
“	7, 21	“	zehanoēziss.
“	7, 23	“	zsaahoniametanotosz.
“	8, 5	“	Enanoéo.
“	8, 10	“	ónistomonevosz.
“	8, 15	“	zépavomaóez.
“	9, 14	“	——maxematótno . . . .

Chap.	9, 34	“	exohōstazenéo.
“	10, 13	“	ninissonevo.
“	10, 36	“	nioxcevohóyoē.
“	12, 40	“	zsaamehaešetano Hess.
“	14, 9	“	hoetom.
“	14, 31	“	nisso.
“	15, 32	omit	repetition.
“	16, 33	read	enxhesseatōoho.
“	18, 10	“	hoemane.
“	18, 18	“	zepavátto.
“	18, 39	“	ohatōs.
“	19, 6	“	——masseztoV——
“	19, 17	“	matótoa zémomenomhaos- tov.
“	19, 27	“	zsaahoátō——
“	19, 28	“	estaamevovoéneō.
“	20, 6	“	nszeneahanaeneo.
“	20, 8	“	hestóemaoxzevsz.
“	20, 9	“	enanoéo. (also 14, 16)
“	20, 10	“	ópāehemenoeše.
“	20, 21	“	nissaaoham——
“	21, 8	“	zevešhoéness.
“	22, 65	“	——totoxemovhōnoz.
“	23, 11	“	bemeoenotxem.
“	24, 6	“	zésohōs.
“	24, 14	“	——massohessoz.



Chap.	1, 33	after zeanhôtaxeōšetōsz read	mátassooma.
"	3, 11	read	naōstanon zeheševōxtomaz.
"	4, 8	"	hevovistomosseon — mes- sestoz.
"	5, 30	"	namessaatonše——
"	6, 29	"	zehesthozeoestov.
"	6, 45	"	niveeoemešmaszhemě.
"	7, 4	"	mxheneenatanotovazeta- natto.
"	7, 27	"	zeñxhestaet's.
"	8, 9	"	——nonochōehonō.
"	8, 10	"	nissaahavsevhoemaotāe.
"	8, 14	"	onissyom.
"	8, 24	"	mássaاونissyomátahess.
"	8, 37	"	zexomaxoxta——
"	9, 4	"	zeheššóešēve.
"	9, 11	"	naamhae.
"	9, 21	"	——vōsanetś.
"	9, 41	"	ehestoomota.
"	10, 15	"	zehešheneenōs.
"	11, 19	"	eoxcenhaoxzeva.
"	11, 32	"	estaavaoho.
"	11, 55	"	haetto.
"	12, 3	"	estaohāoemeneo.
"	12, 13	"	——haassethoeovov——.
"	12, 20	"	zenvesshoehaoenoss.

Chap.	12, 22	“	enxhōoetov———.
“	12, 38	“	natótaheonan.
“	14, 2,3	“	vovetā—not vovotā——
“	14, 7	“	mxheneenovessenhō.
“	14, 22	“	etovan.
“	15, 3	“	nieśhoxeáme.
“	15, 11	“	—totoxstomevazenovoz.
“	16, 14	“	zeamhae.
“	16, 20	“	nszeanovetanom.
“	16, 21	“	eoxceanovae.
“	17, 10	“	navohōyo———.
“	17, 11	“	maheon.
“	17, 20	“	mehosseo.
“	18, 25	“	mās eonēhovetto.
“	18, 31	“	hoemaota.
“	19, 4	“	nihoeozt———
“	19, 6	“	zeenaessehoehå. (see also 15).
“	19, 42	“	exhahanettaneo.
“	20, 2	“	zeēnanovoss.
“	20, 4	“	—amemehohe-ōno.
“	20, 12	“	zemehaeéseátaenat's.
“	20, 30	“	hevōseonevo.
“	20, 30	“	zsaamxeôhanehesz.



In the Gospel of John always read "*nihoe*" instead of *niohe*.

Wherever "hôt" (to come to) is spelled hô-hot or hôhox, cancel the "h". Also in oniss-yomhât cancel "h".

In reading difficult words always stop after infixes and not in the middle of them,





# Cheyenne Alphabet.

## I. VOWELS.

A, a, as in ma, maha, mata, like a in "father".

ā, as in nāena, nānhôn, contraction of two "a" sound.

ă, as in navōxtă, is a short "a".

á, as in máp, náz, is expired "a".

â, as in momâta, is whispered "a".

á, as in momáta, is accented "a".

à, as in makât is a and e contracted—German ai, ei.

â, as in nhâ, navâxs, is a and o contracted—German au.

E, e, as in messestoz like e in "lesson".

ē, as in naēta, epevohe, contraction of ee.

ě, as in hēhě, is a short "e".

é, as in émesse, is an expired "e".

ê, as in namakâtaemê, is whispered "e".

é, as in eééoz or hé is accented "e".

I, i, as in onissi, nimesse, like i in "marine".

î, as in nîmezz is expired "i".

O, o, as in homotom, mehosséo like o in "God", "home".

ō, as in navōmō is contraction of oo and corruption of u.

õ, as in hóõm, zevōxtõ, is short "o".

ó, as in óvōmosz is expired "o".

ô, as in eszettōhōnô, is whispered "o".

ô, as in naôzetano is contraction of o and e as in "boy".

ó, as in tóe is accented "o".

# Cheyenne Alphabet.

u as in navūxz like oo in "pool".

This letter is rendered by ō.

as in onissyom, like y in "yes".

## II. CONSONANTS.

ḅ, b, bébe, as in "beast".

ḥ, c, axc, as ch in "church".

g, gośś, as g in "go".

h, hetan, as h in "hen".

ḱ, kaess, as k in "kill".

m, maxsz as m in "máp".

nananovō, as n in "no".

napanotto, as p in "paper".

ḷ, nisq, sounds like "coo".

s, soss, as s in "snake".

ṣ, š, šeš, as sh in "she".

t, taxta, as t in "tumble".

v, veno, latin v—ué

x, xāma, as ch in German (hard).

z, Zezestass ts or German z.

























































Microformed by  
Preservation  
Services

mim # 6573.03

2.27.96













3 9088 00584 2869